

# WANTOK

NIUSPEPA BILONG OL PAPUA NIUGINI STRET

36 pes

Namba 1068

Wik i stat long Fonde, Disemba 16, 1994.

40 toea

## Ol papagraun long Turubu laik stapim wok bilong katim timba

INSAIT

Fiona (Iephan) na Michelle lanim long ski long sno



LUKIM STORI LONG  
- Pes 13 na 24

• MRDC givim K10 m long gavman  
- p2

• Ful skul fi sabsidi ripot  
- p3

• Olpela PNGDF opisa no lukim gut 1991 krismas, bikos BRA kilim em  
- pes 4

GODFRIED YASSAFAR i raitim

OL papagraun bilong ples Tring, Samap na Wau long Turubu eria insait long Wewak, Is Sepik provins, i givim taim nau long lokal kampani, Sepik Riva Developmen Koporesen (SRDC) na divelopa kampani bilong Saina, Hyebridge timba kampani long stapim wok bilong katim timba.

Ol papagraun bilong dispela tripela ples i givim SRDC na Hyebridge nau i go inap long namba wan de bilong mun Januери, neks yia long stapim wok tupela kampani ya i karim aut long katim timba long Turubu eria aninit long Lowa Sepik Lokol Fores Area (LSLFA).

Long lukim olsem SRDC na Hyebridge i pasim wok bilong tupela, moa long 50 papagraun bilong dispela tripela ples i raitim, sainim na salim pinis wanpela petisen o askim pepa i go long nesanel Minista Bilong Fores, Andrew Posai na Minista Bilong Envairomen na Konsevesen, Perry Zeipi. Ol i salim tu wanpela bilong dispela askim o komplek pepa i go long siaman bilong SRDC.

Long dispela petisen bilong ol, ol papagraun bilong ples Tring, Samap na Wau i tokim Minista Bilong Fores na Envairomen na Konsevesen olsem SRDC na Hyebridge i mas pasim wok. Astingting em long givim inap taim i go long ol long stretim hevi stap namel long ol yet.

Arapela tripela samting ol i tokim Mista Posai na Zeipi long mekim em: (1) SRDC na Hyebridge i mas pasim rot tupela i wokim i go insait long Majurau Wail Laip Menesmen Eria;

(2) SRDC na Hyebridge i no kisim gutpela na stretpela tokorait long Fores na Envairomen na Konsevesen dipatmen pastaim long

statim wok. Dispela i soim olsem tupela kampani ya i brukim lo na gavman i no mekim wanpela samting; na

(3) SRDC i no kisim gutpela na stretpela tokorait long olgeta papagraun na kisim divelopa kampani (Hyebridge) long karim aut loging operesen.

Long petisen bilong ol, ol papagraun bilong dispela tripela ples i tokim tupela minista ya olsem Nesanel Forestri Bod i bin holim wanpela miting bilong em long Novemba 29, 1994.


Ol i tokaut olsem long dispela miting, i gat ol toktok o ripot i stap olsem Forestri Bod i no bin tokorait long LSLFA loging projek.

Arapela bikpela samting, dispela miting i tokaut em Dipatmen Bilong Envairomen na Konsevesen i no tok yesa long envairomental plan bilong loging operesen bilong LSLFA loging projek.

Ol papagraun ya i go moa na tokaut long Mista Posai na Zeipi olsem Fores dipatmen i no bin givim tokorait long Loging na Maketing agrimen bilong karim aut wok bilong katim timba long LSLFA loging projek. Na tu bikpela hevi bilong graun namel long ol papagraun we i bin stat long 1991 i no pinis yet.

Dispela bikpela hevi ol papagraun i gat i bin stat long 1991. Dispela em taim SRDC i kisim wanpela arapela divelopa kampani ol i kolim Mosko Lamba long go insait long LSLFA na karim aut wok loging operesen. SRDC ba Mosko Lamba i pasim wok bihainim dispela hevi.

Wantok niuspepa i i no inap long kisim toktok bilong ol opisal long Fores na Envairomen na Konsevesen dipatmen.



Taim bilong redi long Krismas. Tupela moa wik i stap bipo long Krismas na tupela manki ya long Hohola, Mosbi, i mekimsave long bilasim Krismas tri autsalt long haus. Long Iephan em Jenny na Ilikik bilong em, Camby. Tupela i bilong Milen Be provins.

Lukim moa stori na poto bilong krismas long 6 pes Krismas Spesel saplmen long insait, stat long pes 17. Poto: Ivan Bayagau.

**SUPA HOT  
RET SPOT SPESEL**



**Plis  
RIPOT**



**MENDI:** Tenpela kalabus man, eitpela long ol em ol hatko i ranawe lusim Mendi haus kalabus long las wik Sande Disemba 11. Dispela i kamapim bikipela pret long ol bikhet raskel pasin long hap bai i sut i go antap gen. Bos bilong ol plis long Sauten Hailans, Eugene Manguva i tok ol lain kalabus man ya i yusim wanpela ain ba long opim windua bilong haus kalabus na ranawe. Dispela em long samting olsem 7.45 long Sande nait. Ol i bihainim bak-sait long haus kalabus na ranawe.

Mista Manguva i askim strong publik long noken helpim ol dispela lain kalabus man. Bikos ol i stap long lista bilong ol denja man inap long kamapim bikipela bagarap long ol manmmeri.

Em i tok bikos long ol dispela samting, plis i antapim ol operesen bilong ol long provins.

Plis i tokaut pinis long nem bilong ol dispela lain kalabus man Em Rex Nobi bilong ples Wongia long Mendi. Em i stap long haus kalabus bikos long tupela taim, em i pretim man wantaim samting bilong pait na em i stil long em. Ol narapela lain em Michael Tip, Samuel Lun na John Bika. Olgeta lain ya i bilong ples Wa'a long Mendi. Bikos long pasin ol i wokim long bagarapim meri, ol i stap long kalabus na sevim taim bilong ol. Ol narapela lain moa em Stephen Kombapia, bilong ples Wongia, Pomba Kosupa bilong ples Tepe long Mendi yet, Richard Kemia long ples Ebil insait long Nipa na Tom Kumbo long ples Mongol long Mendi.

**HAGEN:** Plis long Hagen i holim pasim faipela man husat ol i ting i stilim K42 tausen long Paiaakona bris long Westen Hailans provins. Dispela em long wanpela bisnisman bilong Esia

Plis i wokim wanpela operesen we ol i holim wanpela long faipela grup bilong ol stil lain. Dispela em long Ganigle bris, taim em wantaim foapela poroman bilong em i dring bia i stap.

Foapela i ranawe tasol plis i holim pasim wanpela bilong ol. Olgeta lain ya i ranawe wantaim sotgan na pistol.

Provinsal plis bos, John Wakon i tok man Esia i kisim mani i go long Porgera taim ol stillain i stilim long em.

Long wankain taim, wanpela man Minj wantaim 26 krismas i dai taim em i laik go long narapela sait bilong wara. Bikos long dispela taim Wara Waghi i tait, em i karim man ya i go daun long wara.

Plis i tokaut long nem bilong daiman olsem Hape Gispel bilong ples Tumba. Dispela em klost long Barawagi haus kalabus long Simbu provins.

**MOSBI:** Plis Minista Paul Mambei i givim tok amams bilong em long ol plis fos long mekim bikipela hatwok long lukautim lo na oda long kantri.

Em i mekim dispela toktok long namba wan edres bilong em i go long ol sinia opisa long PNG plis konstebuleri long Mosbi long dispela wik.

Maski kantri i bungim hatpela taim bikos long hevi wantaim mani, em i amamas long lukim olsem planti plis manmeri i wok hat long lukim olsem ol komyuniti i sindaun gut long wanwan ples bilong ol.

Em i tok long ol plis i go hetim gutpela wok long komyuniti, ol mas gat gutpela wokbung wantaim komyuniti. Na ol i mas winim rispek long komyuniti long mekim wok bilong ol i go isi.

**Kopi Industri oraitim Koiari pipel long kopi faktori**

PETER KASIA i raitim

KOPI Industri Kopresen (CIC) i givim tok orait igo long Koiari Dvelopmen Atoriti (KDA) long wokim namba wan kopi faktori insait long Sauten Rijon.

Na dispela pepa o permit we i tok orait long kamapim dispela kopi faktori, Sief Eksekutiv bilong CIC, Ron Ganarafa i givim pinis long Siaman bilong KDA, Garry Imiri long Tunde dispela wik taim em i pasim KDA semina em ol ibin holim long Pot Mosbi.

Dispela permit nau bai mekim isi long KDA long karim aut dispela bikipela wok, we em i

bin ting ting long wokim long longpela taim tru. Long taim em i presentim dispela permit, Mista Ganarafa em i tokim ol eksekutiv bilong KDA olsem long dispela wok i karim gutpela kaikai ol i mas wok stron na planim moa kopi diwai bilong salim long dispela kopi faktori.

Mista Ganarafa i tok em i givim dispela permit long KDA bilong wanem KDA em i mitim ol samting (requirements) we CIC i save lukluk long en taim em i save givim ol tok orait pepa long ol husat i laik wokim ol kopi faktori insait long

kantri.

"Sauten Rijon i mas igat kopi faktori nau na mi amamas long givim dispela pepa igo long KDA bilong kirapim dispela kopi faktori," Mista Ganarafa i tok.

Em i tok olsem maski ino gat inap kopi diwai insait long Sentrel Provins, dispela ino ken mekim ol man i les bilong wanem oli ken go na baim ol kopi long ol narapela provins olsem Morobe, Oro na Gulf na givim long dispela faktori.

"Tasol mi mas tokim yupela olsem, tru ino gutpela tumas long go painim kopi long ol narapela hap. Em bai gutpela tru sapos yupela yet i planim ol kopi diwai bilong salim

long dispela faktori."

Mista Ganarafa em i tok CIC bai amamas long givim helpim igo long husat man o meri bilong Koiari i laik planim ol kopi diwai wantaim ol yangpela diwai. I tru i gat planti ol kopi faktori insait long kantri bilong yumi, olsem long hap bilong ol Hailans na Morobe tasol dispela niupela kopi mil sapos em i pinis em bai namba wan taim tru long kopi faktori i kamap long hap bilong ol Papua.

Siaman bilong KDA, Mista Imiri taim em i kisim dispela tok orait pepa long han bilong Mista Ganarafa, em i tok Atoriti bilong em wantaim ol liklik moni em gat long en, em i

soim olsem em i ken wokim kopi bisnis insait long Sentrel Provins.

Mista Imiri i tok KDA em i painim ol gutpela hap we em i ken baim ol kopi long en na em i promis olsem KDA em i ken produusim inap long 100 tonnes long wanwan yia.

Em i tok insait long dispela yia tasol KDA i baim kopi inap long 86 pela ton olgeta na dispela i ken soim olsem kopi faktori taim oli wokim pinis em bai wanpela gutpela bisnis bilong ol long Sentrel Provins.

Dispela kopi faktori em bai kostim KDA moa long K500,000 na ol i lukluk nau long Gavman long helpim ol.

**607 studen long Bogenvil i go long haiskul**

LONG wik i go pinis, Provinsal Edukesen Bod i bin sindaun na toktok long mak bilong ol gret siks sumatin bilong olgeta skul long Bogenvil. Long wankain taim tu, ol i lukim tu hamas sumatin tru i stap long olgeta skul long provins.

Ripot we Wantok Niuspepa i kisim long Buka edukesen opis i tok 1,336 sumatin long provins i bin sindaun long gret siks eksaminesen long dispela yia.

Long dispela, 557 sumatin i bilong Buka distrik, 109 bilong Nisan, 176 bilong Not Wes, 137 bilong Not Is, 144 long saut Wes, 49 bilong Bana, Telei 159 na Sentre Bogenvil, 10. Provinsal edukesen plena, Aron Pita i tok long dispela yia, divisen bilong eduke-

sen i yusim kwota sistem long makim ol sumatin i go long haiskul. Dispela ol i lukim sapos namba tri i mekim gut long tupela sabsek olsem Inglis na Mets, em tu bai i kisim namba tri ples long haiskul.

Divisen tu i kisim tokorait long hekota bilong ol long Mosbi long ol ol i ken yusim nesanel avrej seleksen sistem long makim ol sumatin i go long haiskul neks yia. Dispela i min olsem provins i yusim tupela sistem long makim ol sumatin i go long haiskul.

Provinsal Edukesen Bod bilong Not Solomons i tokaut long 607 sumatin long provins bai i go long haiskul neks yia. Dispela em insait long total bilong 1,336 sumatin long provins.

**Simbu bisnis asosiesen laik go pas long wok bisnis**

MICHAEL KOMA i raitim

SIMBU Nesanel Bisnis Asosiesen i toktok strong egens ol ovasis lain husat i wok long ronim ol bisnis we ol lokel manmeri yet i ken ronim.

Presiden bilong asosiesen, Otto Vitus i tok i no gutpela long lukim ol ovasis manmeri i go pas long ol kain bisnis olsem haus kaikai na botol sop. Bikos dispela em ol liklik wok bisnis ol lokel manmeri bilong Papua Niugini yet i ken mekim.

Mista Vitus i tok wok bisnis insait long Simbu provins i mas stap long

an bilong ol Simbu manmeri yet. Long mekim dispela, i mas gat rot bilong ol lokel bisnis yet long go pas long ol wok na ronim i go bikipela.

Mista Vitus i tok tu olsem sampela bikipela kampani insait long Kundiawa i no save holim moni bilong ol insait long ol beng long Kundiawa. Ating ol i save yusim beng long salim moni bilong ol i go long kantri bilong ol yet long ovasis, Mista Vitus i tok.

Em i askim Kundiawa Eben Atoriti long lukluk gut na rausim ol laisens we ol i bin givim long ol ovasis kampani long mekim ol liklik wok bisnis we ol Simbu pipel yet inap long mekim.

**MRDC givim K10 milien koporet takis i go long gavman**

MAK bilong moni insait long bikipela paus bilong nesanel gavman nau i surik liklik i go antap pinis. Bikos long dispela wik Trinde, Disemba 14, Minerel Risos Dvelopmen Kampani (MRDC) i

givim K10 milien i go long gavman dipatmen husat i save lukautim paus bilong gavman Dipatmen bilong Fainens na Plening.

MRDC em i wanpela oganaisesen we nesanel gavman i

putim kamap long lukautim na ranim ol wok na sea/interes gavman i gat long ol maining na petroleum projek long Kutubu long Sautem Hailans provins, Porgera long Enga provins na long

Misima, Milen Be provins.

Dispela K10 milien MRDC i givim i go long nesanel gavman em i mani bilong wanpela kain takis insait long wok bisnis ol i kolim "koporet takis." Dispela

**Nem bilong ol nupela memba bai redi long Mandel**

OL manmeri bilong Madang provins bai harim nem bilong ol nupela provinsel memba bilong ol long neks Mandel.

Provinsel Ilektrik opisa, Abraham Wari i tok provinsel ileksen i wok long ron gut na i no gat hevi i bungim wok bilong karimaut ileksen. Olsem na long Fonde (tude) na Fraide (tumoro) bai olgeta wok bilong kisim vot i pinis.

Long Sarere bilong dispela wiken, bai ol

ilektrik opisa i sindaun long Sentrel Tali Rum long Madang taun na stat long kaunim ol nem bilong kendided long balot pepa.

Mista Wari i tok ol distrik olsem Aiyong, Wali-um, Sidor, Bogia, Karkar na Madang taun bai sindaun long hap bilong ol i stap long en na kaunim balot pepa. Bihain ol i ken salim ol nem bilong ol kendided i go long Sentrel Tali Rum long Madang taun.

mak bilong mani stap tu olsem "edvans takis" i go long nesanel gavman. Dispela i min olsem MRDC i givim dispela K10 milien olsem takis i go long gavman na em bai no inap baim takis mani long sampela yia



• Taim yu raun long Goroka taun, yu no inap abrus long lukim Zaganae Nalumepea bilong Bena Bena. Em i save kisim K1 long olgeta foto bilong em we ol turis i save kisim. Foto SAPE META

All departments Phone: 25-2500 Fax: 25-2579

**WANTOK** Published Weekly, Thursdays, for Word Publishing Co Pty Ltd

Regional office: Suite 7, Haus Tisa, Second Street, Lae, PO Box 1726 Lae, Morobe Province. Phone/fax 42 0019

District Manager: Zeph Ayul. Papers distributed by air throughout PNG. Available by airmail subscription within Papua New Guinea and overseas. Australia & New Zealand Representatives: Tonkun Media Pty Ltd. PO Box 101 Avoca Beach NSW 2251 Aust. Sydney, James Tonkin, (043) 85 1746. Melbourne, Glen Smith, (03) 807 2311

Printed and published by Anna Solomon of Bittern Place, Gardens, at Allotment 2, Section 209, Spring Garden Road, Honiara, for Word Publishing Co Pty. Ltd. General Manager: Ian Fry. Company Secretary: Vince Ohlinger SVD. Group Editor in Chief: Anna Solomon. Editor of Wantok: Leo Walfwa. Advertising Manager: Peter Kalso. Advertising deadlines: Display bookings Monday, midday. Camera ready copy Tuesday, midday. Classified advertising: Wednesday 2 pm.

Word Publishing Co Pty Ltd is owned by the four major churches of Papua New Guinea: Catholic, SDA, Lutheran, and Anglican. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms of acceptance are available at the office of The Times and are set out in full on the reverse side of its official Display Advertising Booking Form.

# Bai gat sem hatwok bilong baim skul fi long neks ya

I BIN gat toktok i kam aut olsem gavman bilong Praim Minista Sir Julius Chan na deputi bilong em, Chris Haiveta i no inap long sapo tim fri skul long neks ya. Tasol Sir Julius i kam aut gen na tok olsem skul fi subsidi olsem bilong dispela ya bai go het yet, wantaim sampela senis o rifom long edukesen sistem.

Dispela em gutpela nius long planti papamama. Tasol i gat sampela samting em ol papamama, wantaim ol studen na pipel i mas save gut, bihainim ol dispela senis em bai kamap. Ripot i soim sampela bilong ol dispela senis long skulim ol papamama.

## JOE KANEKANE i raitim

INSAIT long wik i go pinis, planti papamama i bin sindaun wantaim pikinini bilong ol long skul krismas pati long ol wanwan skul, bikpela hatwok bilong dispela ya i pinis nau long dispela taim ol papamama na ol skul pikinini i sindaun na malolo.

Tasol neks ya bai gat wankain hatwok bilong ol papamama na ol skul pikinini, long hevi bilong baim skul fi, em ol papamama wantaim gavman bai i lukluk long long en. Na bilong kisim save na wokhat long skul em ol pikinini yet i mas taitim bun na traim kisim ol gutpela mak bai ol i ken go long hai skul.

Sampela papamama i paul long dispela fri edukesen skim, na ol dispela rifom aidia we gavman i wok long tro-moi bikpela was long en, tupela i no wankain polisi we gavman i tingting long wokim. Tupela i narakain liklik. Na ol papamama i mas klia gut long tupela.

Gavman i wok long yusim dispela tupela aidia long kisim politikel sapot. Tasol gavman i gat liklik tingting tru long ol kain hevi we edukesen dipatmen i save bungim taim ol i laik long karim aut dispela tupela program. Long helpim ol papa-

mama long kisim gutpela tingting long wanem ol kain samting i stap long dispela tupela program bai mipela i traim na mekim klia tupela program na wanem samting tupela i gat. **RIFOM**

Bikpela tingting bilong gavman long mekim ol rifom i bilong larim olgeta pikinini long pinisim skul inap long mak bilong ol, olsem bai olgeta pikinini i ken gat save i go inap long gred 12.

Gavman i no inap long mekim ol rifom long olgeta skul. Long wanem i gat planti moni bai gavman i tro-moi long mekim dispela kain wok. Na tu planti papamama long ol skul i stap long we tru. Na i hat long ol skul pikinini long go long ol kain ples olsem na kisim save.

Long dispela as, gavman i makim sampela skul tasol long mekim ol rifom. Dispela em long hai skul, na long komyuniti skul. Na planti studen i wok long go long dispela ol skul long planti hap blong kantri.

Dispela rifom aidia i no min olsem bai nogat ol skul liva, bai i gat ol sumatin i lusim stendet 6 na gred 8 na 10 tu. Rifom aidia i no min



• Memba bilong Sogeri Vell long Sentrel provinsal gavamn, Bagua Watt i givim prais bilong Sitisen Awod long yangpela Adave Lua. Dispela em long gred 10 greduesen bilong larowari Hai skul las wiken. Foto: Kennedy Edene.

olsem rifom bai mekim olgeta sumatin long go stret long gred 12.

Long wanem sapos olgeta sumatin i pas long go long hai skul o long gred 12, bai i nogat spes long ol sumatin long go long olgeta skul. Olsem na sampela sumatin i mas feil.

Narapela samting i mas klia em olsem taim ol sumatin i pinisim

gred 12, i no min olsem ol i bai i go long yunivesiti. Ol yet i mas wok strong long skul long mekim ol i ken kisim winim wanpela speis long kain skul olsem.

Olsem na bikpela tingting blong kamapim ol rifom or senis i no min olsem bai olgeta samting i ron gut, tingting blong kamapim dispela kain ol senis i bilong apim save bilong olge-

ta sumatin long kantri.

Ol papamama i mas klia gut long ol dispela senis. Long wanem i gat ol hevi i stap yet long ol wanwan hap ol i stap long en. Olsem na nogut yu paul na stat long sutim toktok i go long ol edukesen bod o nesenel edukesen dipatmen. I moa gutpela sapos yu ritim na klia gut long wanem as tru bilong ol kain senis

## Ol yaupas i laik harim tu

SPESEL Edukesen wanpela han bilong Nesenel Dipatmen bilong Edukesen i bin kamap long taim bilong Wingti/Chan gavman.

Spesel Edukesen i kam aninit long lukaut bilong kain kain ogenaisesen, grup na sios wantaim.

Long wanem dispela senis i no gat man i papa tru long en olsem na dispela tingting na save long ranim ol kain sevis olsem i stap long wan wan man o meri, grup ogenaisesen o sios husat i gat save long bringim dispela sevis i go long ol pipel.

Na tu long ol pipel nupela i no tok tok long ol gutpela pipel nogat ol dispela sevis bilong spesel edukesen i spesel bikos, dispela sevis i bilong halivim, tru ol pipel husat i gat bagarap long bodi taim mama i bin karim ol.

Olsem lek, han i krungut nabaut, aipas, yaupas na mauspas, ol dispela kain manmeri, spesel edukesen i save lukluk long halivim, lainim na givim skul long ol bai ol i ken laikim nau save long wankain edukesen ol manmeri husat i no gat bagarap i save long en.

Wanpela bilong ol dispela ogenaisesen Callan Sevis bilong ol yaupas

na mauspas i bin holim liklik bung wantaim seremoni long pasim sepsel edukesen bilong ol pikinini mauspas na yaupas husat i stat long Pri Skul bilong Callan Sevis.

Planti ol bikman bilong Division bilong Edukesen na ol Kodineta bilong ol Pri Skul insait long Is Sepik provins i bin kamap long dispela seremoni long luksave long wanem samting ol yaupas na mauspas pikinini bilong dispela Pri skul i bai lainim long dispela ya 1994.

Ol pikinini ya i bin putim kamap planti kain pilai singsing na danis long pasim dispela skul ya bilong ol na planti papamama i bin amamas tru long lukim olsem ol pikinini bilong ol i lainim planti samting tru we ol i no bilif pikinini bilong ol i nap long mekim.

Long wanem ol pilai na singsing wantaim danis ol mauspas na yaupas i bin putim kamap ol i bin makim tasol long han na nogat toktok o nois i bin kamap bikos ol i mauspas na yaupas.

Tasol ol sain ol i wokim long han yu ken lukim tasol olsem ol i wok long toktok long yu.

olsem.

### SABSIDI

Sabsisi em i hap moni we gavman i save givim long olgeta wanwan skul pikinini long olgeta kain kain level blong edukesen sistem. Na astingting bilong dispela kain lo i bilong luksave olsem olgeta pikinini i ken kisim save inap long gred 12, sapos ol i no feil namel long skul.

Planti pipel bilong yumi i ting olsem gavman bai baim olgeta skul fi blong ol pikinini blong yumi. Na tu gavman bai saplaim olgeta samting long ol skul bilong yumi.

Dispela kain tingting em i no gutpela tumas. Bikos namba wan as bilong skul subsidi i bilong gavman long givim hap moni long baim ol skul fi. Na papamama yet i mas baim ol arapela hap bilong skul fi.

Ol papamama i paul liklik taim gavman i tok olsem bai no gat skul fi. Em i tru papamama bai i no inap long baim planti moni olsem bipo. Tasol dispela i no min olsem ol i no inap baim sampela moa moni. Ol i mas baim ol projek fi, skul fi na bilong skul yunifom tu.

Mani gavman givim

em bilong helpim long baim skul fi. Tasol ol skul i nidim ol papamama long helpim long ronim ol skul. Na dispela tingting i mas stap strong yet.

Long wanem planti papamama i wok long was long han bilong gavman. Na i no traim long helpim skul bilong ol yet.

Kain tingting olsem i save mekim ol pikinini i les long skul, ol papamama i les long go long ol skul wok, na bikpela asua tru i save kamap em stended bilong edukesen i pundaun yumi.

Ol papamama i noken guria long ol senis i wok long kamap. Olsem bipo pasin ol i bin mekim ol i mas mekim wankain pasin olsem. Nogut long ol papamama i was long han bilong gavman i go na bai gavman i givim liklik helpim tasol.

Maski sapos ol senis i kam, ol papamama i mas redi olgeta taim. Long wanem i gat bikpela bilip olsem moni gavman i givim bai i no inap long stretim olgeta wari bilong ol papamama. Ol papamama yet i mas traim long helpim ol yet. Na gavman bai kam insait long wanem hap em inap long kam insait na helpim.

## Plen bilong Insevis Trening koles long Kundiawa redi

OL plen i kamap pinis long tanim Kundiawa Intanesenel Praimer Skul i go olsem Insevis Trening Koles long neks ya.

Wanpela saveman bilong wok edukesen, Thomas Tumun i tokaut long Kundiawa long las wik long ispela plen.

Mista Tumun i tok sapos dispela plen i kamap tru na Insevis koles ya i kamap, bai olgeta skul tisa insait long provins i kam long trening. Bai ol i yusim ol buk na samting bilong lainim we i kam long ovasis kantri olsem Nu Silan Oklen Yunivesiti we ol i pasim toktok wantaim pinis.

Wanpela mausman bilong Intanesenel Edukesen Ejensi, Mista Robert i bin kamap pinis long Kundiawa na toktok wantaim Edukesen opis olsem ol i wok long traim kamapim moa Intanesenel Praimer Skul long PNG.



# WANTOK

NIUSPEPA BILONG OL PAPUA NIUGINI STRET

## Skul fi subsidi i no bilong mekim papamama stap isi

Gavman i tokaut pinis long skruim yet skul fi subsidi long neks yia. Dispela i min olsem gavman bai helpim ol papamama long baim sampela skul fi bilong ol pikinini. Na papamama tu bai baim sampela.

Gavman i laik skruim yet dispela pasin, wantaim sampela senis long wok bilong edukesen, bikos em i laikim planti pipel i mas save long rit na rait. Sapos planti manmeri i save long rit na rait, dispela bai mekim isi long sait bilong devel-opmen.

Ol papamama noken kisim tingting long skul fi subsidi bai mekim ol i stap nating.

Mipela mas luksave nau olsem ol pikinini bai save olsem gavman i baim skul fi, na ol bai no inap tingting tumas long skul gut, na kisim gutpela mak. Bikos wantaim nupela senis, sampela pikinini i ken skul i go olgeta long gred 12. Maski em i no kisim gutpela mak.

Kain senis bai mekim stended bilong save long ol skul long kantri i go daun. Dispela em bikpela samting mipela mas lukaut gut. Olsem na papamama i mas strong long pikinini i skul gut na kisim moa save em i ken.

# WANTOK

NIUSPEPA BILONG OL PAPUA NIUGINI STRET

P.O. Box 1982 BOROKO  
telepon Namba: 25 2500  
Feks Namba: 25 2579

## PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na NuSilan	K92.00
Esia pasifik na Japan	K123.00
Amerika na Yurop	K180.00

## Olpela soldia no bungim famili long krismas

KLOSTU Krismas taim long 1991, wanpela kalabusman bilong ol Bogenvil Revoluseneri Ami (BRA) long Siwai i amamas long ol rebel paitman i larim em i go long ples. Bikos bihain long tupela yia, em i wok long go bek long ples stret bilong em long Buka long amamasim Krismas wantaim ol famili memba, ol tumbuna, ol pren na ol hauslain bilong em.

Tasol man ya i no bin stap aaip long lukim laik bilong em i karim kaikai. Bikos ol BRA paitman i kilim em.

Mi yet i bin stap long ples long lukim dispela man na save long stori bilong em. Nem bilong dispela man em Paulus Harepa. Em i gat 59 krismas. Na i bilong ples Suhin long Buka Ailan. Em i marit na i gat wanpela pikinini meri tasol. Na ol tumbuna bilong em.

Narapela samting em bipo long mi stori, mi laik tok olsem tupela sait wantaim husat i wok long pait long Bogenvil i bin mekim sampela bikpela rong long laip na sindaun bilong planti pipel long ailan. Tupela em long PNG sekyuriti fos na ol BRA paitman. Bihain gen, ol resisten grup i joinim tupela sait.

Yumi save pinis long sampela rong long bagarapim sindaun na laip bilong ol pipel long Bogenvil we BRA na ol sekyuriti fos i mekim. Tasol sampela bai stap hait long planti yia moa, inap sindaun long ailan i stret olgeta. Na sampela lain bai tokaut long ol.

### VERONICA HATUTASI i raitim

Paulus i luk amamas taim em i sekanim ol manmeri na pikinini long Monoitu Misin Stesin. Dispela em bihain long bikpela lotu long wanpela Sande, klostu long 1991 krismas. Planti ol lain em Paulus i save long ol. Bikos em ol wanples bilong ol famili we i lukautim em, taim em i stap olsem kalabus bilong ol BRA long Siwai.


Wan wan long ol i givim presen i go long em. Na sampela mani tu long helpim em taim em i go bek long ples bilong em long Buka. Bikos long taim bilong lotu, ol i bungim sampela mani na presen long givim em.

Paulus i bin wanpela mesa wantaim PNG Difens Fos long Mosbi, bipo em i risain long

wok. Dispela em klostu long PNG i kisim independens long 1975. Orait, long ples, Paulus em i kamap wanpela komyuniti na sios lida long Hagogohe eria. Ol pipel i gat bikpela rispek long em. Tasol taim hevi long Bogenvil i go bikpela na go nogut long 1990, ol BRA paitman long Buka wantaim helpim bilong ol Kieta BRA i kisim em olsem wanpela kalabusman bilong ol.

Ol i sutim tok long olsem em i wanpela spai manbilong gavman na ol sekyutiti fos. Olsem na ol i kisim em i go long Siwai olsem wanpela kalabusman.

Orait, bihain long toktok bilong Pater Dario, Paulus i givim hap toktok bilong em. Bikpela



• Paul Teori na famili bilong em i sanap long hap em haus bilong ol bin sanap bipo. Ol plisman i bagarapim haus bilong ol moning bilong Tunde Mas 18, 1989. Em long ples Anganal.

samting em Paulus i autim tok amamas bilong em i go long ol Siwai BRA long larim em i stap laip. Na givim em fridom bek long go long ples bilong em long Buka, we bai em i amamasim Krismas wantaim famili stret bilong em. Na ol arapela haulain husat i tingting olsem em indai pinis.

Long bikpela nait, sampela lain i meknais long dua bilong haus na bihain, strongpela nok i kamap long dua. Papa bilong haus i no kirap nogut. Bikos wanpela kalabusman, Paulus i stap wantaim ol.

Em i opim dua na kwiktai ai bilong em i pas long sampela BRA paitman i holim ol masket i stap. Na komanda bilong ol husat ol i kolim tasol long "Fentom" i bosim ol i kam.

Fentom i tok ol i kam long kisim Paulus i go bek long ples bilong em. Maski lukaut papa bilong Paulus i laikim ol long lusim inap long narapela de bihain long ol i sindaun liklik long kaikai long tok gutbai long em, ol lain BRA i no wanbel. Bikos ka i wet ausait, Paulus i kalap na long biknait, ol i bihainim rot i go olsem long Monoitu Misin.

Taim ka i abrusim misin stesin, Paulus i sore tru long ol pipel. Moa yet Pater Dario na ol arapela wantok skul tisa bilong em, husat i slip stap long hap. Na gutpela pater ya husat i save visitim em na ol arapela kalabus lain, givim ol klos, sop, sol, buk long rit na givim taim bilong em long sindaun stori wantaim ol long taim nogut na ol i stap sore.

Lusim Monoitu fida rot, ol i kamp long bikpela Siwai/Nagovis/Panguna rot. Taim ol i lusim Tonu Misin Stesen na i go liklik moa, ka i abrusim haiwe rot



• Joseph Noro (lephan), fainensel edvaisa na Nick Penial, siaman bilong Saut Bogenvil Interim Atoriti. Tupela wantaim sampela bikman bilong Siwai eria em ol BRA paitman long Siwai na Kieta i holimpas olsem kalabus bilong ol.

na tanim i go insait bihainim rot i go long Uso. Fida rot ya i kisim Paulus i golong hap we dispela lain BRA yet i kilim em. Taim ka i tanim i go insait olsem, tingting bilong Paulus i go narakain olsem samting nogut bai i kamap nau ya.

Ol i ron long ka inap ol i kamap long hap we ol BRA i save kilim na planim ol kalabus bilong ol. Na tu, ol man husat ol i gat belhevi wantaim long ol long sampela samting. Dispela ples i stap long boda bilong Buin na Siwai. Dispela em namel long tupela bikpela wara bilong Mivo na Mopiai.

Long ol toktok bilong sampela pipel husat i lukim samting long ai bilong ol, ol kalabus lain yet i save digim hul bilong ol. Taim hul inap tasol long wes bilong man, ol BRA i stapim ol. Orait, bihain ol i tokim ol long sanap na sutim ol i dai olsem wanpela welpik o dok. Bihain ol i pasim hul wantaim graun.

Wanpela man Siwai husat i save stap klostu long dispela eria i tokim Pater Dario long dispela samting long pinis bilong yia 1991. Ol ripot we ripota i kisim i tok Paulus i askim ol lain BRA long

noken kilim dai em. Bikos em i gat ol bubu bilong em. Tasol ol no harim krai bilong em. Ol i larim em i ritim feveret sapta long Baibel na kolim rosario bilong em bipo long ol sutim em dai. Man Siwai husat i save stap klostu i harim pairap bilong gan long bikmoning na em i save olsem ol BRA lain i kilim gen narapela kalabus bilong ol.

Long mun Februari, 1992, Pater Dario wantaim tripela narapela sioswoka i go long ples we ol BRA i kilim na planim Paulus. Ol i kamautim bodi bilong em, karamapim gut na karim i go long Monoitu. Long hap, ol i wasim put ol bun, stretim na putim long wanpela kes.

Bihain long ol i kisim toksave, susa bilong Paulus na sampela arapela hauslain bilong ol i kisim Airlink balus long Buka i kam long Tonu. Long Tonu, ol i krai wantaim na karim bodi i go bek long Buka. Tripela sioswoka bilong Siwai i bihainim ol lain bilong Paulus i go long Buka wantaim bodi. Long ples yet bilong em Suhin, ol pipel i krai nogut tru, mekim gutpel kofin long putim bodi insait na bihain, planim em.

**BIAS BIABIA IGO LONG PLES NA KEMPEN LONG 1997 ELEKSEN...**

**VOT BIABIA! ATING YUPELA OLGETA SAVE LONG MI...**

**VOTIM MI! MI SAVE LONG ROT! MI SAVE LONG WE GAVMAN I MUUV! TAIM MI TOK MUUV, WI MUUV!!!**

**EM HAIARIM WANPELA TRAK NA GO KEMPEN LONG PLES ISTAP...**

**MI KAMBEK HIA LONG YU VOTIM MI LONG SANAP INSAIT LONG GAVMAN! HAMA S YIA MI STAP LONG MOSBI...**

**BLARY PIPIA MAN!!**

**YU VOTIM BIABIA!**

**NAU DRAV I TING BIABIA I TOK LONG MUVIM TRAK NA HARIAP TRU EM MUUV NA BIABIA LONG BAKSAIT I HETWIN IGO DAUN LONG GRAUN...**

**OK, BOS! YUAI MUUV NAU!**

**AAAHHH!!**

# PNG redi long wok bisnis wantaim Korja - Narokobi

## YAKAM KELO I raitim

MINISTA bilong Agrikalsa na Laipstok, Bernard Narokobi i tokim ol bisnisan bilong Saut Korja olsem Papua Niugini bai amamas long mekim wok bisnis wantaim ol.

Mista Narokobi i tokim ol bisnisan bilong Korja husat i bin kamap long Papua Niugini long dispela wik olsem PNG i redi long mekim bisnis wantaim ol we i ken helpim Korja na PNG wantaim.

Mista Narokobi i tok PNG i no laikim Korja i helpim PNG wantaim moni. Em i laikim bai Korja i ken helpim Papua Niugini wantaim saveman, na ol samting bilong mekim wok wantaim. Na PNG i ken helpim Korja wantaim

ol samting em i kamapim.

Minista bilong Agrikalsa i tokim ol bisnisan ya olsem sampela wok bisnis bilong ol long PNG bai i stap gut na PNG gavman i no inap long bagarapim wok bisnis bilong ol Korja long hia. Sampela lo bai senis tasol i no inap bikpela we i ken traim long daunim wok bisnis bilong ol Korja na arapela ovasis kantri long PNG.

Em i tok wanem bisnis toktok ol bisnisan bilong Korja i pasim wantaim PNG bai i pas na i no inap long bruk.

Mausman bilong ol Korja lain ya i tokim Mista Narokobi na Vais Minista bilong em, Kilroy Genia na ol arapela dipatmen het olsem ol i amamas long lukluk raun long rais projek long Bereina insait long Sentrel provins.

Mausman bilong ol husat i ken tanim tok Inglis i go long tok ples Korja, Mista K.B. Yun i tok ol lain bilong em long Korja ya i gat bikpela laik tru long lukluk insait long wok bilong rais na arapela wok agrikalsa long PNG.

Mista Narokobi i tok PNG i save lusim moa long K100 million long olgeta yia long baim rais i kam long ovasis.

Long dispela as, i gat bikpela wok i stap yet long kamapim moa rot bilong planim rais insait long kantri.

Ol lain bilong Korja i tok ol bai raun na lukluk long hap we i gat rais long en pastaim orait ol i ken sindaun gen wantaim ol bikman na minista long Fonde na tokaut long wanem kain tingting bilong ol long developim rais projek insait long kantri.

# SDA muv i go long Piswara setelmen



• Dispela bikmeri, Amue Zaganae bilong BenaBena i kisim namba wan baptais bilong em long Piswara SDA haus lotu. Pasto Elizah Sandol i baptaisim Amue. Foto na stori: Sape Metta.

TUPELA Seven De Edventis sios lida long Goroka i laikim tok bilong God i go long ol setelmen eria. Dispela em long ol pipel, we i karamapim ol yangpela husat i wokim ol kain rong long ol i ken kamap kristen, tanim bel na stapim ol pasin raskel bilong ol.

Lokol SDA sios lida, Unape Apoio na wanwok Peter Bonoke i autim dispela tingting bihain long ol i baptaisim 14 pela man long kamap memba long sios bilong ol las Sarere, Disemba 10. Dispela samting i kamap long Piswara setelmen, ausait tasol long Goroka taun.

Tupela lida ya i laik kamapim nupela kongriksen namel long ol pipel na ol i ken kisim tok bilong God. Dispela iken helpim tru ol yangpela pipel long bihainim kristen pasin na lusim ol pasin nogut olsem pamuk, brukim haus na stil, hensapim man na ol arapela raskel pasin we i kamap bikpela insait long kantri tude.

Tupela lida i tok ol sios i stap long helpim ol man. Na ol i mekim bikpela

wok long daunim ol hevi bilong lo na oda namel long ol pipel insait long komyuniti.

Mista Apeioi go pas long wanpela lain long Paswara setelmen husat i bilding nupela haus lotu. Em yet i as long sanapim sevenpela SDA sios bilding insait long Isten Hailans long las 17 yia.

Bihain long em i negosiet wantaim ol papagraun, em i kisim hap graun long Piswara setelmen eria we nau ol i sanapim haus lotu long em.

Em i tok i gutpela long sanapim moa sios bilding long ol setelmen eria bikos dispela i givim sans long ol pipel long go lotu. Na tu, helpim sindaun bilong ol i go gutpela.

Planti pipel long ples na insait long ol setelmen long Isten Hailans i save gut long Mista Apeio. Na ol i laikim pasin bilong em. Em i sanapim ol sios long mani na hatwok bilong em yet. Wanem kontribusen em i kisim long helpim em long wok i kam long wanwan man na ol sios memba insait long komyuniti, ples na long setelmen eria tu.

# Komiti bilong Peter ToRot givap long wok rere

## VERONICA HATU-TASI I raitim

KOMITI bilong Peter ToRot long Mosbi husat i go pas long ol wok redi bilong Tolai Katolik komyuniti long wokabaut bilong Pop i kam long Papua Niugini neks yia i tokaut olsem komiti i pinis long mekim dispela wok.

Komiti ya i makim maus long ol Kristen Tolai komyuniti long Mosbi, Is Nu Briten, na tu dispela husat i stap long ol narapela provins insait long PNG.

Siaman bilong komiti, Dominic ToMar, i tokaut long dispela samting long dispela wik. Dispela em bihain long em na sampela eksekutiv memba long komiti bilong em i sindaun long bung wantaim Katolik sios oganaising komiti we Asbisop Sir Peter Kurongku i stap long em tu.

ToRot Komiti ino amamas long sampela samting we sios komiti i mekim long abrusim

ol, ol nesanel kleji na ol lei sios woka long kantri na go het wantaim ol disisen bilong em long ol plen long wokabaut bilong Pop i kam long PNG.

Sampela wari bilong komiti em:

- Sios komiti i no kamapim na bungim inap mani yet long redim na go hetim ol wok redi long wokabaut bilong Pop long kantri. Askim long Katolik komyuniti long siti, skul na ol peris long bungim mani long dispela samting i no go gut. Bikos planti i no givim mani bilong ol.

- Wok long stretim Sir John Guise Stadium, we Pop bai i go pas long bikpela lotu bilong santuim Peter ToRot bai i kamap i no stat yet.

Bikos hap long ol manmeri long sindaun long em i bagarap. Wankain tu long grensten na platform.

Saveman bilong wokim ol haus i tok ol dispela eria i no gutpela long planti pipel i bung long ol. Olsem na



• Dominic ToMar

ol i mas stretim tripela eria ya pastaim long kamap bilong Pop long mun Janueri, 1995.

Tripela wik tasol i stap na ol wok long dispela samting ino stat yet. Tu komiti ino tokaut klia long ol spirituel progrem we wanwan peris long siti bai i putim kamap.

- Bikpela samting long sait bilong kalsa na lotu we komiti na sios i tok

strong long stat yet long las yia long wokabaut bilong Pop i kam long kantri.

Dispela em ol sampela samting we komiti ino amamas long ol na em i pulaut long komiti bilong redim wokabaut bilong Pop i kam long PNG long Janueri 16-18 neks yia.

Long las wik Fraide, sampela lain bilong Katolik Sios long Rabaul i digim aut bodi bilong Peter ToRot long matmat. Mista ToMar i tok planti pipel ino amamas long pasin we ol ino kisim gutpela toksave long ol sios lain bikos ol laik wokim pasin kastam bipo long ol i autim bodi bilong bikman ya long matmat.

Dispela em ol sampela bikpela samting we komiti bilong Mista ToMar i no amamas long em na ol i puaut long em.

Wantok niupspea i no inap long kisim sampela toktok long sios oganaising komiti long bekim toktok bilong Mista ToMar.

# Yunien bos askim ol man long lukautim meri

SEKETERI bilong Papua Niugini Tred Yunion Kongres (PNGTUC), John Paska i askim olgeta man long sapotim ol meri bilong ol, na was gut long ol meri stat long dispela krismas.

Mista Paska i tok ol meri i mas stap wankain olsem man na man i mas sanap poroman wantaim meri long olgeta wok na hevi bilong haus o long wok.

Mista Paska i laikim dispela pasin bilong senisim tingting bilong man winim ol meri i mas senis long dispela 1994 long krismas. Long dispela taim ol man i apim han bilong ol i go antap na tokaut olsem ol i sem long daunim ol meri long kain kain pasin bilong ol man. Olsem na nau ol i laik sanap wantaim ol meri helpim ol.

Seketeri bilong PNGTUC, John

Paska i mekim ol dispela toktok long las wik Sarere moning insait long wanpela wokabaut mas ol meri i holim insait long Mosbi long makim Intanesenel Yumen Raits De.

Presiden bilong PNG Wimens Kaunsil, Dame Josephine Abaijah i tok nau em klostu krismas na planti meri bai krai bikos man i no givim moni long ol i baim kaikai. Ol meri bai pret long raskel i pulim bilum o holim na bagarapim ol long rot o haus, ol meri bai pret long raskel i brukim haus na slilim ol samting o man bai amamas long krismas na mekim planti paul pasin raun.

Misis Abaijah i tok nau ol man i mas senisim pasin na i no ken mekim nabaut long ol meri. Ol man i no ken birua moa long ol meri bikos ol meri i gat rait tu

long stap na mekim ol wok bilong kirapim dispela kantri.

Em i tok ol mama i as bilong skulim gut ol pikinini long gutpela pasin. Tasol i no gat gutpela sapot long ol papa. Dispela em wankain tu olsem gavman i no gat sapot long wok bilong ol meri long go aut na skulim ol yangpela manki long kamap gutpela man long bihain.

Insait long dispela wokabaut mas, ol lain manmeri bilong Wes Irian tu i wokabaut wantaim ol lain manmeri bilong PNG long makim dispela intanesenel de bilong Yumen Raits long wol.

Ol lain manmeri bilong Wes Irian tu i wokabaut long soim wari bilong ol long graun bilong ol long Wes Papua we ol i wok long lusim planti laip bilong ol long en.

# Belisi kamap na rot bilong ol Sambri op gen

## EDDIE SAUNDERS I raitim

PASIN belisi i kamap pinis namel long tupela ples husat i bin pasim rot i go long ol pipel bilong Sambri long Is Sepik provins.

Tupela ples ya em Kandinge na Niaurange, husat i bin gat liklik belhevi long ol pipel bilong Sambri na pasim tupela hanwara we i stap namel long Pagwi sabdistrik na Sepik Wara. Tupela hanwara ya em Simpan na Parapa.

Long las wik Tunde na Trinde, ol hetman bilong Kaninge na

Niaurange i go bung wantaim ol hetman bilong Sambri na stretim toktok. Ol i stretim toktok na nau ol i kamapim belisi.

Ol i pasim tok long rausim ol diwai samting ol i bin pasim rot wantaim long tupela hanwara ya. Toktok i orait gen long ol Sambri pipel i ken brukim rot i go i kam gen long Simpan na Parapa.

Kaunsil bilong Kantige wantaim palamen memba bilong Wosera Gawi long bipo, Mathias Yam-

sunpe i bung long Wewak long las wiken na bungim ol lain long stretim dispela hevi.

Ol i no laikim dispela hevi bai i kamap yet long ol tripela ples ya. Bikos ol i laikim gutpela pasin na belisi i mas stap namel long ol pipel ya.

Ol lida ya i tok ol pipel i no ken kros namel long ol yet bikos i gat ol famili lain na wanpisin i stap. Ol i stap olsem long Sepik wari stat antap long Yambun, het wara Sepik i go daun long maus bilong Sepik long Murik na Kupar.

## TU MINIT TINGTING YU BIHAINIM HUSAT?

YUMI wan wan i no man o meri bilong go pas olsem lida. Nogat. Yumi manmeri bilong bihainim strongpela lida. Yumi hangamap long gutpela lida. Na em i stret. Long wanem, gutpela lida em i save go hetim bisnis, na go hetim kantri, na go hetim viles na ples, na go hetim skul na klas na peris na tim na boskru na woksap na famili. Gutpela lida i save helpim yumi wan wan i kamap wina; na yumi olgeta i amamas long stap wina.


Yumi save ilektim gutpela lida bikos yumi save gut long em. Yumi bihainim em bikos yumi save tru long em, yumi bilipim em, yumi trastim em, yumi laikim em.

Tude planti planti yumi Kristen i no moa bihainim Krai. Yumi save bihainim ol kain kain han rot, na yumi save lus long olkain pasin i no Kristen. Long Nupela Testamen, Jon Bilong Baptais i poinim Jisas na em i tok olsem long ol pipel i sanap nabaut: "I gat wanpela man i sanap namel long yupela, na yupela i no save

long em." (Jon 1:26)

Ating dispela tok em inap sutim bel bilong planti yumi. Pastaim yumi stap Kristen tru. Yumi bin kisim baptais, na yumi bin go long praimer na hai skul bilong misin, na long olgeta Sande yumi bin harim ol i autim Gutnius. Tasol sapos nau mi askim yu, ating yu save tru long Krai o nogat, bai yu bekim tok olsem wanem? Orait, nau yu bekim tok long ol dispela askim: Krai em i husat tru? Em i wanpela man nating, laka? Krai i bin mekim wanem samting? Em i stap we nau? Krai i ting wanem long laip? Long sol o spirit? Long bodi? Long indai? Long heven? Long hel? Long sik? Long sin? Long marit?

Sapos yumi no save long ansa bilong ol dispela samting, sori, yumi no save long lida bilong yumi. Na sapos yumi no save long lida, yumi no laik bihainim em. Em tasol i as bilong planti trabel bilong tude.



FRANK MIHALIC i raitim

Televisen na video i bin pulim tingting bilong yumi i go longwe long God. Wanem taim yu bin lukim wanpela video i gat tok bilong gutpela sindaun na gutpela marit insait long stori bilong en? Ating video i save soim olkain pasin nogut bilong stil, na pait, na kilim man, na slip nabaut, na yusim spak brus.

Na ol dispela piksa i hakim yumi na pulim yumi longwe long ol aidia bilong Krai. Ating i no gat wanpela taim yu bin lukim wanpela video i soim Jisas em i wanpela bikpela lida, em yumi mas bihainim. Sore, ol haiden moniman i bin autim Jisas pinis long video, na ol i bin autim em tu long laip na tingting bilong yumi. Em tasol em i as bilong trabel tude.

Harim! Ol dispela man na meri husat yumi save lukim long ol muvi na video, ol i no lida. Yu save long rabis laip na sindaun bilong planti bilong ol? Ating yu no save; tasol yu go bihainim ol nating. Watpo yumi no askim olsem: em ol i wanem kain man o meri? Ol i save mekim wanem gutpela wok? Ol i save sindaun gut o nogut? Ol i marit stret o nogat? We stap wanpela i autim bilip long God? We stap wanpela i soim em i Kristen?

Bikos yumi bihainim nating ol aidia na pasin bilong ol dispela

kain manmeri, tude kantri bilong yumi i bagarap long olkain pasin nogut. Long taim yumi bin stap gutpela Kristen yet, PNG em i narapela kain kantri. Yumi gat lo na oda; yumi no lus long bia na wiski na spak brus; yumi no pulapim ol kalabus; moni i no god bilong yumi. Bipo i gat planti man bilong ol arapela kantri i laik kam visitim PNG. Tude sampela bikpela kantri i tambuim ol sitisen bilong ol long kam long PNG. Sore!

Ating mobeta yumi bikpela manmeri i mas taitim bun na skul gen long ol lo na pasin bilong lida bilong yumi: em Krai. Ating tude tok bilong Jon Bilong Baptais i tru: "Jisas i stap namel long yumpela, tasol yupela i no save liklik long em."

Orait, yumi traim save bilong yumi nau long ol aidia na tingting bilong Jisas. Sapos yumi no save tru long wanpela lida, yumi no inap bihainim em. Sapos yumi no save long Krai, bai Krismas i no gat mining long laip bilong yu. Em bai wanpela de nating. Sore. . .

## Namba wan man long Not Flai kamap pater

IAN KAKARERE i raitim

MOA long 2,000 pipel i bin kamap long wanpela lotu long Tabubil indo spot komplek long Novemba 20, 1995, na lukim Arnold Afaneng i kamap pater.

Pater Arnold Afaneng em i namba wan man long Not Flai eria bilong Westen provins long kamap pater.

Katolik bisop bilong Daru na Kiunga daiosis, Gerard Geschamps i go pas long lotu ma givim blesing long nupela pater.

Pater Arnold i gat 31 krismas, na i bilong ples Bolivip long Tabubil distrik.

Ol pipel i kam long ol ples kanaka long maunten olsem long Kiunga, Majromnai na Rungim peris long lukim nupela pater bilong ol.

Long planti Katolik na ol arapela kristen pipel long eria, dispela em i namba wan taim bilong ol long lukim wanpela bikpela lotu bilong man i kamap pater. Na tu em i namba wan taim bilong planti manmeri long hap long lukim wanpela kain lotu olsem.

Long lotu i gat kankain bilas bilong ol Faiwolmin pipel na Katolik sios wantaim.

Long wanpela kastom bilong ol Faiwolmin pipel, papa bilong Pater Arnold, Max Afa-



• Sista Veronica bilong ples Membok long Kiunga distrik i amamasim Pater Arnold long nupela bikpela wok bilong lukautim ol pipel bilong God.

neng i penim tran bilong het bilong Pater Arnold wantaim retpela kala graun. Dispela i min olsem papa i givim narapela kain wok olsem bilong pater long pikinini bilong em, Arnold.

Pater Arnold i joinim tupela brata na tupela susa long laip bilong sevim God na ol pipel bilong em.

Tupela brata bilong Arnold i wok olsem Katolik katekis. Wanpela susa bilong Pater Arnold i marit long katekis, na narapela i marit long wanpela medikel odeli.

Namba tri brata i bin indai taim em i wok olsem wanpela

katekis.

Ol pipel i danis na amamasim lotu na bikpela bung bilong Pater Arnold i kisim

blesing bilong kamap pater. Bihain long dispela bikpela lotu, ol i tilim kaikai na kaikai wantaim.

## Yangoru stesin holim semina bilong SDA sios

WANPELA bikpela evanjelistik semina bilong SDA sios i kamap nau long Yangoru stesin long Wewak Is Sepik Provins.

Semina ya i bungim planti pipel long olgeta hap bilong Is Sepik long kamap na toktok long bikpela Papa God. Na tu bai gat taim bilong askim na bekim na paitim toktok long save moa long astingting na het tok bilong dispela semina "Gods Final Call" o Las Singaut bilong Bikpela.

Semina i stat pinis long

Desemba 11 na bai pinis long Krismas stret, namba 25 de bilong mun Desemba.

God i singaut long yu long dispela bikpela lotu long tupela wik olgeta.

Miting bai kamap long Yangoru stesin. Lotu i save stat long olgeta 7 klok nait. Na ol hetman bilong lotu semina ya i tok ol pipel i mas kam na harim bekim long ol kain askim olsem:

- Baibel em ol toktok tru bilong God i stap long en;
- Sin i bin kam insait long graun olsem wanem;

• Wanem ol lo na wok bilong God;

• Wanem de em tai bilong God long Malolo;

• Husat i senisim Sabbath;

• Wai na i gat planti sios;

• Wanem sios em trupela sios bilong God;

• Wanem plen bilong God long kisim bek yumi;

• Husat em Holy Spirit;

• Bai i gat laip tu bihain long dai;

• Wanem kain sas bilong yumi God bai givim;

• Wanem taim Jisas i kam bek;

• Laip bai olsem wanem long Heaven; na

• Bai yu redi olsem wanem long lukim Jisas.

Ol hetman bilong dispela semina i tok tu olsem bai gat de taim skul tu long las buk bilong Baibel, Revelesen na ol pipel husat i no save gut long dispela buk i ken kam long dispela miting.

Pasto Martin Sungu, pastor na evanjelisk long SDA sios long Popondeta bai toktok long dispela semina wantaim helpim bilong ol SDA sios pastor bilong Is Sepik provins.

## Namba bilong memba long ol Katolik yut grup go daun

EDDIE SAUNDERS i raitim

OL papamama i no larim ol pikinini long joinim ol sios yut grup.

Moa long 10-pela peris yut grup long Mosbi Katolik Asdaiosis i bin tokaut long dispela. Dispela em long las kibung bilong yia 1994.

Ol i tok namba bilong ol yut husat i save joinim ol sios yut grup i wok long go daun. Bikpela as bilong dispela em ol papamama i stapim ol pikinini long joinim ol yut grup.

Asbisop bilong Mosbi Asdaiosis, Sir Peter Kurongku, i bin singautim nau ol yangpela manmeri bilong Katolik sios long joinim ol yut grup bilong wanwan peris. Orait ol yut lida i wok long grisim ol yangpela manmeri. Tasol ol papamama i wok long stapim ol.

## 5-pela promis long kamap pater

LAS wik Fonde apinun, Desemba 8, namel long 10-pela minit i lusim 4 klok i go inap long 5-pela minit i lusim 6 klok, wanpela liklik misa i kamap long Sacred Heart peris bilong Katolik sios long Hohola, Mosbi.

Man husat i go pas long dispela misa em Asbisop bilong Mosbi kKatolik Asdaiosis, Sir Peter Kurongku.

Long dispela misa, 5-pela man i mekim namba wan promis bilong ol long stap olsem ol Sen John ov

God Brata. Long wankain taim, 7-pela Sen John ov God brata i mekim gen promis bilong ol long stap yet olsem ol brata bilong Sen John ov God Brata.

Tripela sista bilong i go moa long pes 7

Planti papamama i tok ol yangpela i go joinim grup long painim tasol boipren na gelpren. Tasol Mosbi Katolik Yut Kaunsil i tok dispela kain hevi i bin kamap long ol yut grup.

Tasol ol i tok planti gutpela yut lida i bin lusim yut na go marit ausait.

Kibung i painimaut tu olsem narapela bikpela hevi long karimaut ol progrem bilong yut em mani. Yut kaunsil i nogat inap mani long mekim olgeta wok i karim kaikai.

Narapela hevi em long ka. I nogat ka bilong karim ol yut i go long ol miting bilong nait.

Dispela i stapim planti yangpela meri long kamap. Bikos long kain hap olsem Mosbi, em i no gutpela long ol meri i wokabaut long nait.

Yut kaunsil bai raitim wanpela pas i go long Asbisop Sir Peter Kurongku long autim ol dispela wari.

Erima redi long amamasim krismas

ROBERT KAIA i raitim

KRISMAS long olgeta hap bilong graun i wankain. Tasol i nogat tupela ples bai gat wankain pasin bilong amamasim krismas. Mi bin go raun long Katolik sios, Sen Pita Senel long Erima Godon na Godens, Mosbi long las Sande.

Las Sande em i namba tri de bilong adven we planti Katolik manmeri i kisim sakramen bilong sikman long peris. Dispela em long taim bilong misa.

Tupela misa wantaim long tok Inglis na Pisin i bin pulap tru long manmeri na kain musik bilong ol i kamap wantaim stail bilong ol kainkain grup bilong kantri.

Peris pater, Jon Ryan i tok dispela sakramen bilong oraitim sikman em i wanpela bilong ol arapela samting bai kamap long peris long krismas taim. Ol sampela krismas pilai i bin kamap pinis em ol pri skul, praimer skul na vokesinel skul studen i putim kamap. Erima

Peris i save go long tupela wod bilong haus olgeta wik long givim kaikai, na stori liklik long sikman meri. Dispela krismas bai ol i mekim bikpela senis moa long dispela kain wok.

Pater Ryan i tok em i no isi long amamasim trupela mining bilong krismas long Mosbi. Long wanem planti manmeri i gat wari. Na tu i gat ol arapela samting long pulim tingting blong ol i go nabaut. Na dispela i haitim tru astingting bilong krismas.

Pater Ryan i tok hap mining bilong krismas em Jisas i laikim yumi manmeri long kirapim biknem bilong God. Dispela em pasin yumi ol manmeri i noken abrusim.

Ating wanem samting yumi kristen i mas prea long krismas em i no bilong Krai long kam bek hariap insait long Glori blong em. Tasol Pater Ryan i tok prea bilong em long dispela krismas olsem

dispela spirit bilong God i bin stap long Jon bilong Bapta i ken kirap strong long planti man na meri bilong PNG, bai ol i ken soim rot long ol arapela manmeri i go long kraus.

Dispela wok prophet em i no isi. Em i bin kisim laip bilong Jon na em i ken askim tu planti long ol trupela profet bilong nau. Planti kristen nau i wokhat long redim namba tu kamap bilong Pop, na tu em bai i gutpela tumas sapos ol i wok strong tu long namba tu kam bek bilong Jisas Kraus.

Krismas nait selebren bai kamap long 30 minit i lusim 7 klok nait wantaim krismas kerol na musik drama. Musik drama em Misis Julie Tolima i raitim. Na ol pikinini long hap blong em bai pilaim.

Krismas nait misa bai kamap long 8 klok nait. Na Sande moning long krismas de, misa bai kamap long 9 klok moning wantaim ol Sande skul krismas pilai.

5-pela man mekim namba wan promis bilong kamap Katolik brata



Dispela 5-pela Bruda husat i wokim namba wan promis.

GODFRIED YASSAFAR i raitim

i kam long pes 6 Notre Dame kongregesen i mekim tu promis bilong ol long stap yet olsem ol sista.

Dispela 5-pela man husat i mekim namba wan promis bilong ol bihain long ol i kisim kos na skul bilong kamap olsem brata

insait long samting olsem tupela yia.

Taim ol i mekim namba wan promis bilong ol, dispela 5-pela brata i tokaut olsem ol bai stap olsem ol singelman, na bai no inap marit na i gat famili. Ol bai stap olsem ol rabisman na

serim laip bilong ol namel long ol yet, na tu wantaim ol arapela manmeri.

Ol bai harim na bihainim tok bilong ol gutpela man insait long sosaiti bilong Sen John ov God Brata, na tu ol bai gat dispela pasin bilong kisim na lukautim ol manmeri.

Bihain long ol wokim namba wan promis

bilong ol na raitim nem bilong ol long soim olsem ol yet i mekim dispela promis, bosman bilong ol i givim ol klos bilong ol. Na ol i go na putim klos bilong ol long soim olsem ol i kamap pater.

Dispela i no min olsem ol i mekim promis pinis long kamap na stap olsem ol brata. Ol i gat 8-pela moa yia i stap yet long mekim narapela promis. Dispela i min olsem ol bai mekim promis 9-pela taim olgeta.

Ol 5-pela brata ya em Brata Cletus Walle, 24 krismas, bilong ples Surumba long Hawaii eria, Wewak, Is Sepik provins, Brata Joe Paknus, 28 krismas, bilong ples Chem long Kairiru Ailan, Wewak. Is Sepik provins, Brata Peter Kal, 25 krismas, bilong ples Pit long Hagen, Western Hailans provins, Brata Cletus Yaffi, 34 krismas, bilong ples Sikor long Madang provins.

WEWAK SPESEL

TOYOTA LITEACE BAS

SPESEL PRAIS

K16,500

DRAIVIM IGO TASOL

HARIAP! NOGUT OL DISPELA STOK I PINIS!



FRI! EF600 GENSET

BAI IGO WANTAIN LITEACE BAS!



TOYOTA

Oh Em Moa Yet!

Ela Motors

RINIM : 862072 KEITH RIECK BRANS MANEJA RINIM : 862255 JACK MATHEWS SELS MANEJA RINIM : 862255 JAMES MANDAWO SELS MAN FAX : 862252 P O BOX 778 WEWAK



**OL WANSOLWARA NIUS**

**Foapela kantri laik stapim ol lain stilim pis**

**MOSBI:** Papua Niugini i stap long lista wantaim tripela arapela kantri long Pasifik husat i laikim helpim bilong wol bodi, Yunaitet Nesens, long stapim ol arapela kantri long kisim ol pis samting long solwara bilong ol wantaim nogat toksave i go long gavman bilong ol.

Ripot i tok dispela samting long dispela wik Tunde. Ripot i tok Fiji, Marshal Ailans, Federetet Stets bilong Maikronesia na PNG i putim wanpela resolusen we ol i bungim wantaim na givim i go long intenesenel komyuniti, moa yet dispela ol lain husat i gat bikpela laik long painim pis long solwara bilong ol. Bikos ol i laikim gutpela wok bung wantaim long lukautim gut ol abus na ol arapela samting long solwara bilong ol long yusim long bihain taim.

Bikpela wari long tripela kantri ya em long ol abus samting bilong ol bai i pinis sapos ol ausait lain i kisim wantaim nogat gutpela toksave i go long ol aspapa yet.

Long nau, tripela kantri ya i askim ol developmentel grup long sapotim ol liklik ailan kantri long impruvim na moniterim ol fising ektiviti na go hetim fising lo long ol lain i brukim. Long lukim olsem tingting bilong ol i karim kaikai, tripela kantri i askim strong Yunaitet Nesens long helpim ol long dispela samting.

**Tok lukaut long ol Solomon Ailans lida**

**SOLOMON AILANS:** Lo we i bosim gutpela wokabaut, sindaun na stap bilong ol lida (lidasip koud) long Solomon Ailans i tok strong long ol lida long autim wanem ol kampani ol i papa long ol. Na tu, tokaut hamas mani kampani bilong ol i kamapim insait long wanpela yia.

Seketeri bilong Lidasip Ekt, Sam Fangaria i tokaut long dispela samting. Em i tok long ol man i kisim wanpela fom o hap pepa long pulumapim na tokaut long fainensel afeas bilong ol, ol meri na pikinini bilong ol.

Mista Fangaria i tok sapos ol i painimaut olsem lida ya i tok giaman, bikpelas mekim save bai i go long em.

**Fiji i daunim dinau mak bilong em**

**FJI:** Long nambawan hap bilong dispela yia, dinau mani we Fiji i mekim i stap daun long 24 milien dola bilong Amerika. Dispela em i stap daunbilo long mak bilong las yia we dinau mani kantri i mekim long wankain taim i bin stap olsem 52.7 milien long mani bilong Amerika. Tasol dinau mak long sem piried long dispela yia i stap olsem \$36 milien dola long mani bilong Amerika.

Dispela ripot i kam long Fiji Biuro bilong Statistiks.

Ripot i to tu olsem kantri i bin kamapim 198 milien dola long mani bilong Amerika long ol samting em i salim i go aut long ol narapela kantri. Long wankain taim, Fiji i tromoi \$295.7 milien long dola bilong Amerika long ol samting we em i kisim i kam insait long kantri.

As bilong dispela gutpela wok kamap em long gutpela wok long sait bilong tred we kantri i pulim bikpela mani i kam insait long kantri long ol samting we em i salim i go ausait. Na em ino tromoi bikpela mani long ol samting we em i kisim i kam insait long kantri.

**Tred Yunienlaikim wanpela memba bilong ol yet**

**VANUATU:** Lida bilong tred Yunien Muvmen long Vanuatu, Obed Masing i tok ol nogat narapela rot nau, tasol long makim wanpela wokman bilong ol i sanap long palamen long karim maus long yunien bilong ol.

Dispela, em i tok, bai i karim kaikai long nesenel palamen ileksen bilong ol neks yia.

Em i tok ol kamap wantaim dispela tingting bikos planti taim gavman ino harim ol toktok na singaut bilong ol.

OL RIPOT I KAM LONG PACNEWS

• Ol volunia woka bilong Chechen long Gronzy i lainim long yusim wanpela kain grenet bom ol i kolim long roket grenet. Ol i mekim dispela long lukautim ol yet, taim ol i laik lukautim ol pipel i bagarap long pait, belhevi i wok long kamap bikpela namel long Rasia, na ol hap we i laik bruk lusim Rasia.

**12-pela pipel bai helpim ol sas long kot bilong O.J. Simpson**

BIHAIN long tupela na hap mun, ol i oraitim 12-pela man long sindaun helpim ol sas long harim kot bilong wanpela biknem blakman bilong Yunaitet Stet ov Amerika (USA), top pilaia, ekta na sman bilong toktok long spot long redio na niuspepa.

Man ya planti pipel long kantri na wol i save gut long em. Nem bilong en em O J Simpson.

Simpson i sanap long ai bilong kot bikos ol i sutim tok long em i kilim olupela meri bilong em, Nicole Brown Simpson, na poroman

bilong Nicole, Ronald Goldman.

Stat yet long mun Jun, 1994, taim birua ya i kamap, OJ i kamap long ai bilong kot. Tasol em i tokim kot olsem em i no mekim dispela rong. Olsem na ol i skruim kot bilong em i go yet i kam inap long nau.

Twelvpela man we ol i kolim ol long oltenet juri i gat long em 7-pela blakman, 4-pela waitman na wanpela Hispanik. Ol bai sindaun helpim pamanen penel bilong ol sas long harim kot bilong OJ.

Long ol, 9-pela em ol meri na tripela em ol

man. Kriskas bilong ol i stap namel long 24 na 72.

Dispela ol lain bai sindaun long harim kot, tasol ol i no inap long givim tingting bilong ol inap wanpela long ol pamanen jas i no kamap.

Ripot i tok 12-pela sas tu i stap long pamanen penel we 8-pela em ol blakman, tupela Hispaniks, wanpela waitman na wanpela apkas. Ol i mekim

tok promis long Novemba 3, 1994, olsem ol bai mekim stretpela tokorait, bihain wanem samting i kamap long kot.

Astingting bilong ol i kisim ol blak na wait sas na ol juri long harim kot bilong OJ em ol i makim skin kala long tripela pipel husat i stap long kot. Dispela em long OJ husat i wanpela blakskin man bilong Amerika.



• Ol pikinini Sarajevo i mekimsave long pilal. Dispela em 100 mita longwe long fran lain we bikpela woa i wok long kamap.

**THE ONLY ANSWER FOR PNG  
2 CHRONICLES 7:14**

If my people, who are called by my name will humble themselves and pray and seek my face and turn from their old ways, then will I hear from heaven and will forgive their sin and

**WILL HEAL THEIR LAND**

We call all Christians who believe in the spiritual effect of this scripture and who wish to support a proclamation for a National Day for Prayer and Fasting.

Please Write to:

**KAIKAI BILONG TINGTING  
P.O. BOX 7574  
BOROKO  
NCD**

Sponsored by  
Harvest Ministries International



**OL LIKLIK NIUS**

**Ol yangpela brukim sia long haus piksa**

**ISIP:** Ol yangpela manmeri insait long biktaun Kairo i belhat na brukim ol sia na samting bilong wanpela bikpela haus piksa. Ol yangpela manki i belhat na brukim ol samting bilong haus piksa ya bikos haus piksa ya i soim wanpela piksa we i no stret long tingting bilong ol.

Ripot i tok ol yangpela manmeri i bin lukim piksa toksave olsem bai i gat wanpela muvi piksa ol i kolim 'One woman for all the men'. Ol i ting bai dispela muvi i gat ol piksa bilong pasin bilong ol yangpela i raun wantaim o ol kain pasin bilong ol yangpela manmeri i save mekim.

Tasol bihain long piksa i kamap, ol i bin lukim piksa we ol lapun manmeri i stap long wanpela ausait kantri na stori nabaut i stap.

Ol i belhat na askim haus piksa ya long bekim bek moni bilong ol.

Plis i bin kamap na stapim ol yangpela long mekim moa trabel we i sevim tu arapela samting bilong muvi kampani ya long bagarap.

Menesa bilong haus piksa ya i tokim plis olsem olgeta haus piksa long Kario i save putim ol giaman notis long pulim moa manmeri long kam long lukim piksa.

**Plis sekim dokta husat holim ol pikinini**

**KOLUMBIA:** Plis long Kolumbia i wok long mekim wok painimaut yet long wanpela dokta husat i gat stori olsem em i wok long holim ol pikinini husat mama i karim, tasol i nogat papa bilong ol. Dokta ya i wok long kisim ol pikinini ya na salim long ol lain husat i no gat pikinini.

Tupela wik i go pinis, ol plisman i go insait long klinik bilong dokta ya long Kolombos Slev Ailan na kisim tupela meri husat i gat tupela liklik bebi.


Sampela ripot i kamap olsem dokta ya i wok long kisim ol bebi na rausim ol hap bodi bilong ol bebi ya long putim i go long bodi bilong arapela lain. Tasol Inspekta W. Diwelgama i tok dispela ripot i no tru inap wok painimaut long dokta ya i kamap kiia long wanem samting em i wok long mekim wantaim ol liklik bebi.

**Tupela yangpela winim 20 de long bikbus**

**YUROP:** Wanpela manki wantaim susa bilong em i bin winim 20 de olgeta long bus we tupela i wok long kaikai ol samting bilong bus na wokabaut i go long painim papamama bilong tupela. Manki va em Daniel Quispe na i gat 6-pela krismas na sista bilong em Ramira husat i gat 4-pela krismas.

Ripot i tok tupela manki ya i wetim papamama bilong tupela long haus tasol tupela i no kamap hariap. Olsem na tupela yet i kirap wokabaut i go na lus long bus.

Plis i wok long painim tupela i go tasol i no bungim tupela inap 20 de olgeta na plis i painim tupela.



• Ol lain Muslim i mas long India. Moa long 400 memba bilong Muslim i holim protes mas long fran bilong bikpela moks o haus lotu bilong ol long Nu Delhi. Dispela em bikpela haus lotu stret long India. Ol lain husat i protes i askim strong long atoriti i sanapim bek Babri Mosk we ol Hindu paitman i bin bagarapim long 1992. Dispela em long bikpela pait namei long ol paitman bilong tupela lotu em i bin kamap long 1992.

**CONCENTRATED  
CLEANING  
POWER**



**STRONGPELA PAWA  
BILONG KLINIM,  
NAU IKAM LONG  
LIK LIK FAB BAR**

Hatwok bilong painim skul fi

NABAUT LONG PNG

wantaim

GODFRIED YASSAFAR



PLANTI skul i pasim skul pinis na ol papamama i amamas long ol pikinini go bek na join famili long amamasim Krismas na Nu Yia. Long wankain taim tu sampela papamama i amamas bilong pikinini bilong ol i pinisim skul. Na ol bai kisim wok na helpim ol long baim klos bilong ol na tu givim sampela mani long ol.

Tasol Krismas i sot-pela taim. Na bihain long Nu Yia ol pikinini bai go bek gen long skul.

Taim skul i stat gen long arapela yia 1995, amamas bilong ol papamama long ol pikinini stap wantaim ol long Krismas na Nu Yia bai pinis. Na ol bai stat long sekim poket bilong ol long painim mani long baim skul fi bilong ol pikinini. Bikos Chan/Haiveta gavman i katim daun skul subsidi mani bilong skul fi long arapela yia.

Sapos mipela lukluk i go bek long las yia, ol papamama i bin amamas tru taim Wingti gavman i tokaut olsem gavman bilong em bai baim skul bilong olgeta pikinini. Bihain nau sampela papamama i no amamas moa. Bikos skul pikinini bilong ol i skul long en, i no kisim ful skul subsidi mani. Na ol tisa na bod bilong skul i askim

ol papamama long baim skul fi bilong ol pikinini.

Long dispela yia, planti papamama i save olsem gavman bai baim skul fi bilong ol pikinini long arapela yia. Olsem na planti papamama i no wokhat long painim inap mani long baim skul fi bilong ol pikinini. Bikos gavman bilong olpela Praim Minista Paias Wingti tokaut olsem nesenel gavman bai baim skul fi. Dispela toksave bilong Wingti gavman i kamapim les pasin long ol papamama long painim skul fi bilong ol pikinini. Bikos gavman bilong olpela Praim Minista Wingti tokim ol olsem no ken hatwok long painim skul, gavman bilong mi bai baim.

Sampela papamama husat i gat moa long wanpela o tupela pikinini husat i stap long skul i bin amamas. Tasol long arapela yia, amamas bilong ol bai tanim i go kamap kros na belhat.

Long sait bilong ol papamama, i luk olsem em i taim nau ol i mas

Toksave:

Dia ol rida,


Mi laik toksave long yupela olsem dispela em i las kolum bilong mi long dispela yia. Mi bal rait gen long kolum bilong mi long arapela yia. Olsem na mi laik yusim dispela sans mi gat long salim bikipela Krismas griting na Hepi Nu Yia long yupela olgeta.

luksave long ol nupela polisi bilong wanwan gavman. Bikos wanpela gavman taim em i stap long opis o pawa, em i gat ol polisi bilong em. Ol polisi bilong em bai wok taim em i holim opis. Taim nupela gavman i kisim opis, dispela ol polisi bai no inap wok o bai gat senis long dispela ol polisi. Nupela gavman bai putim kamap ol polisi bilong em yet. Gutpela eksampel o piksa em dispela polisi bilong skul fi subsidi bilong Wingti gavman.

Olgeta pawa i stap long gavman. Long sait bilong dispela skul subsidi, Chan/Haiveta gavman i gat rait long rausim o senisim. Bikos dispela em i no polisi bilong tupela. Polisi ya i bilong Wingti gavman. Ol papamama i mas kisim ol gavman polisi na skelim gut pastaim long ol i ken tok olsem dispela polisi i gutpela o i no gutpela. Gavman i wokim polisi na wok i stap long mipela ol pipel long kisim, glasim na skelim. Na tokaut olsem polisi gutpela o nogut.

Sapos mipela i skelim ol polisi, bai mipela i luksave olsem nesenel gavman i putim kamap planti polisi tru. Sampela i wok o ron gut na ol arapela nogat.

Daltron saptim Red Sil Apil wantaim K4,000



• Bruce Dahleburg (lephan), menesing dairekta bilong Daltron i givim sek mani i go long Lutunen Kenel Keith Banks.

IVAN BAYAGAU i raitim

DALTRON Elektroniks i givim K4,000 i go long Red Sil Apil long wok bilong salvesen Ami insait long Papua Niugini.

Dispela yia Daltron i givim bikipela mani tru, i winim ol narapela yia. Dairekta bilong Daltron Elektroniks, Bruce

Dahleburg i tok, "Em i amamas stret long helpim ol Salvesen Ami long wok ol insait long kantri. Wok bilong Salvesen Ami em i gutpela na olgeta bisnis man na meri mas luksave long dispela na ol i mas givim helpim i go long ol."

Mista Dahleburg i tok Daltron i givim bikipela mani nau bikos ol prais bilong olgeta samting long stoa, maket na ol narapela sevis nabaut i go antap. Em i tok long taim nogut olsem planti pipel i laikim helpim long narapela. Tasol i no planti manmeri i laik helpim ol. Olsem na em i tok ol bisnisman na meri i mas traim

givim liklik helpim i go ol ogenaisesen olsem Salvesen Ami long helpim ol dispela lain.

Salvesen Ami i gat ol kain kain program na sevis ol i save kamapim long helpim ol pipel bilong Papua Niugini. Pipel i stap long ol refuji kemp, long kot na long kalabus. Na tu Salvesen Ami i save helpim ol sikman long haus sik.

Na ol i gat ol helt senta nabaut long olgeta hap bilong kantri. I gat ol program bilong lainim ol man na meri long rit na rait tu. Dispela ol sevis ol i givim long komuniti i impoten tru.

Mausman bilong Salvesen Ami Kenel Keith Banks i amamas tru long dispela mani Daltron i givim. Na em i tok i gutpela stret long bikipela bisnis lain olsem Daltron i luksave long wok bilong Salvesen Ami.

Em i tok dispela Red Sil Apil klostu bai pas. Tasol sapos husat manmeri i laik givim mani i ken givim yet.

Kabinet oraitim tambu bilong sampela ovasis prut na gaden kaikai

EMILY MATASORORO i raitim

KEBINET i oraitim pinis askim bilong tambuim sampela prut na gaden kaikai bilong ovasis long kam insait long kantri.

Narapela samting kabinet i oraitim em long senis long wok bilong agrikalsa insait long kantri. Astingting bilong kamapim dispela tupela senis em long strongim agrikalsa wok insait long kantri long groa na kamap strong.

Dispela ol senis em kabinet i oraitim bai givim gutpela saptim nau long ol fama.

Askim bilong senisim

agrikalsa wok long senisim wok bilong Dipatmen ov Agrikalsa na Laipstok (DAL). Minista bilong Agrikalsa na Laipstok na Memba bilong Wewak, Bernard Narokobi i tok sapos dipatmen i stretim em yet aninit long dispela senis, em i ken givim gutpela nambawan helpim i go long ol fama.

Mista Narokobi i tok DAL bai tilim o brukim Papua Niugini i go long 9 o 12-pela agrikalsa

son o eria. Papua bai gat tupela son. Hailans na Momase rijon bai gat 3 o 4-pela son. Na Niugini Ailan rijon bai gat tupela o tripela son.

Mista Narokobi i tok aidia bilong brukim kantri olsem i bilong muvim ol opisa i go wok long ol ples o provins. Na bai ol i wok klostu wantaim wantaim ol fama. Wanpela opisa bai was o stap long wanwan son na lukautim wok agrikalsa long hap.

Moa lokol bisnisman greduet long SBS

MOA long 200 papamama sponsa, na ol bikman bilong East Sepik Provinsal Gavman i bin kamap long lukim long ol yet namba 23 greduesen bilong Skul Bilong Stukaipa.

Dispela greduesen i bin kamap long SBS sokesinel senta, Yawasoro ausait tasol long Wewak Taun long Trinde Novemba 30, 1994.

Givim toktok i go long ol sumatin na ol lain husat i kamap long lukim dispela bung, namba tu primia bilong Is Sepik provins, na Edukesen minista, Martin Apiningi i tokim ol sumatin olsem, wanwan bilong ol i mas gat astingting long laip

bilong ol, na wok ol i lain long wokim.


Mista Apiningi i tok tu olsem ol sumatin i redi nau long go aut na kirapim ol bikipela stua olsem ol Saina long Wewak taun insait long wanwan ples bilong ol. I nogat wanpela samting i pasim ol.

Namba tu primia i tok tu olsem, dispela ol lain wanpela husat i pinisim skul bilong ol nau mas go bek na helpim ol lain husat i baim skul fi bilong ol long kamapim gutpela na bikipela bisnis. Ol lain husat i baim skul bilong ol yet, em i tokim ol long go bek na kamapim moa gutpela bisnis bilong ol yet.

Toktok tu long dispela greduesen bung, siaman bilong SBS Bod

ov Menesmen (BOM) na wanpela olpela sumatin bilong SBS, Joe Ikey i tok, em i no isi long kamap wanpela bisnisman. Mista Ikey i tokim ol tu olsem ol i mas redi long abrasim ol hevi i stap wetim ol. Ol i no mas pret long wanem olgeta samting ol i lainim pinis long skul. Dispela lokal bisnisman i givim las tok lukaut bilong em olsem ol yangpela ya mas was gut long wantok sistem na dinau pasin. Dispela ol kain pasin tasol bai bagarapim bisnis.

SBS i bin stat long 1972. Insait long dispela 22 yia, SBS i bin lainim moa long 300 sumatin. Sampela i go moa long pes 11



VISADO 1693

# BISNIS LONG PAPUA NIUGINI

## Gavman bai sapatim yet prais bilong ol diwai kes krop

**LEO WAFIWA i raitim**

NESENEL gavman bai sapatim yet prais bilong ol diwai kes krop olsem kopi, kakao, kopra na wel pam.

Praim Minista Sir Julius Chan na deputi bilong em na Fainens minista, Chris Haiveta i tokaut olsem.

Tupela i tokaut long dispela bihain long Esian Developmen Beng (ADB) i askim gavman long stapim dispela pasin bilong sapatim prais bilong ol kes krop.

ADB i tok dispela em i wanpela rot bilong bringim kantri i go bek long gutpela rot. Bikos long hevi PNG i bungim nau long ekonomi. Tasol Sir Julius na Mista Haiveta i bin belhat long dispela

askim, na egensim tru.

Papua Niugini Growas Asosiesen i sapatim toktok bilong gavman long sapatim yet prais bilong ol diwai kes krop.

Asosiesen i tok i gat planti bikpela as we PNG i mas tromoi moa mani i go insait long sapatim prais bilong ol dispela kes krop.

Namba wan bikpela as em i nogat ol arapela kes krop we ol fama i ken kalap i go wok long ol, na salim long kisim mani. Bikpela askim long dispela em ol fama i mas pilim pen bilong ikonometri bilong kantri, na bai kalap i go planim ol arapela kes krop.

Asosiesen i tok dispela i ken kamap long ol bikpela kantri we ekonomi bilong ol i strong. Na

long Papua Niugini em nogat. Ol fama i planim wanpela kes krop tasol olsem kopi o diwai kakao o kopra. Na i no tupela o tripela wantaim.

Dispela subsidi long ol kes krop em gavman i givim sapat long wanpela rot tasol bilong ol rurel pipel long kisim mani. Long namba bilong ol pipel long kantri, moa long 80 pesen i stap long ol rurel eria.

Na long rausim subsidi o gavman i no sapatim prais bilong ol kes krop em ol i save planim na salim long kisim mani, bikpela hevi bai kamap long ol rurel eria. Ol pipel bai painim hat taim long kisim mani. Na sindaun na laip bilong ol bai go bagarap olgeta.

## Nupela kampani bilong samapim ol klos kamap long Mosbi



• Poto i soim Beverly Lagani (Iephan), I soim wanpela kribmas dres, Iiklik Crystal Dooley i werim wanpela kribmas dres bilong ol pikinini, na Teri Piandi i putim wanpela dres i gat makmak. Dispela em sampela bilong ol gutpela klos we kampani i save wokim o samapim.

**JOE KANEKANE i raitim**

WANPELA nupela kampani blong wokim o samapim ol klos i kamap pinis long Mosbi. Na planti pipel i wok long go long kampani long givim oda long wokim ol klos bilong ol.

Blanch Baraha, wanpela Papua Niugini meri i go pas long dispela kampani, Cozmo Creation. Na em

yet i gat bikpela save long tokim ol manmeri long wanem ol gutpela klos ol i ken werim.

Kampani ya i bin stat long haus bilong em. Na taim em i kamap bikpela, ol i muvum i go long Green Fingers Place long Godens.

I gat planti gutpela klos ol i wok long salim. Na tu yu yet i ken putim oda long ol wokman long wokim wanem kain stail klos yu laikim.

Kampani tu i gat sampela stail i kam long ovasis, na sampela lokol stail long Papua Niugini tu.

## Moa lokol bisnisman greduet long SBS

1 kam long pes 10 husat nau i holim sampela bikpela wok bisnis insait long kantri.

Long dispela greduesen bilong SBS 10-pela seken yia sumatin i kisim setifiket bilong ol. Narapela 25-pela tos yia i pasaut wan-

taim 'Letter of Attainment'. Dispela leta i soim ol mak na ripot bilong wanwan sumatin eksam long skul. Dispela 25 pasaut bai kam bek long 1995 long sindaun long las ol na greduet olsem dispela 10-pela sumatin long

dispela yia. OED, wanpela Austrian Voluntia grup i bin statim SBS. Dispela em i las yia OED bai helpim SBS. Long 1995 na go, SBS bai stap long lukaut bilong ol Papua Niugini manmeri stret wantaim helpim bilong

Edukesen Divisen long provins.

SBS i save ranim ol kos bilong em long tok Inglis na tok Pisin wantaim. Ol tisa i save raitim ol progrem long Inglis na toktok klia long ol sumatin long tok Pisin.

## Bilong wanem na Mortein?

## Bikos Mortein i save lukautim gut famili bilong yu

- \* Mortein i save kilim kwik natnat na lang.
- \* Mortein eitpela aua koil inap lukautim yu long ol binatang i save flai.
- \* Mortein surface spray bai lukautim yu long ol kokoros na kain kain binatang.



# Mortein

**BAI LUKAUTIM GUT FAMILI BILONG YU LONG KAIN KAIN SIK**

*Gift  
Suit ever*




V.I.P. PERFUME  
FOR MEN  
~~K7.50~~  
**K3.99**



SINGER HANDY  
STITCH  
~~K29.95~~  
**K24.95**



SILVER  
GOBLET SET  
~~K24.50~~  
**K14.99**




LADY  
GIFT  
~~K11.50~~  
**K4.99**



SPORTS A/SHAVE  
& DEOD. SET  
~~K17.80~~  
**K13.99**



DESK SET  
~~K14.50~~  
**K8.99**



MOTOR FORCE  
20 PCE CAR SET  
~~K16.50~~  
**K9.99**



CANDY CHOCOLATE  
GIFT PACK  
**K4.95**



WILMAN II DISPOSABLE  
RAZORS 5  
~~K1.80~~  
**99¢**



GLATT HAIR  
STRAIGHTENER  
~~K9.50~~  
**K7.99**

**FREE**  
MRS SANTA BEAR  
FOR EVERY K50  
PURCHASE



**CITY PH**

# PNG LAIPSTAIL

## Laik bilong ski long sno kamap tru long Nu Silan



• Long lephan na i go long rait em Fiona, Michelle na Loraine Rongap wantaim Canberra Raiders hap bek, Ricky Stuart. Ol i bungim em long August Inn, Lower Hutt, Wellington long Janueri 26, 1993. Lukim dispela stori wantaim moa poto long pes 24.



• Michelle Rongap sanap long samting bilong ski long ais na redi long ski.



• Fiona Rongap i bilas long ol strongpela klos bilong hait long kol na holim ais long han.

### FIONA RONGAP i raitim

NU SILAN em i wanpela kantri we sno i save pundaun long saut hap bilong ailan. Taim mi harim ol pren i stori long ski, mi save tingting olsem mi tu i mas save long dispela pasin bilong ran antap long sno. Bihain long tripela yia, sans bilong mi kamap. Long dispela taim mi stap long boding skul ol i kolim Nelson College for Girls. I gat 155

studen na mipela 16 i bilong Papua Niugini. Wanpela nait, taim mipela i sindaun kaikai i stap, wanpela tisa M'isis Marion Coombs i toksave olsem em i laik kisim nem bilong husat studen i laik go ski long wiken. Taim mi harim, mi grisim ol narapela pren bilong mi long putim nem. Planti bilong ol i les, ol i painim ol rot long abrusim. Sampela

i tok ol i gat narapela wok, sampela i tok ol i laik go lotu long skul bilong ol manki. Mi strong na grisim poro bilong mi Bona Kipalan, wanpela meri Enga na wanpela meri Vanuatu, Leinasei Kaloris long putim nem. Orait, mipela i amamas tasol na wet long dispela bikpela de. Mipela i askim ol poro long givim ol klos bilong putim long taim mipela i raun long sno. Long Sande, mipela i kirap long bikmoning

tru na lusim skul long hap pas sikis bihain long mipela i kaikai brekfas. Ples we mipela i mas go long en em ol i kolim Rainbow Ski Fields na mipela i mas ran long bas inap na hap aua bipo mipela i kamap long en. San i bin lait gut na mipela i amamas. Draiva bilong bas tu, Pete i kamap long taim na em i draiv gut bikos rot i no wel. Bihain long tripela aua, bas i lusim bikpela rot na tanim i go long liklik han rot i go long

ples bilong ski. Nu Silan em i wanpela naispela kantri tru na long taim bilong winta, sno i karamapim ol bikpela maunten na ples i luk nais tru. Rot i go antap long maunten i liklik na sno i karamapim rot tu na mi pret liklik, tasol draiva i saveman na mipela i kamap gut long ples bilong ski. Mipela i kam ausait long bas na tisa bilong mipela, Mis Barks i tokim mipela long kisim tiket na su bilong ski. Orait ol i brukim mipela i go long wan wan grup. Ol dispela lain i sevis long ski i stap long wanpela grup. Na mipela ol nupela lain i go long narapela grup. Mi pilim fani liklik bikos mipela i putim ol drapela hevi su olsem ol lain i wokabout long mun. Mi na tupela poro i go joinim ol lain i nupela long ski. Instrukta bilong mipela em wanpela man, nem bilong em Kevin. Em i wanpela man bilong ples Skotlen na mipela i painim taim bikos tok Inglis bilong em i narakain liklik. Orait namba wan samting em i skulim

mipela em pasin bilong tanim lek na ol ski i kam pas wantaim. Ol i kolim dispela "wedge". Dispela em i wanpela rot bilong stap o slo daun sapos yu spit tumas. Kevin i skulim mipela long pasin bilong holim stik na stia na stapim ski na ol narapela samting olsem. Orait bihain long wan aua samting, em i larim mipela yet i traime ran nau long ski. Planti taim tru mi pundaun na kirap train gen tasol bihain mi painim olsem em i isi liklik. Mi pret liklik long taim mi ran i go daun long maunten. San i hat tu na mipela i pilim hat na em i orait. Em nau, long taim mipela i lusim Rainbow Fields, mipela ol nupela lain i amamas tru. Bikos mipela i lainim wanpela nupela samting. Orait narapela wiken gen mi guria long go bek na traime gen. Mi bin gat tupela tingting. Bikos em i sans bilong mi long lukim Winfield Kap gren fainal long TV. Mi grisim liklik susa bilong mi, Michelle long kam. Long taim mipela i lusim skul na ran i go

long bas, mi wok long prea olsem Big Mal na ol lain Canberra Raiders i mas win. Mi prea tu olsem ren i no mas pundaun na ples bai i orait. Long taim bas i go antap long maunten, sno i stat long pundaun. Mitupela Michelle i opim maus na larim sno i pundaun long tang. Tasol sno i wok long wara hariap. Em i namba wan taim bilong Michelle long traime ski, olsem na mi helpim em long putim su na stretim ol samting. Orait em i go sanap wantaim ol nupela lain na wanpela instrakta i skulim ol long pasin bilong ski. Mi lusim em i stap na mi go traime ski. Sno long graun i stap orait na i isi long ski. Mi na Michelle na Bona i bin amamas tru long ski. Mipela tripela tasol em ol lain blakskin i traime ran nabaut long sno long dispela de. Neks yia bai mipela i traime gen. Nau mi tingting bek long dispela de mi save amamas tu. Bikos ol lain Canberra Raiders i bin winim gren fainal.

## THERE ARE MANY ROADS TO SUCCESS... HERE ARE 60 OF THEM

And the "road map" you need is the FREE ICS Career Kit—the same Career Kit we've sent to millions of men and women all over the world. It works—and it can work for you.

ICS doesn't promise you success; no legitimate educational institution does. But we DO promise that, if you mail this ad to us, we'll send you the Career Kit in the career area of your choice, without obligation, and get you started down the career road of your choice...the road that leads to success and a better life.

Please select one number only. Although you may wish to enroll in additional ICS courses later on, experience has shown that there is a far better chance for success when the student concentrates on one career area.

SEND FOR FREE FACTS—NO OBLIGATION



International Correspondence Schools, Dept. TTTC4  
Box 1900, Scranton, Pennsylvania 18501-1900 U.S.A.

World's Recognized Leader in Home Study Training for More Than 100 Years.

- ASSOCIATE IN SPECIALIZED BUSINESS DEGREE PROGRAMS**
- 60 Business Management
  - 61 Accounting
  - 80 Business Management with option in Marketing
  - 81 Business Management with option in Finance
  - 64 Applied Computer Science
  - 68 Hospitality Management

- ASSOCIATE IN SPECIALIZED TECHNOLOGY DEGREE PROGRAMS**
- 67 Electronics Technology
  - 63 Civil Engineering Tech.
  - 65 Mechanical Engineering Tech.
  - 65 Electrical Engineering Tech.
  - 66 Industrial Engineering Tech.

- CAREER DIPLOMA PROGRAMS**
- 01 Computer Programming in BASIC
  - 07 U.S. High School Diploma
  - 02 Electronics
  - 05 Hotel/Restaurant Management
  - 13 Professional Secretary
  - 35 Travel Agent
  - 14 Air Conditioning & Refrigeration
  - 32 Art
  - 59 Catering/Gourmet Cooking
  - 23 Medical Office Assistant
  - 51 Fashion Merchandising
  - 33 Motorcycle Repair
  - 52 Surveying & Mapping
  - 22 Wildlife/Forestry Conservation
  - 47 Animal Care Specialist
  - 260B Building Trades
  - 106 General Business
  - 16 Practical English
  - 89 Small Engine Repair
  - 50 Starting Your Own Business
  - 08 Legal Assistant
  - 69 Computer Programming in COBOL
  - 48 Computer-Assisted Bookkeeping
  - 42 Dressmaking & Design
  - 87 TV/Video Repair
  - 04 Auto Mechanics
  - 12 Interior Decorating
  - 18 Bookkeeping
  - 06 Electrician
  - 03 Child Day Care
  - 38 Personal Computer Specialist
  - 29 Police Sciences
  - 10 Private Security Officer
  - 09 Legal Secretary
  - 55 Diesel Mechanics
  - 94 Fitness & Nutrition
  - 85 Drafting
  - 260A Architecture
  - 260C Machine Shop
  - 161 Engineering
  - 41 Journalism/Short Story Writing
  - 40 Photography
  - 70 Computer-Assisted Small Business Mgmt
  - 79 Electronics Technician
  - 91 Cartooning
  - 25 Firearms Repair
  - 26 Teacher Aide
  - 30 Floral Designer
  - 27 Personal Computer Repair

Get FREE Information—MAIL ENTIRE AD TODAY OR FAX TO 717-343-8462

Write the number of the one career that interests you \_\_\_\_\_

MR / MRS / MISS \_\_\_\_\_ AGE \_\_\_\_\_  
(Please print clearly)  
ADDRESS \_\_\_\_\_  
CITY \_\_\_\_\_ POSTAL CODE \_\_\_\_\_  
COUNTRY \_\_\_\_\_ (PHONE) \_\_\_\_\_

Ti boi kisim namba long SP Holdings

YAKAM KELO i raitim

LAPUN Jospheh Mondo bilong Asaro long lsten Hailans provins em wanpela ti boi na klina bilong SP Holdings kampani long Mosbi husat i bin kisim gol medel wantaim gol han was long las wik Fraide.

Mondo i bin amamas tru long kisim dispela medel na K150 krismas presen moni long kampani long luksave long wok bilong em wantaim kampani long 20 krismas olgeta.

Mondo i bin wok wantaim SP Holdings long 20 krismas olgeta. Em i bin stat wok wantaim kampani long 1974 taim em lusim ples na i go long Mosbi olsem wanpela yangpela manki stret.

bilong em bikos olgeta wokman bilong SP Holdings tu i gutpela manmeri bilong tok pilai na kaikai buai smok wantaim long olgeta de bilong wok. Olsem na em i save amamas na wok.

Em tok tu olsem SP Holdings em gutpela kampani bikos i save lukautim gut ol wokmanmeri bilong em. Mondo i bin askim dinau long kampani long 1987 na kampani i givim em dinau we em i wokim bikpela haus bilong em long 2 Mail Hil long Mosbi.

Mondo i tok em i amamas tru bikos haus bilong i bikpela na i gat lait, frisa, vidio na liklik klap bilong em.

Mondo i gat 40 kris-

long ol lain husat i wok 15 krismas, 10 krismas na 5 krismas wantaim kampani. Olsem na olgeta wokmanmeri husat wok long dispela krismas i kisim luksave presen bilong ol long las wik Fraide.

Mondo i tok long taim em i bin winim 5-pela krismas wantaim kampani, em i bin kisim brons medel em long 1978. Na long 1983 em i kisim silva medel long winim 10-pela krismas wantaim kampani. Em i kisim gen silva medel long 1988 long winim 15 krismas wantaim kampani na nau em i kisim gol medel long winim 20 krismas long 1994.

Wantok i askim Mondo sapos em i tingting long pinis wok na go bek long ples wanpela taim, tasol Mondo i tok em bai

Lapun Kerema bilong Sepik laik go bek long asples

ADDY LAVAKS i raitim

WANPELA lapun man Kerema husat i stap longpela taim tru long Wewak, Is Sepik provins, i gat tingting nau long go bek long ples bilong em long Lesse Oalai long Malalaua sab distrik bilong Galp provins. Nem bilong dispela lapun man ya em Moka Siaoa. Em i stap long Wewak klostu 30 yia olgeta. Na i gat tingting olsem em i mas go bek gen long ples bilong em.

Lapun Moka i laik go bek long ples bilong em bikos olgeta pikinini bilong em, tupela pikinini meri na 4-pela pikinini man, olgeta i bikpela pinis. Na ol i wok na tu ol i gat pikinini bilong ol yet long lukautim. Em i luksave olsem ol pikinini no moa liklik na em bai hatwok long lukautim ol. Olsem na tingting bilong go bek long ples na malolo i stap paslain long olgeta arapela samting long tingting bilong em.

Wantok niuspepa i kisim tokwin olsem Lapun Moka i laik go bek long ples bilong em. Na Wantok Niuspepa i go na mauswara wantaim Lapun Moka. Hia em wanem samting Wantok Niuspepa i painim aut long Lapun Moka.

Long mun Jenueri long yia 1954, Lapun Moka i lusim ples bilong em Lesse Oalai na go long Idubada Teknikel Skul. Nau ol i kolim olsem Mosbi Teknikel Koles. Lapun Moka i go kisim kos bilong holim wok olsem



Moka Siaoa

wanpela kamta man (kapenta) bilong wokim haus. Em i skul i go na pinisim skul. Taim em i pinisim skul long 1955, em i wok na wok wantaim DCA long Mosbi. Long dispela taim, em i save kisim 2.50 Australian dola long wanpela mun. Bikos DCA yet i save saplain kaikai bilong ol long moning, belo na long apinun. Olsem na long sait bilong kaikai, Lapun Moka i tok, ol i no save wari tumas.

Long 1956, Moka i lusim DCA na i go wok wantaim wanpela waitman loya nem bilong em Norman White. Long dispela taim, dispela loya i save harim kot long olupela kot haus long Paga Hill long Pot Mosbi. Moka i wok wantaim dispela loya long wanpela yia. Insait long dispela wanpela yia, dispela loya i save baim Moka

mak bilong mani bikpela tumas. Olsem na em i save baim kaikai, klos na ol arapela samting. Em i save salim sampela i go long famili long ples.

"Prais bilong ol samting long dispela taim i daunbilo tru. Yu ken baim planti samting long \$2 tasol," Moka i tokim Wantok Niuspepa.

Em i tok ol lain husat i wok longpela taim i save kisim \$50 long wanpela mun. Kampani husat i lukautim wok bilong painim gol long Wau/Bulolo long dispela taim em Konten Pine So Mil. Dispela kampani save wokim timba, wokim plai wud na tu ol arapela samting.

Em i wok long Wau/Bulolo long wanpela yia tasol. Na long 1958 em i go bek long Mosbi. Emi stap long Mosbi na bungim wanpela meri wanples bilong em na tupela i marit. Nem bilong misis bilong Lapun Moka em Susan Kaisi Sareako.

Moka wantaim meri bilong em i stap long Mosbi go na long 1965 tupela i lusim Mosbi gen na go long Wewak. Taim em i stap long Wewak, em i givim han o helpim long planti developmen wok i kamap long Wewak taun. Em i wanpela bilong ol man husat i wokim planti haus insait long Wewak taun. Na em i stap long Wewak i kam inap long dispela yia (1994) na i gat tingting long go bek long ples bilong em.

Em i tok kampani yet bai skelim wok na taim bilong em na givim em risain pepa long tokim em olsem em i ken go na malolo long ples.

Mondo i save wok long klinim opis na skelim ti bilong ol bos long olgeta de long taim bilong wok. Em i bin mekim dispela wok long 1974 i kam inap 1994 we kampani i luksave long dispela sevis bilong em na i givim medel long em long las wik Fraide.

Mondo i tok long pastaim, kampani bilong olupela bia, San Miguel i stap yet na ol i save wokim long Godens faktori. Dispela taim em i wok wantaim San Miguel kampani inap SP Holdings i tekova long San Miguel. Nupela kampani bilong SP i holim Mondo yet na em i wok i kam inap nau long 1994.

Mondo i tok em i save amamas long wok

mas olgeta na i marit long ples bilong em yet wantaim tripela pikinini Tupela man na wanpela meri.

Long las wik Fraide, SP Holdings kampani i amamasim ol wokmanmeri bilong em long luksave long wok na sevis bilong ol wantaim kampani. Olsem na kampani i bin luksave long 53 wokman long Mosbi insait long wanwan dipatmen bilong SP Holdings.

Insait long ol 53 wokman ya, tripela lain husat i bin winim 20 krismas olgeta wantaim kampani i kisim gol medel wantaim gol han was na K150 sek moni. Mondo i wanpela bilong tripela lain ya.


Kampani i givim tu silva na brons medel

wok yet inap kampani yet i kisim ritaimen.

Em i tok kampani yet bai skelim wok na taim bilong em na givim em risain pepa long tokim em olsem em i ken go na malolo long ples.

Mondo i tok em bai amamas tasol long wanem taim kampani bai askim em long pinis wok bikos em i stap longpela taim tru long taim em i yangpela boi yet i kam inap em i lapun nau.

Mondo i save laikim tru olgeta wokman na wokmeri bilong SP Holdings bikos ol i lain bilong tok pilai na kaikai buai. Na mipela olgeta i save amamas long wok wantaim olsem gutpela poroman.



SKRUIIM TOK

- Lep i go long rait
1. Taim win i kamap, ol lip diwai bai ...
  5. Hap bilong bodi i, save holim banara o bairo
  7. Konstitusen, em mama ... bilong PNG
  9. Paias Wingti, Biabia, Hugo Berghauser em tripela
  10. I no slekim
  12. I no pulap
  14. Kuk pinis
  16. Amerika
  18. Husat i save?
  20. Bikpela win i bagarapim Solomon Ailan
  23. Tok ples bilong ol Hanuabada
  24. Kampani i wokim ain bia

26. Kaikai bilong ol pusi
  28. Longpela pos long hangamapim plak o sel
  30. Ol yangpela long gret 1 inap long gret 6
  33. Long hoki, yu mas givim wanpela long kisim poin
  34. Asples bilong ol Kongkong
  35. Paitim dispela long hama
  37. Adam ... Iva
  38. Kramsel, girigiri na tambu em tripela
  39. I no inap lukluk
  40. Wok mani.
- Antap i go daun
2. ... Motors
  3. Olpela ples bilong

4. Ol pablik sevan i stat wok long 7:45 ... na pinis long 4:06 pm
5. I no putim lon gples klia
6. ... gat wok
8. Ples bilong Leo Hannett
9. Sapos yu save kaikai buai, dispela bilong yu bai ret
10. Putim lipti na wara i boil long en
11. Sunam
13. Mani
15. Niugini
17. I no long nait
19. Ailan klostu long Mosbi
21. Sevende, AOG, na Katolik em tripela

22. Wes ... Briten
25. Pos opis
26. Klap bilong ol eks sevisman
27. Poro bilong misis
28. Ol lain i save kaikai bret tumas, em ol ... bret
29. Wanpela mun
31. Kaikai bilong ol manki
32. Yu no ..., em haus kapa
36. Yau

Ansa bilong skruim tok long pes 23

# Gred 6 drop aut kamap bikbos

EDDIE SAUNDERS i raitim

WANPELA gred 6 drop aut husat i kamap faktori menesa nau i mekim 36 planti bikpela saveman na meri wantaim ol trena i kirap nogut long wanpela wan wik kos, em PNG Emplois Federeesen i bn holim.

Ol kos kodineta bilong Japanis Federeesen ov Emplois i kamap long kos ya tu, em i bin kamap long Mande Novemba 14. Na ol tu i bin kalap nogut.

Man ya ol i kalap nogut long harim stori bilong en em Saru Farenao. Yangpela Saru i bilong ples Lanisapa long Finsafen distrik bilong Morobe provins. Na em i wanpela faktori menesa bilong Taraka Bakeri long Lae.

Em i no kisim gutpela skul long kamap menesa. Tasol long hatwok long pasin bilong laikim long lainim ol nupela samtimg.

Menesmen kos i bin kamap long Mande

moning long 8 klok.

Bipo long kos, olgeta lani insait long kos i tokaut long nem, wanem hap ol i kam, na wanem kain skul ol i pinisim, na wanem kain wok ol i mekim. Namel long planti bikpela saveman em wanpela sotpela man, yangpela Saru.

Saru sanap na kolim nem bilong em i go long sampela bikman ol bai kos wantaim.

Taim Saru sanap na toktok long skul na wok bilong em, olgeta bikman insait long kos i kalap nogut stret.

I gat 37 sinia seksen na kampani menesa long olgeta hap bilong kantri i kamap long kos ya. Dispela wanpela wik kos i bilong bisnis edministresen menesmen, na staf na humen menesmen.

Long ol dispela bikman, i gat 4-pela meri tasol. Greamme Hogg bilong PNG EF i amamas tru long planti bikman na meri i kamap



• Saru Farenao sindaun long tebol long lephan long baksait.

long dispela kain kos.

Planti bilong ol dispela lain long kos em ol yunivesiti greduet na wk olsem ol bikbos long opis. Tasol Saru i no wari long dispela.

Saru i bin pinisim gred 6 long 1975 long Suquang Komyuniti Skul long Finsafen. Na stap nating raun long ples long 1976 na 1977.

Long namba wan wik bilong Februeri 1978, em i go long Lae siti.

Em i no save long wanem samtimg em bai mekim long hap. Em i stap 5-pela de tasol long Finsafen Kompaun long Hanta Strit.

Long Februeri 11, wanpela kasen brata i grisim em long painim wanpela pipia wok wantaim Morobe Bakeri, we i stap klostu long ol. Orait long Februeri 12 em i go lukim bos na askim iong wok. Bos i givim em planti kainkain

askim stret. Na bihain em i wok olsem wanpela klina, na tu save lainim long kukim ol bred na skon. Na tu em i lainim long yusim ol masin bilong kukim bred.


Yangpela Saru i laikim stret long wok. Olsem na em i wokhat na lainim planti nupela samtimg. Na 4-pela yia bihain, ol bos i luksave long hatwok bilong em. Na long 1982 ol i pro-i go moa long pes 24

## KANAGE

□ Kandre bilong Kanage i stap long Lae na em i wanpela minista long sios. Wanpela taim em i singautim planti arapela sios minista i go long Lae long holim wanpela kibung. Long dispela taim planti minista long arapela provins tu i go long dispela kibung. Kanage tu i go long kibung. Olgeta minista i go kamap na long nait ol i stretim ol ples bilong slip. Kanage bilong Kanage i kirap na askim ol minista long husat bilong ol bai go wantaim em long haus bilong em. Olgeta minista i no laik. Bikos ol i save olsem planti taim ol i go bung long Lae na i go slip long haus bilong Kandre bilong Kanage, ol i no save slip gut. Bikos em i wanpela man bilong pulim strong tru long nait. Namba wan bilong Kanage long go long dispela kibung. Olsem na em i tok em bai go wantaim kandre bilong em. Long moning ol minista i go bung long holim kibung na ol i lukim Kanage na lap nogut tru. Bikos ol i ting olsem em i no slip gut long nait. Em nau wanpela minista kirap na askim Kanage: Bras, i luk olsem yu no slip gut long nait ya. Kanage kirap na bekim: Yes ya, mi slip gut tru long nait. Minista ya kirap na askim Kanage: Olsem wanem na yu slip gut? Bikos mipela i save olsem kandre bilong yu em i wanpela man bilong pulim win strong tru ya. Kanage lap na kirap tokim minista ya: O bras, em long yupela. Long mi, taim em i pulim win, wantu tasol mi kirap na kis long em. Na kandre i kirap na sindaun long bet na tingting planti go tulait. Yu save, em i ting olsem mi wanpela kain man ol i save kolim gelligeli. Taim em i tingting planti stap, mi kilim skin long slip i go tulait. Father Kanage GOROKA

*Yu save yusim  
Anchor Bata  
long wanem..*

**Teist bilong  
Anchor em  
i gutpela  
tru!**



TM

# Anchor

*Bikos em i teist gutpela tru!*



# Big Bro REBO

SAIREN BILONGI HAP-TAIM IKARAI...  
OL KUMULS I LIDA LONG HAPTAIM...  
SKOA...

Winfield TOUR	
KUMULS	KANGA
1 2	4

BIG MAL IGO HATIM OL BOIS  
BILONGI EM INSAIT LONGI SENS-  
RUM...

YUMI SLEK TUMAS!  
7 PUL YO SOKS AP!!  
3 HIT DEM HAAD!!

LONG NARAPELA SAIT, REBOI TOK  
AMAMAS LONG OL BOIS BILONG  
EM...

GUID GEM BOIS!  
YUMI NOKEN CIU-  
AP LONGI PILAI...  
YUMI PILAI STRONG!

MILAIK YUPELA AUTIM  
REBO LONGI FIL! EM KI  
PILAI BILONGI OL...TEK  
HIM AUT...

YES,  
KEPT!

BIG MAL I TOKIM OL BOIS LONGI  
AUTIM REBO LONGI FIL...

ELIMWATE\*  
REBO!

\*AUTIM..

SEKAN HAP  
KIK-OFF...

GO  
BOK!



# Spak MAIK

MASKI KUSAI!  
MI HARIM OLSEM YU  
LAIK GO HOS-RES  
AH?

NO! NO! NO!  
HONEST! MI  
GO RAUN,  
TASOL!

ER... STAP ISI...  
MI GO RAUN NA...ER...  
PAINIM NUPELA  
KAR BILONGI YU...

OH  
GUT! OKE,  
YU KEN  
GO!

MINK... HE! HE! HE!  
YU TING MI MILION  
EA MAN, AH?

NAI MINSTA I PLAI GO LONG  
6-MAIL  
HOS-RES...

MI MAS HARIAP...  
NOGUT OLGETA HOS  
I RONAWI!

EM BUNGIM JEANS LONGI HAP...

EM NAI, MINSTA!  
YU BETIM HULA  
LEDI... HUNDRED TU  
WAN!

AYU SUAZ?  
EM LAS  
KIOO BILON  
MI YAH!!

HANDRED WIN  
STRET TO HULA  
LEDI... MAKET!

KIOO?  
THATS  
TUMAS!





# KRISMAS SPESEL



## Spirit bilong Krismas long Bogenvil no moa olsem bipo

VERONICA HATUTASI i raitim

TUPELA wik tasol i stap bipo long bikpela de bilong Krismas i kamap. Dispela em long Disemba 1990, insait long taim bilong bikpela hevi long Bogenvil.

Em i nait na ol liklik manki sindaun long veranda long haus bilong ankol bilong ol na harim em i tokim ol long stori tumbuna. Liklik boi bilong mi, Trevor, husat i gat 7-pela krismas i ron i kam long hap we mipela i sindaun i stap harim nius long redio. Tasol nius i pinis na wanpela singsing bilong Krismas i kamap. Nem bilong singsing ya em Jingel Bels em i feveret singsing bilong Trevor na planti arapela pikinini. Taim mipela i stap yet long taun, liklik Trevor i save pilaim kaset bilong ol Krismas singsing. Na em i laikim tru dispela singsing we i pairap i kam long redio. Em i save gut tru long ol haptok bilong dispela singsing. Taim em i harim singsing i pairap i kam long redio, kwiktam em i lusim ol manki na ron i kam long mi wantaim papa bilong em.

"Mama, bai yumi putim aut Krismas Tri long Papa Krismas i lukim na kam putim presen bilong bebi Nigel, liklik Terence, kasen Aileen, Denise na mi. Mama, olsem em save mekim long Toniva ya long taim bilong Krismas? Hevi long Bogenvil i wokim na mi lusim tingting olgeta long ol amamas bilong Krismas we mipela i save gat long gutpela taim. Tasol taim mi harim liklik boi bilong mi tok olsem nau, mi kirap nogut. Long dispela taim, ol amamas bilong ol yia bipo i luk olsem ol i kamap long narapela taim na long narapela hap long graun.

Liklik Trevor, susa bilong em Denise, kasen Aileen na planti arapela liklik manki Bogenvil i bin bon long taun olsem Arawa, Kieta, Toniva na Panguna. Na ol i save gut long pasin bilong Pater Krismas na ol loli, soklet wantaim ol arapela presen ol save kisim long em long Krismas taim.

Dispela em namba wan taim we ol i no

kisim presen long Pater Krismas.

Mi sori tru long harim toktok bilong liklik Trevor. Tasol mi traim hat tru long tokim em olsem long dispela yia, em wantaim ol brata na susa long Monoitu, Siwai na olgeta hap long Bogenvil i no inap kisim presen long Pater Krismas. Bikos bikpela pait i stap yet long ples na ailan. Olsem na balus i no moa pundaun long ailan. Na Santa i no inap karim ol loli na ol arapela presen i kam long ol manki.

Maski Trevor em i liklik boi, em i harim ol toktok bilong mi. Em i luk sori, tasol em i go bek joinim ol kasen bilong em long harim ol tumbuna stori.

Amamas na spirit bilong Krismas i no moa stap long ol ples long Bogenvil long yia 1990. Dispela em spirit we ol pipel i pilim amamas na redi long tingim bikpela de we Mama Maria i bin karim bebi Jisas moa long tu tausen yia i go pinis.

Long ol gutpela taim long Siwai, olgeta pipel bai redi gut long amamasim Krismas. Dispela em long sait bilong lotu, kaikai na pasin bilong sindaun gut long ples. Taim olsem tupela wik moa long Krismas i stap, ol bikman na bikmeri bilong ol ples i save go slip longwe long bus long painim abus bilong wara, bikbus na solwara. Ol abus olsem kapul, pik, kindam, pis bilong wara na solwara. Ol i save wokim ol liklik haus long slip long en na tu smokim



Nogat nau...Kain ol bikpela bung an amamas

olsem bal no inap kamap long Bogenvil. Bikos hevi no pinis gut yet. Ol manmeri bai holim ol liklik selebresen tasol long amamsim Krismas.

ol abus long en. Dispela em ol kaikai we ol i tilim namel long wanwan famili long ples long kukim long Krismas de.

Krismas tu em taim long ol famili, ol pren, ol skul sumatin na hauslain husat i stap long taun long kam long ples na sindaun amamas wantaim.

Long sait bilong lotu, wanwan eria i save wokim ol kwaia praktis long ol singsing bilong krismas we ol bai putim long taim bilong bikpela misa bilong Krismas. Bikpela haus lotu long Monoitu Katolik Misin we inap long kisim moa long wan tausen pipel i save pulap gut tru long misa bilong Krismas. Na planti pipel i nogat spes long sindaun insait na ol i save sanap ausait.

Wanpela o tupela de bipo long Krismas nait, wanpela ples i mekim wok long bilasim haus lotu. Dispela em long lukim olsem haus holi bilong Jisas i luk gut na

ol man i ken amamasim taim em i kamap long graun moa long tu tausen yia i go pinis.

Tasol Krismas bilong 1990 i nogat wanpela long ol dispela gutpela samting long em. Pret,

taim nogut, sori na birua long wanpela na narapela i stap strong long Siwai. Na tu long olgeta hap long Bogenvil Ailan.

Tambu we PNG gavman i putim long ol sip, balus na ol sevis

samting i go long Bogenvil i bagarapim sindaun bilong planti pipel long Bogenvil. Olsem na planti pipel nau i sapatim tingting bilong ol BRA long pait long

Bogenvil i mas bruk na lusim PNG.

Tasol ol lain BRA i kalabusim, givim hatpela taim na bagarapim sindaun bilong planti pipel long Bogenvil yet. Olsem na pret, bel nogut na pasin birua i stap namel long ol wanpisin, famili na hauslain long Bogenvil. Mekim na ol pipel i no fri long amamasim Krismas gut olsem ol taim bipo.

Krismas bilong 1990 long Monoitu i wanpela naispela Krismas tru. I no olsem long ol yia bipo we bikpela misa lotu i save stat long 12 klok biknait inap long tri kilok moning. Bikos long ol hevi, misa i kamap long siks klok nait na kisim tasol wan-

pela awa long pinis. Bihain long en, ol pipel i wokabaut hariap tru i go bek long ol ples bilong ol.

Famili bilong mi stap tasol klostu long misin stesen. Bikos mi gat bebi na narapela liklik manki, mi lusim ol wantaim papa bilong ol na wanpela sik ankol bilong mi long haus. Na mi bihainim ol narapela pipel i go long lotu.

Nogat mak long amamasim spirit bilong Krismas tru long dispela taim olsem long gutpela taim. Nogat paiawoks o pairap bilong ol paia kreka, lap amamas na bung wantaim ol famili, pren na ol hauslain. Tasol sampela long mipela i sekhan hariap long ol liklik lain poroman na kasen bihainim long mipela i bungim ol lain bilong mipela long go bek long haus.



**THE MANAGEMENT AND STAFF  
of PNG MOTORS  
wish all our  
valued  
customers  
safe and  
happy  
motoring during the  
festive season.**



**PNG MOTORS  
NATIONWIDE**

PORT MORESBY	25 5788
LAE	42 4733
GOROKA	72 2821
MT HAGEN	52 2100
KOKOPO	92 8514



Wanpela liklik pikinini wok long algris long wanpela Krismas diwai.

# Lait bai sain long Bomana haus kalabus

ROBERT KAIA i raitim

OL kalabus manmeri na ol wokmanmeri bilong Bomana haus kalabus insait long Mosbi siti bai amamasim Krismas wantaim astingting "Larim Lait bilong Yu i Sain."

Dispela astingting i bilong soim tru wanem gutpela pasin wanwan menmeri i gat na inap long mekim long helpim sindaun bilong olgeta arapela manmeri kamap gutpela.

Ol kalabus manmeri no inap amamasim Krismas arere long paia, wantaim mumu, kaikai bilong ples o dring wantaim na ol kain arapela pati wantaim ol poroman, famili na wanlain. Ol i bai amamasim Krismas insait long banis bilong ol long wanpela gutpela rot.

Krismas bung bilong ol bai kamap long Krismas de stret. Stat long hap pas 4 i go inap long Hap pas 9 long nait.

Kainkain pilai, sings-

ing, Krismas karol na musik bilong sampela gospel musik grup bilong kantri bai kamap long dispela taim.

Man i go pas long lotu long Bomana, Pasta Jeffrey i tok olgeta pilai na sing lotu bai telimautim dispela astingting "Larim Lait bilong Yu i Sain."

Pasta Jeffrey i tok em i lukluk long kisim sampela helpim long sait bilong kaikai na mani long putim kamap dispela bikpela bung long Bomana haus kalabus.

Tupela biknem gospel musik grup insait long kantri ol kolim Higher Vision na Voice in the Wind bilong Oro province bai pilai long dispela bung bilong ol kalabus manmeri. Ol arapela singsing grup bai kam long ples Hanuabada, Rope, Tubuserea na Pari.

Ol kalabus manmeri tu bai putim kamap sampela Krismas pilai bihain long toktok bilong Anglikan Pater

bilong Hohola Fr Koyabu.


Ol wokmanmeri bilong Bomana haus kalabus bai bung long Disemba 24 long amamasim Krismas.

Wanwan famili bai givim presen i go long arapela famili, pikinini, papa, mama na poroman bilong ol.

Bai gat ol arapela Krismas singsing na lotu bilong ol wokmanmeri bilong haus kalabus na famili bilong ol.

Man i go pas long Haus Kalabus Felosip na namba tu Sief Jastis, Sir Mari Kapi bai kamap long dispela Krismas bung bilong ol kalabus manmeri.

Kalabus Felosip i bin redim wanpela projek ol i kolim "Kendel Diwai" we ol pikinini bilong ol kalabus manmeri ken kisim presen ol arapela manmeri baim long nem bilong papamama bilong ol husait i stap long kalabus.



•Pasta Jeffrey (lephan) wantaim ol kalabusman i wok long stretim ol pepa bilong sik nogut ol i kolim AIDS. Dispela em long dispela yia taim ol kalabus manmeri kisim skul toktok bilong sik AIDS.

*The Management & Staff of Kimbe Printing and Kimbe Bakery wish all our valued customers a Merry Christmas and a Prosperous New Year.*

## KIMBE BAKERY PTY

P.O. Box 169, Tel: 93 5054, Fax: 93 5556  
Kimbe, West New Britain Province  
Papua New Guinea

Makers of

Fine Bread,

Cakes, Pies,

etc.

## KIMBE PRINTING PTY LTD

SERVICING KIMBE AND THE NEW GUINEA ISLANDS PROVINCES

P.O. Box 161 Kimbe, West New Britain Province  
Telephone: 93 5565, Fax: 93 5556

**FOR ALL YOUR PRINTING REQUIREMENTS AND PROMPT SERVICE**

Kimbe Printing will be at your service

**We provide:** Quality Printing, Invoice Books, Letterheads, Business Cards etc.

### Suppliers of

Quality Computer and accessories, Dot Matrix Printers, Photo Copiers, Fax Machines, Typewriters, Cash Registers, Computer Paper, Photo Copy Paper Fax Rolls.

# Stop N Shop supamaket Kainkain samting bai kamap long Krismas bai pulap long ol pipel

OL wok manmeri long ol bikipela supamaket na stua long siti save hatwok tru long taim bilong ol bikipela de olsem Krismas. Bikos planti-kastoma i save go wokim soping bilong ol na tu painim ol presen bilong ol pikinini, famili, pren na wantok bilong ol long givim long Krismas.

Wantok Niuspepa i bungim tupela wokmeri bilong bikipela Steamships supamaket long Waigani Draiv long Mosbi. Nem bilong supamaket ya em Stop N Shop.

Susan Kulame i wok olsem wanpela stuakipa long seksen bilong baim ol kaikai i kuk pinis.

"Long dispela taim bilong yia, supamaket i save pulap tru long ol manmeri. Bikos ol manmeri laik baim presen long ol lain bilong ol," Susan i tok.

Em i tokaut olsem seksen em i wok long en tu i save pulap tru long ol manmeri. Bikos ol wokmanmeri kam

painim kaikai long belo, ol arapela manmeri tu i raun i go na pilim hangre na go long baim kaikai.

"Long kain taim olsem, bikipela tingting bilong mi em long sevim gut ol kastoma. Na mi amamas long mekim dispela wok we mi wokim long tupela yia nau, Susan i tok.

Seksenel bosman bilong Susan em i wanpela meri Kerema. Nem bilong em em Suveisa Levo. Em i wok long Stop N Shop 8-pela yia olgeta nau. Suveisa i holim wok olsem supavaisa long tripela yia nau. Em i kisim ples bilong wanpela man Sauten Hailans.

"Mipela i mas i gat inap kago insait wanpela mun. Na mipela i mas no ken sot long ol samting we ol kastoma i laikim tumas," Suveisa i tok. Tupela meri tok Krismas i taim bilong famili long bung wantaim na amamasim bikde bilong Jisas. Dispela em i taim tu we ol pikinini na ol bikipela manmeri kisim ol presen.

## GODFRIED YASSAFAR i raitim

KRISMAS i no stap longwe tumas. Nu Yia tu i stap klostu tru. Em nau, klostu bai mipela i amamasim dispela tupela festival.

Amamas bilong dispela tupela festival bai no inap wankain. Sampela bai bikipela, sampela bai liklik, ol arapela bai bikipela moa na ol arapela bai liklik tru. Sais o mak bilong kukim kaikai, singsing na amamas long dispela tupela festival i stap long laik na tingting bilong wanwan man, meri, grup, famili na oganaisesen. Samting bilong mani long givim sais o mak bilong amamas.

Tru tumas, kainkain samting bai kamap-pati kaikai, tumbuna singsing, bikipela misa, pati bilong dring bia, danis na planti arapela samting moa. Dispela em ol gutpela samting ol manmeri bai mekim long soim amamas bilong ol long Krismas na tu long yia.

Taim mipela i amamasim dispela tupela

festival, mipela i mas tingim olsem kantri bilong mipela em i wanpela kantri we i gat planti na tu kainkain bikhet na pasin nogut i save kamap. Pasin bilong kilim manmeri, pasin bilong kros na pait, pasin bilong kukim haus, pasin bilong hensapim manmeri, pasin bilong repim meri, pasin bilong kros na pait, pasin bilong pamuk, pasin bilong famili kros pait, pasin bilong ka i bam na bikipela tru em pasin bilong dring bia na mekim kainkain pasin we i bagarapim fridom bilong ol arapela manmeri.

Long dispela Krismas na Nu Yia taim, sampela samting o pasin nogut bai kamap em sampela manmeri na pikinini bai dai, wanpela man o meri bai kilim meri o man bilong em, sampela man bai repim wanpela o tupela meri, ol raskol bai hensapim ol manmeri na stilim ol samting bilong ol o hensapim ol bisnis haus na stilim mani na

planti arapela pasin nogut moa.

I tru olsem Krismas em i taim bilong bung na amamas. Tasol sapos mipela i skelim o glasim gut ol samting i bin kamap long ol Krismas i go pinis, mipela i ken luksave olsem Krismas i save bringim wari, sore na kraik.

Tasol i no Krismas i bringim ol dispela samting i kam insait long laip na famili bilong mipela. Nogat ya. Mipela yet i bringim belhevi kam insait long famili na laip bilong mipela wanwan. Bikos mipela i no amamasim Krismas o Nu Yia long gutpela na stretpela rot o pasin.

Hia long Papua Niugini, mipela i save yusim Krismas festival krangi. I tru olsem mipela i save olsem Krismas em taim we mipela i tingim taim Mama Maria i bin karim Jisas Kraus long Betlehem. Tasol i no planti manmeri save yusim dispela festival olsem wanpela Kristen festival. Liklik lain tasol i

save givim taim bilong ol i go long go long misa na tingim dispela de o taim planti yia i go pinis taim Mama Maria i karim bebi Jisas.

Sampela bilong mipela, mipela i ting olsem Krismas em i wanpela taim we mipela i ken spenim planti handet o tausen kina mani. Na holim ol bikipela pati wantaim ol poroman, poromeri, wantok, famili, wanpelin long amamasim Krismas. Eksampel-mipela i ting olsem Krismas em i taim we mipela i ken dring bia na raun long ka na soim ol stail bilong mipela long draivim ka.

Mipela i mas luksave olsem i nogat tambu long mipela i amamasim Krismas long kainkain we o pasin mipela i ting i gutpela.

Tasol bikipela samting olsem mipela i mas luksave tru long "KRISMAS" em i min wanem samting? Mipela i mas luksave long Krismas i gat wanem kain mining long kantri bilong mipela?



Em nau, yu fit nating....Hannah Kaiu i soim sampela samting City Pharmacy i salim long spesel prais long Krismas taim.



Maski aigris...Pikinini meri bilong Sape Metta (Wantok ripota long Goroka) i holim dispela nalspela Krismas diwai na grisim papa bilong em long baim.

### CHRISTMAS LUNCH WITH SANTA

• A tempting buffet lunch to suit all tastes, including:-

• Roast Turkey, Leg of Ham, Roast Pork, Roast Beef, Baked Vegetables, Cold Chicken Platters, Whole Decorated Fish, A Selection of Hot Dishes, gold Meats, Garden Fresh Salads.

• A Selection of Desserts, Christmas Pudding, Brandy Sauce, Shortbread, Mince Pies, Tea, Coffee, Soft Drink, Lollies, Party Hats and Yes a visit from Santa.

• All included for only K30.00 per person

• (Children Under 12 yrs K14.00)

• So join us at the Kainantu Lodge

• Book now on 77 1020 a non-refundable deposit of K10 per person is required. Final Numbers and deposit to the Lodge by Wednesday 21st December 1994.

• A Merry Christmas to all from the Staff and Management



### THE KAINANTU LODGE CHRISTMAS SPECIAL

• All inclusive accommodation, dinner and breakfast from our Selection Menu for only K65 per room twin share. Any additional persons K10 per head.

• Enjoy a round of golf, swimming, darts, snooker or just relax.

• Package is valid from 23rd Dec to 31st Jan 1995



• A surcharge applies to Christmas Day and New Year's Day.

• Christmas lunch is not included in this offer. Enquire separately for rate

**DON'T DELAY PHONE RESERVATIONS ON 77 1020/77 1021 OR FAX: 77 1229**



# Lukluk i go bek long sampela bikpela samting i kamap

KRISMAS em i taim bilong amamas. Em i taim bilong holim pati na amamas wantaim ol famili, pren, wanwok na wanpisin. Stail na we bilong amamasim dispela bikpela de i stap long laik na tingting bilong wanwan lain.

Tasol em i moa gutpela long mipela i lukluk i go bek na lukim o skelim dispela dispela yia 1994. Astingting em long lukim wanem kain ol bikpela samting i kamap long dispela yia-sampela bilong ol dispela samting i gutpela na ol arapela i no gutpela.

Olsem na Ripota Godfried Yassafar i traim tingting bilong em long lukim o tokaut long sampela bikpela samting i bin kamap long dispela yia (1994). Ripota Godfried Yassafar i no raitim dispela ol samting bihainim taim dispela ol samting i kamap. Em i raitim tasol dispela ol samting.

• Bikpela Kot insait long kantri, Suprim Kot i r a b i s i m apoinmen/eleksen bilong Paias Wingi olsem Praim Minista bihain long em i risain na Palamen i ilektim em gen olsem PM long Septemba 23 long las yia. Bihainim disisen bilong Suprim Kot, politikel pati bilong Sir Julius Ci rausim sapot

bilong em long Mista Wingti. Na i go joinim Oposisen na ol ifomim nupela gavman-Sir Julius i kamap PM na olpela Oposisen Lida Chris Haiveta i kamap namba tu PM.

• Gavman i bungim bikpela hevi tru long ekonomi bilong kantri-hevi bilong sot/nogat mani. Dispela em i wanpela bikpela hevi

tru. Gavman i paitim toktok wantaim ol savemanmeri bilong kantri na tu sampela bilong ovasis. Na ol i kamap wantaim plan o tingting bilong daunim strong bilong mani bilong kantri (KINA). Dispela hevi kamapim planti hevi insait long ol gavman dipatmen, ejensi na oganaisesen na tu long ol praivet

sekta.

• Bikpela protes i kamap long namba tu biktaun bilong kantri-Lae. Bikos sampela man long Sauten Hailans provins i kilim wanpela man Madang. Bihainim dispela birua, ol manmeri long Momase rijon long Lae siti bung na protes i go long hetkwata bilong Morobe provins. Na askim Primia Titi Christian long stretim ol samting long rausim olgeta Sauten Hailans husat i stap insait long Lae siti.

• Bikpela ren i pundaun long Morobe provins na bagarapim gaden kaiplanti pipel. Na ol pipel i painim hat tru long kisim kaikai. Gavman i givim helpim i go long ol.

• Bikpela bris long Makham Veli ol i kolim Umi bris i bruk. Bris i bin bruktaim wanpela bikpela ka i karim wanpela buldosa i ron antap long bris na wanpela hap bilong dispela

buldosa i brukim ain bilong bris. Na bris i pundaun. Dispela birua i kamapim bikpela hevi tru long olgeta bisnis wokantap long Hailans rijon. Gavman, Difens Fos na Nesenel Disasta na Imejensi Sevis i mekim bikpela wok tru long stretim gen dispela bris.

• Bikpela hevi tru we i kamapim bikpela bagarap long laip na sindaun bilong ol manmeri na tu long ol bisnis haus/oganaisesen em tupela maunten paia (volkeno) long Rabaul i paia na pairap. Dispela hevi kamapim bikpela bagarap tru long Rabaul taun, ol bisnis haus, gavman na ol gavman ejensi na oganaisesen. Planti pipel i lusim ples, haus na ol arapela samting bilong ol. Planti Sepik i lusim Rabaul na go bek long ples bilong ol.

• Ol papagraun bilong Flai Riva i kotim mama kampani bilong Ok Tedi long baim kompensesen i go long ol long ol bagarap kampani kamapim long wara, bus na graun bilong ol. Dispela kot i bin kamap long Australia.

• Praim Minista Sir Julius Chan i sainim ol pepa wantaim ol bosman bilong BRA long stopim pait. Na painim ol gutpela na stretpela rot long pinisim hevi long Bogenvil.

## Spesel Edukesen Senta pasim skul wantaim Krismas pati

OL sumatin bilong Spesel Edukesen Senta long Hohola insait long Mosbi siti bin pasim skul yia bilong ol taim ol i wokim Krismas pati long Cathay klab.

Papua Niugini Ret Kros i ranim dispela senta bilong ol maus pas pikinini na tu ol pikinini husat i painim hat tru long wokabaut.

Ol pikinini soim papamama na ol narapela manmeri ol i singautim ol i go bung long dispela pati long ol singsing ol i bin lainim long skul.

Ol papamama bilong ol sumatin i soim amamas bilong ol long pikinini. Na ol i givim presen long ol. Spesel Edukesen Senta tu i givim presen i go long ol.

Cathay klab i bin oganaisim dispela pati bilong ol sumatin bilong Spesel Edukesen Senta.

Long dispela pati, tupela man bilong Rotari na Laions klab bilong mosbi bin givim wanpela bikpela potokopi masin long hetmasta bilong skul. Het tisa bilong skul i bin amamas stret long dispela presen. Bikos nau ol tisa bilong senta bai painim isi long wokim ol tes pepa bilong ol sumatin.

Kos bilong dispela potokopi masin em K2,500. Rotari na Laions klab i bin bungim mani na baim dispela potokopi masin long Bisnis Sistem kampani.



• Henao Igo, husat i gat 7-pela krismas i kisim presen bilong em long Pater Krismas.

## Buimo haus kalabus bai nogat Krismas selebresen

LONG ol yia i go pinis, ol kalabusman na meri bilong Buimo haus kalabus insait long Lae siti long Morobe provins i save amamasim Krismas de.

Ol kalabusman na meri wantaim ol woda plisman i save oganaisim ol samting olsem spot, drama na kwaia na tu ol arapela samting long amamasim Krismas.

Tasol long Krismas bilong dispela yia, stori go krangi liklik. Na ansa bilong amamasim Krismas bai stap olsem "NOGAT YA."

Moabeta ol kalabusman na meri no ken kros long bosman bilong Buimo haus kalabus Suprintenden Samson Jaro wantaim ol wokmanmeri bilong em. Na tu ol kalabusman na meri no ken sutim tok i go long Suprintenden Jaro wantaim lain bilong em na tok olsem ol i no oganaisim ol samting long amamasim Krismas.

Asua i no stap long Suprintenden Jaro wantaim lain wokmanmeri bilong em. Nogat ya. Ol i wokmanmeri bilong gavman tasol. Ol i karim aut tasol wok bilong ol olsem gavman i laikim ol long mekim.

Ol kalabusman na meri bai putim kamap wanpela askim olsem: Watpo na mipela bai no inap amamasim Krismas bilong dispela yia?

Asua bilong nogat amamas long Krismas, Suprintenden Jaro i tok, i

stap long dispela bikpela hevi we gavman i bungim long nogat mani.

Suprintenden Jaro i tokaut olsem long ol yia i go pinis, ol i save skelim mani bilong amamasim Krismas. Tasol long dispela yia, ol i no mekim dispela samting. Bikos long dispela bikpela hevi we gavman i sot long mani.

Em i tok long bipo, taim ol i oganaisim ol samting long amamasim Krismas long haus kalabus, ol lokol bisnis haus insait long provins i save helpim ol. Na givim ol sampela kaikai na sof dring. Tasol nau bai nogat. Bikos Mista Jaro wantaim lain bilong em bai no inap oganaisim wanpela samting.

Long tingting bilong ol kalabusman na meri, ol i pilim olsem sampela kain samting i mas kamap. Bikos Krismas em i wanpela bikpela na impoten festival. Na ol i mas o i gat rait long amamasim maski ol i stap long kalabus.

Tasol olsem bosman bilong Buimo haus kalabus i tokaut pinis, selebresen i ken kamap sapos ol i gat mani. Na tu sapos gavman i no bungim dispela hevi we em i sot tru long mani. Hevi bilong gavman i sot/nogat mani kamap long rong taim tru. Na dispela hevi kamapim ol arapela hevi insait long kantri.

# 10% Off

We at Post wish you a very  
**MERRY X - MAS**

*10 % discount on all Parcels sent through any Post Office in PNG.*

*Don't miss this chance...  
Send your X - MAS presents now...*

## HURRY!

*\* Offer ends X - MAS EVE*



**Post**

WE GO LIKE A ROCKET!


**X-MAS SPECIAL**

# Krismas em i wanem kain samting tru


KRISMAS i kam klostu pinis na planti pipel insait long kantri na tu long wol bai amamasim dispela bikpela de. Ol pipel i save long wanem bikpela tingting ol i gat bilong dispela de. Sampela i save long trupela mining o astingting bilong Krismas na ol i amamasim dispela de. Sampela i amamasim dispela de bikos ol i pilim olsem ol tu i mas amamas. Ol i no luksave long trupela mining bilong Krismas.

Long wankain taim, wanwan man na meri gat wanwan tingting o luksave bilong em long Krismas. Sampela i luksave long Krismas olsem de Santu Maria Virgo i bin karim Jisas Kraus. Ol arapela i lukim Krismas olsem pinis yia. Bihainim dispela kain ol tingting, *Wantok Niuspepa* i askim sampela manmeri long kisim tingting bilong ol long Krismas em i wanem samting.

IVAN BAYAGAU i raitim



**DAMIEN AYU** bilong Alexishafen long Madang provins i tok: Krismas em i taim Santu Maria i bin karim pikinini Jisas. Na long ples bilong mi, mipela makim dispela de wantaim bikpela misa. Bihain long misa i save gat bikpela bung, kaikai na singsing.




**KONNIE LAKA** bilong Nebilyer long Westen Hailans provins i wok olsem sekyuriti gad. Em i tok Krismas em i betde bilong Jisas. Na ol manmeri mas go long lotu na kam bek gen long haus long stap belisi. Na i no ken mekim kainkain samting na pasin long painim trabel, hevi na bagarap.




**CAMPBELL DOUGLAS** i bilong Milen Be provins. Tasol em i save stap wantaim papamama bilong em long Mosbi. Em i tok Krismas em i taim mama na papa i save givim em bikpela presen na em taim bilong kaikai loli, kek na ol arapela samting na gutpela kaikai.



**CAROL KAITORA** em i hapkas Milen Be na Oro provins. Em i tok Krismas em i taim bilong amamas na tu em i taim bilong tanim bel. Ol manmeri mas sindaun na tingting gut long ol rong ol i wokim long dispela yia na ol i mas traun long no ken wokim gen long nupela yia.



**LISA BOWADA** bilong Milen Be i gat 15 pela Krismas. Em i wanpela sumatin long Mari-anville Haiskul insait long Mosbi. Lisa i tok: Krismas em i taim bilong ol famili long bung wantaim na em i taim bilong givim na kisim ol presen long ol narapela. Lisa i tok long Krismas em i save laikim tru long kisim presen.



**MOMORU NIHIRAI** i bilong ples Tatana insait long Mosbi siti. Em i gat 19 Krismas. Long Momoru Krismas em i taim bilong amamas na kolim pati. Momoru i save lotu long Yunaited sios. Ol bikman bilong lotu i wokim planti ples bilong amamasim dispela de long ples.

"Wanwan man, meri na pikinini gat tingting bilong Krismas i min wanem samting long em. Long wanpela Krismas i min wanpela samting na long arapela, Krismas i min arapela samting."

BIHAINIM dispela liklik wok *Wantok Niuspepa* i karim aut long askim ol manmeri long kisim tingting bilong ol long Krismas em i wanem samting, mipela i ken luksave olsem hia long Papua Niugini, mipela i no save tingim Krismas olsem wanpela bikpela de long Kristen laip bilong mipela. Mipela lukim Krismas de olsem wanpela bikpela de bilong amamas tasol.

Em i tru olsem mipela i save holim lotu na amamasim dispela de. Tasol wanpela bikpela askim i mas stap

olsem: Hamas manmeri save go long misa long Krismas de long soim olsem Krismas em i de we mipela i amamasim long lotu o misa long tingim dispela de moa long tu tausen yia i go pinis Mama Maria i bin karim liklik Jisas long haus kaikai bilong ol bulmakau long Betlehem?

Dispela askim/kwesten em i wanpela bikpela askim mipela ol manmeri long Papua Niugini mas askim mipela yet. Bikos planti bilong mipela i no save amamasim Krismas long gutpela na stretpela

pasin na spirit bilong Krismas. Nogat tru stret. Planti bilong mipela i save yusim dispela bikpela de long mekim kainkain samting na pasin we i no bihainim trupela mining bilong Krismas. Mipela i yusim dispela de long mekim kainkain samting na pasin we mipela i ting i gutpela. Tasol samting tru i olsem dispela ol samting mipela i mekim i no kam aninit long trupela mining bilong amamas o astingting bilong dispela bikpela de.


Hia long Papua Niugini, taim wanpela man o

meri toktok long Krismas, em i toktok long pasin bilong dring bia na singsing, putim kamap disko/danis, taim bilong kros na pait, taim bilong kilim man na stil na tu planti arapela samting na pasin moa.

Mipela i mas luksave olsem dispela de Krismas i no kamap nating o long laik na tingting bilong mipela ol manmeri bilong dispela graun. Dispela de i no kamap bikos mipela i painim wanpela de bilong danis na bikman antap i sore long mipela na givim mipela

dispela de long mipela i ken yusim dispela de long amamasim tingting, laik na bodi bilong mipela long kainkain amamas bilong dispela graun. Ol brata na susa bilong mi husat i save yusim Krismas krangi mas sindaun na paitim poret bilong ol na askim ol yet: Bilong wanem as tru na mipela i save amamasim Krismas de long olgeta wanwan yia?

Arapela askim we ol i mas askim ol yet i olsem Krismas em i taim o de mipela i mas mekim wanem samting?



**STANFORD RAUFUN** bilong Oro provins i gat 11-pela Krismas. Em i tok Krismas em bikpela de we yumi olgeta i tingim Maria i karim Jisas. Yangpela Stanford i no save papamama bilong em bai wokim wanem long amamasim dispela de. Em i tok em bai stap na lukluk tasol.



**JIMMY PETER** bilong Samarai long Milen Be provins i tok Krismas em i taim bilong pati na danis. Tasol em i save pret long raun longlong nabaut. Bikos long taim bilong Krismas planti trabel na birua i save kamap. Olsem na em bai stap isi tasol long haus.



## MADANG TAUN INTERIM KOMISEN "WOK STRONG LONG KAMAPIM NAISPELA TAUN"

### KRISMAS GRITINGS

Madang taun Interim Komisen i laik salim Krismas na Nu Yia Gritings i go long ol dispela lain:

- Olgeta manmeri na pikinini long Madang Taun
- Ol visita husat i kam lukluk raun long provins. Dispela em ol lain long PNG yet na tu long ovasis.
- Ol lokel bisnis haus
- Ol gavman institusen na ol dipatmen
- Ol kolis na skul na
- Ol trangu long haus sik, kea senta na Beon haus kalabus

Wanem hap yu stap long em,


Mipela i askim Papa bilong yumi long Heven long lukautim yumi gut na yumi ken amamasim gut Krismas wantaim ol famili bilong yumi. Mipela i hop yupela bai i go het long lukautim na sapotim taun bilong yumi long stap olsem wanpela gutpela na pisful taun.

Meri Krismas na Hepi Nu Yia i kam long Siaman na ol wok manmeri bilong Madang Taun Interim Komisen.


Gregory Tuma  
Ekting Taun Manesa.



• Wokmeri bilong wanpela stua long insait long Mosbi siti, Avia Aisi (lephan) i wok long karamapim presen dispela meri long raithan i baim long givim long sampela lain bilong em.




• *Stretim gut...* Vicentia Boaz (raithan) na Avia Aisi wok long stretim ol tois long grisim ai bilong ol pikinini.



• LEPHAN: Wanpela wokmeri bilong Citi Phamarcy long Boroko, Mosbi, kilim skin long stretim ol tois.  
ANTAP: Dispela yangpela meri Kerema i soim setifiket bilong em bihain tasol long em i greduet long Kaindi Tisa Koles long Wewak.



• Avia Aisi na Julie i lap wantaim na wok long stretim ol plastik plawa insait long stua.



• Sampela skul pikinini singsing na putim han bilong ol I go long fran. Dispela em kain stall bilong ol sumatin long Krismas taim.



• ANTAP: Dispela tupela sap resa bilong PS Kantri-Philipa Holbi (lephan) na Leonie Mangan (raithan) bai mekimsave long sevim ol kastoma long Krismas taim long Windjammer Hotel long Wewak.  
RAITHAN: Ol manmeri pulap tru insait long dispela stua long painim ol samting long baim. Pasin bilong Krismas.



# Masalai manmeri kilim liklik boi



BIPO bipo tru long ples Dengop insait long Kabwum distrik bilong Morobe provins, i gat 6-pela brata i save stap. Hap ol i stap long en i stap antap long wanpela bikpela ston ol i kolim niot. Na tu em ples nogut stret bilong painim kaikai.

Trangu olgeta save kaikai blakpela sip paia. Na ol save pekpek blakpela tasol. Namel long ol em las brata. Em wanpela manki tasol. Em save bihainim bikpela rop na go daun long wanpela gaden bilong tupela masalai manmeri, na kaikai ol mau banana. Taim em kaikai pinis, em save bihainim sem rop tasol na go bek long ples. Liklik brata save haitim olsem em tasol save kaikai mau banana.

Wanpela taim olgeta brata i pekpek blakpela pinis, na liklik brata tasol i pekpek yelo mau banana. Ol bikpela brata lukim olsem na kisim yelopela pekpek bilong liklik brata na kisim kaikai.

Man ol i pilim i tes swit tru. Na liklik brata tokim ol olsem em save stilim mau banana long gaden bilong tupela masalai manmeri. Orait neks de, olgeta brata i go long dispela gaden na mumutim stret olgeta mau banana.

Masalai manmeri i kam na lukim olgeta mau banana i pinis, na bel kaskas stret. Orait tupela wokim wanpela trep long as bilong mau banana na go bek long haus bilong tupela.

Wanpela taim olgeta brata bihainim rop na go daun long gaden ya. Liklik brata save gut long rot. Olsem na em i go pas.

Ol i pinisim olgeta mau banana i go na apinun ol i laik go bek long ples. Tasol liklik brata em trep i holimpas em pinis. Na ol bikpela brata tasol i go bek long hap bilong ol.

Long bikmoning masalai manmeri go na lukim boi ya. Tupela kilim em na karim i go long haus. Tupela kukim boi ya wantaim sampela gaden kaikai na kaikai. Na het tasol em tupela larim i stap bilong kaikai long neks de.

Ol 5-pela brata lukim olsem liklik brata i no bihainim ol i go bek. Ol painim em i go na nogat. Na bihainim rop i go daun long gaden



na painim i go. I no longtaim ol i lukim smok bilong paia i kamap long haus bilong masalai manmeri. Masalai manmeri go pinis long bikbus long painim sampela abus. Ol i kamap long haus

na lukim pikinini bilong masalai manmeri tasol i stap. Ol i askim sapos em i lukim liklik brata bilong ol tu o nogat. Na bihain ol i lukim het bilong liklik brata bilong ol i hangamap i stap. Ol holimpas pikinini masalai na tromoi

insait long haus. Bihain ol kukim haus na ranawe wantaim het bilong liklik brata i go bek long hap bilong ol. Em tasol stori bilong mi.

M. Yorks Samson  
MOSBI

# Man laikim meri pikinini kam bek



**Dia LAIPLAIN,** Bihain long mi bin kros na pait wantaim meri bilong mi, meri i kirap na kisim pikinini bilong mitu pela na go stap wantaim ol lain bilong em.

Mi bin askim em planti taim long kam bek. Tasol em i no harim tok. Na mi no klia tru wanem as na em i no harim tok na kam bek. Mi bin tokim pasto bilong mi olsem mi laik lusim ol olupela pasin na kisim famili bilong mi kam bek, tasol meri i no inap harim tok yet.

Mi save prea long meri bilong mi i mas kam bek. Bikos mitupela i gat wanpela pikinini boi we mi no lukim em longpela taim nau. Na mi save tu olsem pikinini i gat wari tru long lukim papa bilong em. Bikos em i mas stap namel long lukaut bilong papamama stret bilong em.

**TRY AGAIN**

**Dia PREN,** Yu tok olsem pikinini i mas stap namel long lukaut bilong papamama bilong em. Dispela em trupela toktok. Mipela i ken tok olsem

pikinini i mas groa gut insait long gutpela famili laip na sindaun. I luk olsem bikpela tingting bilong em em long stretim gen marit sindaun bilong em na meri

bilong em. Tasol olgeta askim bilong em long meri i kam bek i no save karim kaikai.

Tasol em no bin tokim mipela long wanem as bilong kros bilong yutupela na wanem rong meri bilong em i mekim na yutupela i bin kros na pait. Yu bin tokim meri bilong em olsem em i lusim tingting pinis long ol asua bilong em tasol em no bin tokim em olsem em sori long pasin em mekim long em. Yu bin tokim meri bilong em tu olsem em wari tru long lusim em na pikinini?.

Man na meri i save kamapim gutpela marit laip na man wantaim meri bilong em i ken kamapim hevi long marit laip we tupela i ken kros na bagarapim marit. Olsem na asua i no save stap long man o meri tasol. Tupela wantaim i as bilong hevi.

Yu bin askim meri

bilong em tu long wanem as na em wokim sampela bikhat pasin we em bin kros na kamapim dispela hevi? Yu bin stap olsem gutpela papa long meri na pikinini bilong em o no gat? sapos em klia gut long as bilong ol dispela askim, ating bai em save wanem as na meri bilong em i no laik kam bek long em.

Gutpela long em bin traim long toktok wantaim pasto bilong em long hevi ya. Tasol ating em no bin askim pasto bilong em long go insait moa na sindaun wantaim meri bilong em gen na toktok wantaim na askim tingting bilong em. Yu tasol i wok long givim tingting bilong em long pasto.

Olsem na larim meri i sindaun tu wantaim pasto ya na toktok wantaim em. Ating dispela pasin inap

kamapim sampela gutpela rot bilong helpim em na hevi ya.

Inap em askim pasto long go toktok wantaim meri bilong em na famili bilong em? Taim em na meri bilong em i bin tok tok wantaim pasto, ating em bin winim meri long toktok na em i no autim trupela tingting bilong em. Olsem na ating em mas senisim sampela pasin bilong em pastaim.

Sapos pasto i no helpim em tumas, ating em ken kisim helpim long famili bilong em o long famili memba bilong meri bilong em.

Oltaim em mas prea long God long painim rot bilong stretim hevi bilong em na meri bilong em long kirapim em long strongim gen marit na famili bilong yutupela.

**LAIPLAIN**

Salim ol hevi na wari bilong em i kam long LAIPLAIN, P.O. Box 6047, Boroko. Yu ken ringim mipela tu long telipon namba 26 0011. Mipela i no inap autim trupela nem long hia.

# KANAGE

Meri bilong Kanage i save belhat long Kanage i save spak olgeta nait. Olsem na wanpela nait tupela i no isi long kros, tupela i kilim skin stret. Tupela mekimsave long kros i go na meri bilong Kanage i pilim olsem em i nogat moa toktok long tokim Kanage. Olgeta toktok bilong em i pinis na tu tingting bilong em i paul olgeta. Na em i kirap na tokim Kanage: Gutpela spakman, mi les pinis long toktok na kros ya. Maski em tok stret na mi ken lusim em na go painim wanpela arapela man. Kanage harim dispela hap tok bilong misis bilong em na i no wanbel. Dispela hap tok bilong misis bilong em i kirapim paia insait long tingting na bel bilong em. Em nau boi kirap na tokim misis bilong em: Gutpela meri, sapos em ting olsem em meri tru orait em lusim mi. Yu ken lusim mi na i go sol tumora bai em lusim aiwara na painim mi kam bek long haus. Bikos Kanage em Kanage, taim wanpela meri kam hangamap long em, Kanage i gat we bilong em long pilai pilai long em. Na em bai luksave olsem Kanage tasol i gat dispela kain stail. Bikos long tok Inglis nem bilong mi (Kanage) i min olsem: Kanage Admires Nakedness And Gives Excitement.

Kanage Reader  
VANIMO

Kanage em i wanpela sevisman long wok wantaim malaria sevis long Lae. Wanpela taim em wantaim misis bilong em na tupela pikinini sindaun aninit long diwai long haus bilong ol na malolo i stap. I no longtaim na ol natnat i smelim ol na kapsait i kam na stap long pulim blut bilong ol. Ol natnat i mekim-save long Kanage tasol em i no kilim o rausim ol. Nogat tru stret. Em i sindaun isi tasol. Misis bilong em wantaim tupela pikinini kirap na kilim ol natnat. Kanage sindaun lukluk long ol i go na em i belhat na krosim ol: Yupela kilim ol natnat long wanem. Sapos yupela kilim na pinisim olgeta natnat, malaria sevis bai pinisim mi tu ya. Bikos ol natnat i stap na mi save wok. Nogat bai nogat.

Fada Kanage  
GOROKA

Kanage wok i stap long opis na wanpela olupela prenmeri bilong em i ringim em. Kanage hapim telipon na ansaim. Taim em i ansaim, dispela olupela prenmeri bilong em i askim: Em husat, Kanage o Papa Kanage. Kanage harim olsem na tokim em: Ologeta wantaim, stat long A i go inap long Z. Arapela kain amamas i kisim meri ya na em i tokim Kanage: Sori, em karim stret ya. Kanage paul long dispela hap tok na askim em: Mi karim wanem samting na em tok? Meri em lap indai stret na tokim Kanage: Na em askim gen, samting em, marasin bilong kamapim gutpela amamas long bodi.

Mister Toro  
MOSBI

# Skruim tok Ansa



# Yangpela meri PNG amamas long bungim ol Raiders pilaia

LORAINE RONGAP i raitim

I BIN gat planti samting i kamap long laip bilong mi taim mi stap long Wellington, bikpela siti bilong kantri Nu Silan. Tasol wanpela bikpela samting tru em dispela de we mi bin bungim ol lain pilaia bilong ragbi tim bilong Australia, Canberra Raiders.

Mi wanpela bikpela sapota tru bilong dispela klap long 1989 yet i kam inap nau. I bin

wanpela laki de bilong mi taim mipela i harim olsem ol Raiders bai go pilai wantaim primia tim bilong Nu Silan ol i kolim Wainuimata.

Long dispela de, Janueri 26 las yia, mi wantaim ol susa bilong mi i kamap long hotel we ol Raider i stap long en na mipela i karim kamera wantaim otograp buk, bikos mipela i laik kisim poto na otograp bilong ol.


Namba wan pilaia mipela i lukim em Sean Hoppe. Orait bihain liklik, Mal Meninga i kam insait na mipela olgeta i maus op na guria liklik. Tasol kosa bilong ol Tim Sheens i tokim mipela, "Em nau sans bilong yupela long askim em."

Mipela i kisim otograp bilong Mal meninga na poto tu, orait Laurie Daley gen i kam insait. Mipela i singaut na em i mas harim, bikos em i wokabaut i kam na tok, "Helo, yupela i orait."

Mipela i maus pas olgeta na askim isi long kisim otograp bilong en na askim em tu long kisim poto na em i orait tasol.


Mi wantaim ol susa bilong mi kisim poto bilong Ricky Stewart tu na Gary Belcher.

Long taim mi bungim ol dispela lain sta ragbi pilaia bilong Australia, mi pilim olsem ol i orait. Ol i no olsem ol so-op lain. Mi wanpela sapota bilong ol na bai mi sapatim ol long planti yia i kam bihain.



• (antap) - Loraine bungim Laurie Daley long Angus Inn, Lower Hutt, Wellington, Nu Silan.

• (daunbilo) - Fiona kisim poto wantaim olpela fulbek bilong Raiders, Garry Belcher.



Gred 6 drop aut kamap bikbos

i kam long pes 15 motim em i go wok olsem faktori supavaisa.

Em i soim moa hatwok na pasin bilong go pas gut olsem bos. Na long 1984 ol i promotim em i go wok olsem bakeri menesa long Morobe Bakeri. Dispela i no stapim Saru long wokhat. Long 1987 em i kisim namba wan posisen olsem menesa bilong faktori.

Saru tok i nogat trening insait long kampani yet. Tasol em lainim long ekspiriens na go antap long ol top posisen.

Long Jun 1990, ol bikbos bilong Morobe

Bakeri i luksave long pasin bilong Saru long lainim ol nupela samting hariap. Orait ol salim em i go long namba wan trening long ovasis. Dispela em long Melben, Australia, we em i skul aninit long lukaut bilong Wheat Board of Australia.

Saru i pinisim gut dispela kos na kam bek long Papua Niugini. Orait ol salim em i go antap long lukautim Hagen Bakeri olsem menesa inap Septemba 20, 1993, taim em i joinim Taraka Bakeri. Dispela bakeri em famili bilong Jim Jackson i papa nau longen.

Taim yu kisim ol kainkain pen...  
olsem tit i pen ...baksait i pen...  
heti pen...sik mun pen...  
o wanem kain sik...!

## Olgeta taim igat Disprin long halivim yu!



Em isi, yu ken kisim Disprin na tanim wantaim wara!

Igat narapela yu ken kaikaim... teis olsem mull!


Na igat ol kapsol yu ken daunim wantaim wara!

TINGIM... OL KAINKAIN PEN...  
IGAT DISPRIN OLSEM WE YU LAIKIM...

**Kisim  
DISPRIN...  
kilim pen!**




It's to  
y Pocket!!



MESH  
WALLETS  
~~K14.50~~  
K7.99



LARGE DOLLS  
BOY & GIRL  
~~K24.50~~  
K14.99



TELEPHONE  
INDEX  
~~K9.50~~  
K7.99



CAVIER  
PERFUME  
~~K8.50~~  
K3.99

FLOWERS  
WITH POT  
~~K8.50~~  
K4.99

LARGE  
RANGE OF  
GIFT PACKS  
from  
**K4.95**



MIRROR COMB  
& BRUSH SET  
~~K4.95~~  
K3.99

BRUT DEODORANT  
SPRAY  
~~K4.80~~  
K3.99



SANTA CLAUS  
MUSICAL TUMMY  
~~K6.50~~  
K4.99




ARMACY



# Gifts to suit every pocket!!



V.I.P. PERFUME  
FOR MEN  
~~K7.50~~  
K3.99



MESH  
WALLETS  
~~K14.50~~  
K7.99



SINGER HANDY  
STITCH  
~~K29.95~~  
K24.95



SILVER  
GOBLET SET  
~~K24.50~~  
K14.99



LADIES  
GIFT SET  
~~K11.50~~  
K4.99



LARGE DOLLS  
BOY & GIRL  
~~K24.50~~  
K14.99




TELEPHONE  
INDEX  
~~K9.50~~  
K7.99



SPORTS A/SHAVE  
& DEOD. SET  
~~K17.80~~  
K13.99



DESK SET  
~~K14.50~~  
K8.99




CAVIER  
PERFUME  
~~K3.50~~  
K3.99



FLOWERS  
WITH POT  
~~K6.50~~  
K4.99

LARGE  
RANGE OF  
GIFT PACKS  
from  
**K4.95**



MOTOR FORCE  
20 PCE CAR SET  
~~K16.50~~  
K9.99



CANDY CHOCOLATE  
GIFT PACK  
K4.95



MIRROR COMB  
& BRUSH SET  
~~K4.95~~  
K3.99



BRUT DEODORANT  
SPRAY  
~~K4.80~~  
K3.99



WILMAN II DISPOSABLE  
RAZORS 5  
~~K1.60~~  
99¢



GLATT HAIR  
STRAIGHTENER  
~~K9.50~~  
K7.99



SANTA CLAUS  
MUSICAL TUMMY  
~~K6.50~~  
K4.99

**FREE**  
MRS SANTA BEAR  
FOR EVERY K50  
PURCHASE



**CITY PHARMACY**



Plis noken semin ol gospel grup

**Dia Edita,**  
Mi wanpela grasrut mangi na mi stap long ples. Mi save go long Lae siti na lukim ol liklik gospel o lotu grup i sanap long olgeta hap bilong siti na autim Gutnius bilong God.

Planti yangpela manmeri na papamama i save mekim pani na tromoi ston o mekim kainkain toktok long ol. Mi lukim dispela na mi no wanbel long ol dispela kain manmeri.

Olsem na mi laik toktok strong yu husat brata o susa husat i save mekim dispela kain pasin nogut logn stapim.

Yumi save God i givim yumi kain kain presen bilong Holi Spirit bilong mekim ol kain kain wok. Insait long buk Baibel long Ikorin, sapta 12: lain 1 i go inap long 11 i toktok long ol dispela samting.


Olsem na plis mipela noken mekim pani o tok nogut long ol dispela gospel grup.

**M. T. Oska  
LAE**

## Sir Julius na Wingti mas poinim pinga long tupela yet

**Dia Edita,**  
Mi wanpela mangi bilong Westen Hailans provins. Mi laik autim wari mi gat nau long strong bilong kina. Na tu long moni we gavman i wok long painim long brukim o wokim baset bilong yia 1995.

Mi laik tok as tru bilong ol hevi i stap long husat? Mi ken tok olsem ol hevi i stap long tupela bikman bilong olpela gavman, Paias Wingti na sir Julius Chan. Yupela i no inap long sutim tok



**Mista Wingti**

long ol ausait man long givim tingting nogut long mipela.

Taim tupela bikman



**Sir Julius**

ya poroman long olpela gavman, Sir Julius i bin stap olpela fainens ministra, na lukatim

olgeta mani bilong kantri. Na Mista Wingti i bin wok olsem praim ministra, na ranim olgeta wok bilong kantri.

Nau tupela i noken putim hevi long wok bilong mani long han bilong ol ausait save-man?

Nau Sir Julius i go pas long nupela gavman olsem praim ministra, na lusim Mista Wingti. Na dispela yia em i no laik tokaut hariap long mani plen o baset bilong neks yia.

**Fusty Koleamah  
HAGEN**

## Noken krai long pawa na wokbung wantaim

**Dia Edita,**  
Mi Wanpela sios lida long lalibu distrik insait long Sauten Hailans provins. Mi laik autim wari bilong mi i go long Wantok niuspepa long bekim toktok bilong , Tegii Ebial. Bikman ya em i wanpela olpela primia bilong Sauten Hailans.

Toktok bilong bikman ya i bin kamap long Wantok niuspepa bilong Novemba 17, 1994.

Mi laik tok olsem mipela ol pipel i laikim olpela primia long

stap isi. Na lukim wanem samting ol nupela provinsal memba i mekim.

Ating bikman i mas hangre long pawa ya. Mi ting olsem taim mipela makim wanpela man i go long provinsal asembli, olgeta bai wankain tasol olsem ol memba na primia bilongbipo.

Olpela primia i mas tingim tu long wanem samting em i bin mekim, taim em i stap long pawa. Olsem samting i wankain tasol. Mipela ol pipel i no moa

longlong bilong mipela ol provinsal na nesanel memba wantaim.

Singaut bilong olpela primia i olsem singaut bilong ol lain bilong hangre tumas long pawa. Mi laik tok moa olsem yupela ol nupela na olpela lida i wok long resis tumas long wok politik. Na klostu dispela kantri bilong mipela Papua Niugini bai bagarap.

**Rubeka Yawika  
Kewapi Konstuensi  
SAUTEN HAILANS**

## Pipia pulap long Lae na Wau Bulolo rot

**Dia Edita,**  
Long lukluk bilong mi, Lae, Wau Bulolo rot i no gutpela tumas. Ol kampani save yusim dispela rot long rausim ol tromoi pipia bilong ol. Na dispela pasin i bagarapim bus graun na abus bilong ol pipel long hap. I no longtaim ol pipel bai kisim sik na indai.

Mi laik askim ol memba bilong Huon, Wampar, Mumeng, na Wau Bololo long lukluk long dispela hevi.

Taim ol memba bilong dispela hap i raun long ol dispela rot, ol i save lukim ol pipia arere long rot o nogat? Sapos ol i lukim, wanem kain tingting bilong ol? Ol pipel i votim yupela long helpim ol o nogat?

Long lukluk bilong mi, wanpela memba bilong Wau Bulolo i no save opim ai long lukim ol dispela hevi.

Olsem na askim bilong mi i go long wanwan memba bilong ol ilektoret na konstituensi bilong ol eria antap long opim ai, na lukim ol dispela samting. Mipela ol pipel laikim ol memba bilong mipela mas bung na mekim wok. Na noken slip na driman long ol gutpela samting tasol. Bai mi amamas tasol long wanem helpim yupela givim long wari bilong mi.

Em tasol na tenkyu.

**J. Matai  
Morobe Provins**

## No ken yusim tok nogut na bilong God wantaim

**Dia Edita,**  
Mi no amamas long pas bilong brata Gipson Enoch. Pas bilong em i bin kamap long Wantok niuspepa bilong Fonde Novemba 10, 1994.

Brata i tok olsem sapos yu laik stretim man o meri husat i mekim pasin nogut, yu stretim ol wantaim tok bilong God na tok nogut a swe pasin. Mi laik tok olsem dispela kain toktok i no stret o gutpela.

Sapos yu kristen tru, bilong wanem na yu yusim tok nogut wantaim tok bilong God. Dispela

tok yu bin yusim olsem man i bihainim meri na meri i bihainim man olsem ol dog, na yu yusim tok bilong God long Korintiens 3:16:17 i go wantaim dispela tok nogut bilong yu.

Brata sapos yu kristen na yu laik stretim kain man o meri i mekim pasin nogu, na sapos yu yusim tok nogut na tok bilong God, olsem wanem bai ol i kam luksave long tok bilong God? Na tu olsem wenam bai ol i lusim pasin pamuk o pasin nogut?

Brata mi egensim olgeta toktok insait long pas bilong yu. Na tu

mi laik salensim yu stret olsem yu save prea long kain man na meri itu o nogat?

Ating yu save stap tasol na raitim pas nating long niuspepa. Neks taim yu no ken raitim gen pas long niuspepa na komplem olsem man i nogat tingting. Bikos yu bagarapim bel na tingting bilong yu yet tasol.

Em tasol liklik wari bilong mi i go long bekim pas bilong brata Gipson Enoch.

**Jerry Mango  
Kristan Buk Senta  
MANUS**

## PNG mas toktok wantaim Solomon Ailan long stretim hevi

**Dia Edita,**  
Mi save sori tru long harim nius olsem ol soldia bilong PNG i wok long indai long ailan Bogenvil long dispela hevi bilong Panguna Main.

I no longtaim, mi

harim olsem tupela soldia i bin dai long Bogenvil. Na mi sori tru. Bikos ol soldia ya i wok long lusim nating laip bilong ol long helpim ol manmeri i painim gutpela sindaun gen. Tasol abrus, ol

BRA paitman i wok long kilim ol i dai na lusim meri pikinini bilong ol.

Mi harim tu olsem ol ami bilong PNG i mekim patrol i go kamap long boda mak bilong Papua Niugini

na Solomon Ailan. Dispela em gutpela wok ol i mekim long traim painim ol dispela lida bilong BRA.

**Jeffrey Nara  
KIMBE**

## Ol hailans noken bikhet long ol Makam long buai

**Dia Edita,**  
Mi wanpela manki bilong Mendi long Sauten Hailans provins. Mi stap nau long Ramu Suga. Mi laik autim tingting bilong mi long pasin ol hailans i save mekim.

Planti taim mi save lukim ol brata na susa bilong hailans i kalap long ka na go long Makam wantaim ol bikipela beg. Na stap wet long 40 mail na Musin buai maket. Dispela em i wanpela gutpela liklik bisnis bilong ol.

Tasol wanpela samting em ol i no save harim tok bilong ol asples pipel, na baim gut buai bilong ol. Taim ol Makam i making prais i antap tumas, ol hailans bai bikmaus nabaut long ol. Na tu ol bai tok nogutim ol papamama bilong buai.

Yupela ol hailans i mas sem long dispela kain pasin bilong yupela. Sapos wanpela taim ol Makam i stap long salim buai, yupela bai kisim taim stret. Bikos yupela strong long mani bilong buai long baim kaikai na stap laip long ol taun. Sapos nogat bai yupela indai.

Sapos yupela laik stap laip yet, yupela mas isi long ol aspels pipel long salim gut buai. Ol Makam i salim stret buai we ol i no kisim bikipela profit mani. Yupela save salim long bikipela prais na kisim moa profit mani stret.

Yupela ol brata susa bilong antap i mas save olsem mipela ol hailans i nogat buai long ples. Olsem na yupela i mas isi isi liklik long mekim kain sem pasin.

**Wesley Robert  
Morobe Provins.**

**Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982 Boroko, NCD.**

## Rispektim ol meri bikos ol karim mipela

**Dia Edita,**  
Mi wanpela mangi hapkas Simbu na Kombe long Wes Nu Briten provins. Mi stap nau long Kimbe. Mi laik autim sampela tingting egensim pas bilong Anton Wafi, em i bin kamap long Wantok niuspepa bilong Fonde Novemba 3, 1994.

Pas bilong Anton i tok susu bilong ol yangpela meri em samting nating bilong holim. Bikos ol meri yet i save bikhet na ol mangi i save holim.

Kas, mi laik tokim yu olsem taim mama i karim yu, yu bin kaikai wanem samting tru taim yu bebi. Ating yu mas kaikai saksak wantaim kiau bilong moskito i go inap yu bikipela. Olsem na yu mekim kain

toktok olsem. Mipela i mas save olsem rispektim meri em bikipela samting.

Meri stap na mipela kamap man. Sapos yu gat susa bai yu pilim olsem mi. Bihain sapos yu lukim ol yangpela meri ol i dres rap o hambak nabaut, yu mas traim long lukautim bisnis o wok bilong yu yet. Na noken jeles nating long ol. Bikos em i no bisnis bilong yu.

Dispela kain pasin bai yu bagarapim gutpela sindaun bilong ol gutpela manmeri.

Em tasol tenkyu.  
**John Wagi  
Tamare Viles  
WES NU BRITEN**

## Senisim raskol pasin nau

**Dia Edita,**  
Mi wanpela man bilong Henganofi insait long Isten Hailans provins.

Mi bin ritim stori bilong brata Nickson Bungtabu. Em i bin toktok long lusim pipia raskol pasin.

Mi amamas tru long ritim olsem em i senisim ol pasin nogut

bilong dispela graun. Bikos bihain taim mipela indai, mipela bai go logn wanpela rot tasil long lukim God papa.

Nau mipela i stap laip long dispela graun, mipela i noken mekim ol bikhet pasin.

Mi askim nau ol arapela bikhet brata long

bihainim gutpela pasin bilong Nickson. Senisim pasin nogut bilong yupela. Bikos yupela mas save nau olsem laip long graun em i sotpela tumas.

Tenkyu na sapot bilong mi i go long Nickson Bungtabu.

**Peter Kusi  
HENGANOFI**

## Bringim bek stringben hit progrem long Redio Enga

**Dia Edita,**  
Mi laik komplem long NBC Redio stesin long Enga. Ol anaunsa long stesin i no save putim wanpela progrem ol i kolim 'Stringben Hit Progrem'.

Sapos yupela ol wokman i no save long dispela progrem, mi laik tokim yupela olsem dispela progrem i save kamap long olgeta Sarere.

Olsem wanem na yupela i no pilaim

putim kamap dispela progrem. Olsem wanem, i nogat strong ben singsing long redio stesin o?

Mipela ol mangi long ples i save laikim tru long harim planti stringben singsing em i save kamap long dispela progrem. Na olsem wanem na yupela i no pilaim?

**Lawrence Itaitai  
Sirunki  
Wes Enga**

# Apim pe bilong ol nes na APO

**Dia Edita,**  
Mi laik autim wanpela wari na belhevi bilong mi, bai ol wanwok i ken lukim. Wari na belhevi bilong mi i go olsem.

Inap nesenel gavman i lukluk strong na apim pe bilong mipela ol nes na ed pos odeli (APO), husat i save wok long ol rurel helt senta insait long Papua Niugini.

Mi i gat sampela gutpela as long mekim dispela toktok o askim.

Hia nau em ol as bilong mi:

- (1) Mipela ol nes i save wok hat long 24 aua olgeta long olgeta wik;
- (2) Mipela i save wok ovataim nating na nogat pe; na
- (3) Mipela ol nes na APO i save mekim ol sampela wok em ol O.I.C i ken mekim, tasol mipela yet i save mekim taim ol O.I.C i no i stap.

Dispela em tripela bilong planti as long dispela askim bilong mi na ol arapla nes na APO insait long kantri.

**Boting Dingua  
Grasrutt Helt Wokman  
GUSAP**

## Lukaut long Mendi Muruks

**Dia Edita,**  
Mi laik sapotim pas bilong brata Pius Pua bilong Goroka em i bin kamap long *Wantok* niuspepa long Novemba 10 long dispela yia tasol.

Brata Pius i sapotim Mendi Muruks lig tim bilong Inta Siti Kap resis we planti manmeri i wok long toktok egensim. Tasol mi ting em ol manmeri bilong jeles tasol i mekim ol toktok nabaut ya.

Mi ken tok olsem gem bilong Mendi Muruks i wok long kamap smat olgeta taim.

Bipo Mendi Muruks i no save pilai gut. Na planti arapela provins i save bagarapim Mendi Muruks long ol bikpela skoa. Tasol nau i luk olsem bai hat olgeta. Bikos pawa bilong ol boi long Mendi i kirap nau.

Mosbi Vipers na Goroka Lahanis bai bungim hat taim long neks yia na ol yia bihain taim ol i bungim Mendi Muruks. Bikos dispela em tim bilong las provins na het bilong ol i strong tumas. Olsem na ol bai pilai strong tru long daunim ol biknem senta olsem Lae, Goroka, Hagen na Mosbi.

Lukim Mendi Muruks long neks yia bikos ol bai kamap narakain olgeta. Na bai pulim ai bilong planti sapota na opisal tu wantaim.

**Tiss Kepas  
KIMBE**

## Bart Waki go hait pinis

**Dia Edita,**  
Mi wanpela mangi bilong Is Sepik. Mi lukim olsem memba bilong Bului Kunai konstituensi, Bart Waki i no save tingim ol pipel bilong em. Dispela pasin i tru olgeta.

Hamas memba nau mipela ol pipel bilong Bului Kunai i votim long kisim sevis i go insait long ples bilong mipela.

Tasol mipela i no lukim kaikai bilong en. Nogat wanpela memba mekim hatwok we inap long bringim sevis i kam insait.

Mi stap liklik yet na mi lukim ol papamama na ol lapun long ples i votim ol memba bilong gavman. Nau mi bikpela pinis na nogat wanpela sevis i go insait long hap bilong mipela. Wane memba bai save long mipela. Bart Waki mipela votim na em i go hait pinis.

Em tasol na tenkyu.

**Ruben Gawi Noah  
WEWAK**



## Muvim Wabag taun i go long Surinki

**Dia Edita,**  
Mi laik autim tingting bilong mi i go long nesenel gavman, na provinsel gavman bilong Enga provins. Dispela em long lukim na traime skelim sapos i gutpela o nogat.

Mi ting gavman i mas rausim Wabag taun na karim go long gutpela hap graun bilong Surinki eria. Dispela hap graun long Surinki em bikpela na level ples we i nogat maunten o graun i bruk nabaut.

Mi ting bikman yet i wokim dispela hap graun long Surinki long bihain i mas gat taun i sanap long en. Tasol ol lida bilong graun i no tingting gut na putim taun bilong Enga provins long Wabag.

Nau mi lukim Wabag taun i gat planti hevi. Na i kos bikpela moni long olgeta yia long stretim. Bikos as bilong en em graun long Wabag i no gutpela long sanapim taun.

**Kinigiak Lelyo  
KIMBE**

## Ol mejistret no ken wansait

**Dia Edita,**  
Mi laik autim wanpela komplem bilong mi i go long wanpela distrik kot mejistret long Kimbe, Wes Nu Briten provins.

Mi bin lukim wanpela kot namel long 4-pela man na SBLs kampani long Kimbe. Bikos long sampela hevi 4-pela man ya i mekim long kampani.

Mi bin lukim stret long ai bilong mi we dispela kampani, SBLs i givim K1,500 i go long dispela mejistret husat i harim kot ya long winim dispela kot egensim 4-pela man ya.

Mi lukim dispela i no stret long tingting bilong mi bikos kot bilong 4-pela man ya i no kamap gut, we ol i autim gut tingting bilong ol.

Mejistret i kirap tasol na givim kot i go long SBLs kampani na 4-pela man ya i kisim sas. Mi ken tok stret olsem sapos 4-pela man ya i save,

ating bai dispela mejistret i kisim tamiok long kot haus yet o no gat bai em kisim taim long haus slip bilong em. Sapos dispela samting i kamap long hap olsem long hailans, ating mejistret ya bai kisim tamiok pinis.

Olgeta manmeri bilong Papua Niugini aninit long mama lo i gat rait long sanap long kot, na tokaut long tingting bilong ol yet pastaim. Bihain lo yet bai skelim husat i no rong na husat i nogat rong.

Em tasol komplem bilong mi na husat arapela i laik bekim em welkam tasol long rait long *Wantok* niuspepa na mi tu i ken lukim.

**Bisik Peta  
KIMBE**

**Husat i laik salim pas i kam long edita i mas raitim stret nem na salim i kam long dispela adres: Pas i go long Edita, Wantok Niuspepa, P.O. Box 1982 Boroko, NCD.**

## Redio Madang no bihainim rikwes bilong ol lisina

**Dia Edita,**  
Mi putim komplem bilong mi long *Wantok Niuspepa* long publik i lukim na skelim.

Mi no amamas long Redio Madang. Bikos long planti taim, ol wokman meri i abrus long ol rikwes we ol lisina i putim long laikim ol PNG singsing. Na ol i kirap pilaim tasol ol singsing bilong ol waitman.

Maski long pilaim nating tasol singsing bilong ol waitman. Bihainim stret laik bilong ol lain husat save raitim pas i kam long progrem.

Mi bai amamas tasol long lukim bekim bilong publik long dispela samting.

**Vitus Bosco Feri  
MADANG.**

## Noken holim marasin long han

**Dia Edita,**  
Mi putim wanpela komplem bilong mi i go long ol nes na sista long ol publik haus sik. Moa yet long wanpela haus sik long Madang ol i kolim long Sek haus sik.

Mi no amamas long pasin we wanpela nes i mekim long givim mi marasin wantaim deti han. Dispela em taim mi sik na go kisim marasin long Sek haus sik. Dispela haus sik i stap long saut bilong not kos rot long Madang.

Mi laik traute stret taim mi dring marasin we nes ya i kisim aut long

botol wantaim deti han bilong em. Kain pasin ya inap mekim ol sikman meri na pikinini long kisim narapela sik gen.

Mi laik tokim ol nes long lusim pasin bilong putim han i go insait long botol long kisim marasin. Yusim plastik spun long kisim marasin long botol.

Yupela ol bos long haus sik, sapos yupela i lukim pas bilong mi, skelim na mekim sampela samting

**Paul Afrius  
MADANG.**

## Ol sekyuriti fos save so op tumas

**Dia Edita,**  
Mi wanpela man husat i no amamas long sampela pasin we planti ol lain sekyuriti fos bilong yumi i mekim. Dispela em ol bikhet pasin mi i ukim ol soldia i mekim long ol meri long Bogenvil na tu long Rabaul, taim volkeno i pairap long hap na ol i salim ol long wok long hap. Long Kokopo na Rabaul taun, in' lukim olsem ol soldia i so op tumas. Wankain samting tu long Bogenvil. Ol ino wokim gutpela wok long gavman. Bikos ai na tingting bilong ol i stap long meri.

Mi lukim stret long ai bilong mi long

Rabaul taun taim ol meri i pulap long hap opis bilong ol sekyuriti fos na plis. Dispela em long opis bilong NGIP. Mi pilim olsem ol i mekim sin pasin long Rabaul. Na dispela em i wanpela as long volkeno i pairap.

Long nau, mi no kirap nogut long harim olsem tupela sekyuriti fos memba i indai long Bogenvil gen. Yupela ol fos na plisman, tingim dispela na mekim gut wok bilong yupela. Na i no ai wantaim tingting bilong yupela i stap long ol meri.

**Sony Alpet  
Kokopo  
Is Nu Briten provins.**



**NEM:** William Leleb  
**KRISMAS:** 14  
**ADRES:** Bau Vocational Centre, P.O. Box 2063, Madang

**LAIKIM:** Lukim video, pilai soka na swim

**NEM:** Canuse Mauri (man)  
**KRISMAS:** 16  
**ADRES:** Angoram High School, Private Mail Bag, Wewak, ESP.

**LAIKIM:** Lukim TV, pilai soka, go lotu, wokim prenpren na swim.

**NEM:** Pais Sowiai (man)  
**KRISMAS:** 20  
**ADRES:** Steamships Joint Venture, PO Box 79, Vanimo, Sandaun Provins.

**LAIKIM:** Raun wantaim ol pren, pilai na skelim ol samting wantaim na ritim niuspepa na stori buk.

**NEM:** Amatus Kens (man)  
**KRISMAS:** 19  
**ADRES:** Steamships Joint Venture, PO Box 79, Vanimo, Sandaun provins.

**LAIKIM:** Ritim niuspepa, harim musik, pilai soka, raitim pas, go lotu, na waswas long wara.

**NEM:** Jerryck Kundida (man)  
**KRISMAS:** 19  
**ADRES:** Mendi Provinsel CODE Centre, PO Box 29, Mendi, SHP.

**LAIKIM:** Pilai soka, raitim pas, go waswas long raun wara Mendi na kisim poto.

**NEM:** John Awa  
**KRISMAS:** 16  
**ADRES:** PO Box 1264, Okopa, Isten Hailans provins

**LAIKIM:** Wokim pren, singsing lotu na lukim TV.

**NEM:** Gohn Tisah (man)  
**KRISMAS:** 21  
**ADRES:** PO Box 2699, Lae Morobe provins.

**LAIKIM:** Pilai soka, wok gaden, harim musik na mekim pren wantaim ol meri.

**NEM:** Telma Galung (meri)  
**KRISMAS:** 20  
**ADRES:** c/ Jade Piesa, Sagalau Community School, PO Box 2070, Jomba, Madang provins.

**LAIKIM:** Ritim buk, swim long wara, pilai volibal na harim ol gospel musik.

## Lawrence painim Kepas

**Dia Edita,**  
Mi painim wanpela brata bilong mi. Nem bilong em Tiss Kepas. Long 1990 i kam inap 1993, mitupela i bin wok i stap long Mosa long Kimbe. Tasol long 1994, em i stap long wanem hap mi no klia. Sapos yu husat wantok i save long dispela brata.


Inap yu toksave long em long rait long dispela adres?

**Lawrence Itaitai  
Tuki Bros  
P.O. Box 137  
WABAG  
Enga Provins**

# Volcano

K1.99  
in PNG

Don't miss this Special Report of the Rabaul Volcano eruptions. It's at a newsagent near you. A fine record for your family, friends, students, libraries.



Published by Word Publishing Company Pty. Ltd.

# WANTOK

NIUSPEPA BILONG OL PAPA NIUGINI STRET

# PABLIK NOTIS

Sapos yu laik advertais, telephon 25 2500 na askim long

Ph: Miri Aiori Ext. 203  
Jeffrey Maliou Ext. 216  
Joe Naime Ext. 232

## BETELNUTS & SAGO

PH: 86 2743 FAX: 86 2743

WEWAK/HAGEN K218 - for ONE 50 kg bag  
WEWAK/HAGEN K594 - for THREE 50 kg bag  
WEWAK/MORESBY K286 - for ONE 50 kg bag  
WEWAK/MORESBY K690 - for THREE 50 kg bag  
WEWAK/TARI K283 - for ONE 50 kg bag  
WEWAK/MENDI - K263 - for ONE 50 kg bag  
WEWAK/TABUBIL K297 - for ONE 50 kg bag  
WEWAK/PORGERA K279 - for ONE 50 kg bag  
WEWAK/GOROKA K229 - for ONE 50 kg bag  
WEWAK/WAPENAMANDA K257 - for ONE 50 kg bag

### DAKA OR MUSTARDS:

WEWAK/HAGEN - K80 for ONE 25 kg  
WEWAK/OTHERS - K110 for ONE 25 kg

### SAKSAK OR SAGO

WEWAK/HAGEN - K40 for ONE 25 kg

### TIMBER ON SALE!

## TRANSWORLD TRADING (PNG) PTY LTD

(The Blue Truck Timber Company)

P.O. Box 92 - Badili - NCD - Port Moresby -  
Phone/Fax: 25 5314 - Timber Yard - Erima

Dear Customers,

We have a special christmas offer:

- 1) 10% down on all construction timber picked up.
  - 2) Special for contractors: further 2% down.
- We are open for business 7 days a week.  
We close for 3 days at Christmas: Dec, 24, 25 and 26.

MERRY CHRISTMAS TO YOU ALL!



## COZMO CREATIONS FASHION HOUSE

PROUDLY PNG

*WE CAN MAKE YOU LOOK YOUR BEST*

AND

## COZMO PTY LIMITED

ACCOUNTING AND MANAGEMENT SERVICES

*Wishing all our customers and clients  
a very Joyous Christmas  
and a Fulfilling New Year*

*May the Love Joy and Peace of our  
Lord Jesus Christ be yours this  
Christmas and in 1995.*

UNIT 2 GREENFINGERS INDUSTRIAL CENTER  
GABAKA STREET GORDONS

Telephone 25 - 9376 Facsimile 25 - 9488 P O Box 1658 Boroko

For Sale

## WINDSCREENS

to suit most models

from: K250.00 only

Available at Boroko Motors

## BAIBEL TRENING

SENTA Wanpela nupela we long kisim save long tok bilong God. I gat ol aplekesen bilong 1995 long tok Pisin na Inglis M/W/F nait. Sapos yu laik save moa, raitim pas i kam long P.O. Box 72, Badili, NCD.

# Merry Christmas

from the Good-Guys at

# BOROKO MOTORS Spare Parts

OUTBOARD MOTOR CHRISTMAS SPECIAL

## PROPELLERS

From

**K120**



## PLASTIC FUEL TANKS

**K85**



sapos yu laik salim  
toksave o  
edvatasim spes  
long **WANTOK**

ringim 25 2500  
na askim long  
sels dipatmen

**WANTOK**

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

**EM** ■

Pepa bilong yumi stret

**BAIM WANPELA**

**TETE!!**

**40t**  
**tasol!!**






# RAGBI LIG

## NIUS

LAE BISCUIT




### PNGRFL makim 17 pilaia trening skwat bilong Wol 7 asait resis




• Phillip Boge



• Michael Toivita



• Elias Paiyo



• David Buko



• Adrian Lam

Dispela em bihain long ol selekta i glasim wnewan pilaia.

Ol memba insait long skwat em ol i givim pinis trening progrem bilong ol long bihainim inap mun Janueri, 1995.

PNGRFL i bin makim namba wan trening skwat long bipo. Tasol siaman bilong PNGRFL, Joe Keviam, i tokaut olsem sampela senis i kamap. Bikos sampela pilaia i no inap lusim lusim tim bilong ol long ovasis, o long wok.

Wanpela bilong ol dispela pilaia em Mark Mom bilong Australia Canberra Raiders. Mom em ol opisal bilong Raiders i tok em bai lainim long tekova long A gred hap bek, Ricky Stuart long sampela yia bihain.

Kumul vais kepten, Adrian Lam, em narapela PNG pilaia long Australia husat i no

inap makim PNG. Bikos klap bilong em, lsten suburb i laikim em long makim ol long dispela resis tu. Wankain long Kumul faiv eit na hap bek, Aquila Emil, husat i putim nem pinis wantaim Kwinslen Cowboys. Tasol nem bilong Emil i stap yet insait long PNG trening skwat. Bikos ol opisal bilong PNGRFL i no toktok yet wantaim ol bikman bilong Cowboys.

James Miviri na Jack Uradok em tupela Mosbi Difens pilaia insait long namba wan trening skwat. Tupela i no inap pilai. Bikos tupela wok i stap nau long Bogenvil ailan.

Nem bilong ol pilaia insait long trening skwat em: Martin Abori, Phillip Boge (Mosbi Hawks), David Buko (Goroka Royals), Ric Emmanuel (Canberra



• James Miviri

(Mosbi Paga Panthers) na Papigari Vaieke.

Raiders), Aquila Emil (Kwinslen Cowboys), Tuiyo Evei (Goroka Royals), Stanley Gene (Goroka Royals), David Gomia, Stanley Haru (Kens Babinda Colts), Billy Kinsim, Daroa Ben Moide (Mosbi Paga Panthers), John Okul, Elias Paiyo (Mosbi Tarangau), Max Tiri, Petrus Thomas, Michael Toivita

#### UNAGI OFF SEASON LEAGUE OFF-SEASON DRAW (Week 1 Round 2)

Sat 17/12/94 (Field 1)	Times	Teams	vs	4Mile	Div
1000am	Siane		vs	D/Brothers	C
1100	5Mile		vs	Wara Sua	C
1200pm	7Mile		vs	G/Ridge	C
0100	S/Hawks		vs	D/Brothers	B
0200	5Mile		vs		
Sun 18/12/94					
1000am	Siane		vs	4Mile	B
1100	S/Hawks		vs	G/Ridge	B
1200pm	7Mile		vs	Wara Sua	B
0100	S/Hawks		vs	G/Ridge	A
0200	5Mile		vs	Brothers	
0300	4Mile		vs	Siane	
0400	7Mile		vs	Wara Sua	
Field 2 (17/12/94)					
Sharks	vs	Makana	B		
Saraga	vs	M/Tobo	B		
3,4Mile	vs	8Mile	B		
E/Boroko	vs	6Mile	B		
Saraga	vs	M/Tobo	B		
18/12/94					
E/Boroko	vs	6Mile	B		
Makana	vs	Sharks	B		
8Mile	vs	3,4Mile	B		
6Mile	vs	E/Boroko	A		
M/Tobo	vs	Saraga	A		
Makana	vs	Sharks	A		
3,4Mile	vs	8Mile	A		

### Vanimo Tarangau winim kot

WINIS MAP i raitim

SOPATAMA Tarangau ragbi lig klap long Vanimo, Sandaun provins i winim nesanel kot egens Vanimo Ragbi Lig na PNG Ragbi Lig long stapim gren fainel na givim gem i go long Works Tigers long dispela yia.

Tarangau i bin winim sans long bungim Works long Vanimo ragbi lig gren fainel taim opisel i stapim gem ya na givim i go long Works.

Dispela disisen bilong stapim gren fainel i kisim tu sapot bilong PNGRFL edministreta long Mosbi.

Presiden bilong Tarangau klap, Daniel Maskim i bin luksave olsem gren fainel bai i no inap kamap olsem na em i kisim balus long Vanimo na go long Mosbi na givim stori bilong em long PNGRFL edministreta. Tasol edministreta i sanap strong long tingting bilong em we em i bin mekim pas-taim.

PNGRFL i askim Mista Maskim long kisim dispela komplek bilong Tarangau klap i go long nesanel kot long Waigani.

Long dispela as, Tarangau i winim kot bihain long nesanel kot i skelim olgeta toktok bilong Tarangau klap na Vanimo Futbol Lig.

Nesanel kot i tokim Vanimo Futbol Lig na PNG Ragbi Lig olsem disisen bilong givim taitel i go long Works ragbi lig klap i no stret, disisen bilong PNGRFL long stapim gem na givim i go long Works i no stret, Tarangau aninit long lo i mas pilaim gren fainel egens Works, PNGRFL na VRL i mas holim gen gren fainel bilong tupela tim ya, PNGRFL i mas baim Tarangau klap long ol hevi na wari em i kamapim long klap, Tarangau klap i ken askim kot gen long makim namba bilong moni sapos PNGRFL na VRL i no baim em na PNGRFL i mas baim Tarangau long olgeta moni Tarangau i lusim long baim ol samting bilong kamapim kot.

Tasol i luk olsem sans bilong Tarangau na Works i bung gen na pilai gren fainel i no gutpela tumas. Bikos planti pilaia bilong Tarangau i lusim interes pinis bikos long dispela hevi we i bin kamap long ol.


Olsem na Mista Maskim i askim PNGRFL na VRL long baim Tarangau klap tasol long ol bagarap na moni ol i lusim long kamapim kot ya.

Tarangau em nupela klap na i rejistaim A gret, B na Anda 19 long dispela yia. Gutpela nem bilong klap i bin bagarap tu long taim dispela pasin i bin kamap. Olsem na Tarangau klap i laikim bai PNGRFL na VRL i mas baim ol.



• Saraga tim bilong Unagi opsisen ragbi lig resis long Mosbi. Poto KENEDY EDENE





Kamera glasim olgeta muv • Kamera i kisim gut olgeta muv bilong Betty Paliu bilong Mosbi Malangan long Bisini sofbal daimon las wiken. Betty taitim gut bun na laik betim bal. Ating dispela wiken em bai autim moa stail stret ya.

PORT MORESBY MENS SOFTBALL ASSOCIATION

1994-95 SEASON

Round 1 - Week 7

Sunday December 18, 1994.

Time	Grade	Team	Vs	Team
09.00am	C	Malagan	vs	Tigers
10.30am	A	Gazelle	vs	Bears
12.00pm	A	Malagan	vs	Tigers
01.30pm	A	Manolos	vs	Tauber
03.00pm	A	Elcom	vs	MSC*
<b>Diamond Two</b>				
09.00am		F R E E		
10.30am	B	Hansa Bay	vs	Tauber
12.00pm	B	Elcom	vs	Karanas
01.30pm	B	Gazelle	vs	Bears
03.00pm	B	Malagan	vs	Dolphins
<b>Diamond Three</b>				
09.00am		F R E E		
10.30am	C	Manolos	vs	Dolphins
12.00pm	B	PNGBC	vs	Hawks
01.30pm	C	Raiders	vs	Admiralty
03.00pm	C	PNGBC	vs	Karanas
N	A	Hawks	bye	
O				
T				
E	C	MSC	bye	

MADANG WOMEN'S SOFTBALL DRAW

Saturday December 17, 1994.

Time	Teams	Vs	Teams	Division
1.00pm	Kalibobo	vs	Admiralty	B Grade
3.30pm	Waterboard	vs	Kabiu	A Grade
Melanesian B Grade on Bye				
Sunday December 18, 1994.				
1.00pm	Tarangau	vs	Utd Bro's	B Grade
2.30pm	Sisters	vs	Kakanas	A Grade
Admiralty Women's A Grade on Bye				

PORT MORESBY WOMENS SOFTBALL ASSOCIATION INC. 1994/95 SEASON DRAW - ROUND ONE

Week 8 - 17/12/94

Time	Teams	Vs	Teams	Grade
1030	Stars III	vs	Karanas II	C
1200	Fujitsu I	vs	Carps I	A
1330	Wantoks I	vs	Karanas I	A
1500	Stars I	vs	Gazelle I	A
1630	Royals I	vs	Yokomo I	A
<b>Diamond Two</b>				
1030	Pomtech I	vs	Dolphins II	C
1200	UPNG II	vs	Archiever II	C
1330	Exodus I	vs	Royals II	AR
1500	Archiever I	vs	Dolphins I	B
<b>Diamond Three</b>				
1030	Norths II	vs	Country II	C
1200	Tarangau	vs	Malangan II	AR
1330	Norths I	vs	Elcom I	AR
1500	Country I	vs	Carps II	AR
1630	Fujitsu II	vs	UPNG I	AR
Bye:	'A' Malangan I			
	'C' Admiralty II			

SOGERI VALLEY OFF-SEASON RUGBY LEAGUE REFEREES APPOINTMENT

Remarks: This is to advise that referees appointment for weekending 18/12/94 must be in the following manner.

1.	Res	-	D. Ahken
2.	Res	-	H. Moreka
3.	Res	-	D. Ahken
4.	A	-	H. Moreka
5.	A	-	A. Soikava
6.	A	-	J. Martin

DRAWS FOR THE WEEKEND 18/12/94

Res	Ilmo Kerras	vs	Sogeri Roots
	Kenage Raiders	vs	Radho Spiders
	Tano Brothers	vs	KK United
'A'	Ilmo Kerras	vs	Sogeri Roots
	Kenage Raiders	vs	Radho Spiders
	Tano Brothers	vs	KK United

LAE WOMENS SOFTBALL ASSOCIATION 1994-1995 SEASON - ROUND ONE DRAW FIVE

Saturday December 17, 1994.

Time	Teams	Vs	Teams	Diamond	Umpires
9.00-10.15am	Defence	vs	Coronation (JNR)	One	P. Katusela
10.30-11.45	Defence	vs	Coronation (L)	One	M. Kalukal
12.00-1.15	Malangan	vs	Tauber (L)	One	Keith/Defence
1.30-2.45	Bismark	vs	Fireballs (L)	One	P. Pasen
3.00-4.30	Medics	vs	Elcees (L)	One	A. Hungrabos
9.00-10.15am	Medics	vs	Elcees (JNR)	Two	D. Taliva
10.30-11.45	Manalos	vs	Wespac (D1)	Two	L. Sadgrove
12.00-1.15	Karanas	vs	PX (D1)	Two	T. Sapul
1.30-2.46	Wantoks	vs	Kabiu (D1)	Two	H. Costigan
3.00-4.30	YMCA	vs	Aviat (D1)	Two	R. Nenmale
9.00-10.15am	Malangan	vs	Tauber (JNR)	Three	Kakare
12.00-1.15	YMCA	vs	Royals	Three	M. Lunny
1.30-2.45	Unitech	vs	Wespac (D2)	Three	D. Kehono
3.00-4.15	Karanas	vs	BSP (D2)	Three	G. Wanma
9.00-10.15am	Bismark	vs	Fireballs (JNR)	Four	C. Yawing
10.30-11.45	Bismark	vs	Fireballs (LR)	Four	A. Ilikis
12.00-1.15	Medics	vs	Elcees (LR)	Four	S. Turlom
1.30-2.45	Defence	vs	Coronation (LR)	Four	J. Agילו
3.00-4.15	Malangan	vs	Tauber	Four	P. Gaman

SOGERI VALLEY OFF SEASON RUGBY FOOTBALL LEAGUE DRAWS

Sun 18/12/94 (Res)

Teams	Grade	Ref
I/Kerras vs S/Roots	Res	D Amken
K/Raiders vs R/Spiders	Res	H Moreka
T/Brothers vs KK United	Res	D Amken
(A) I/Kerras vs S/Roots	A	H Moreka
K/Raiders vs R/Spiders	A	A Soikava
T/Brothers vs KK United	A	J Martin

HOHOLA 4 INTER 7s TOUCH SATURDAY 17 DECEMBER 1994

TIME

1.00	Raiders vs Eels
2.00	Panthers vs Knight
3.00	Bulldogs vs West
4.00	Tigers vs Norths

Bye South

SUNDAY 18/12/94

1.00	Raider vs Eels
2.00	Panther vs Knights
3.00	Bulldgo vs West
4.00	Tiger vs North

PEPSI OFF SEASON LEAGUE (Round 4 - Sun 18/12/94) Venue: Iarowari High School Oval

Time	Teams	Ref
0900am	Manumanu vs Opongo	P Kora
1007	Vabukori vs Sabama	T Kain
1110	Hohola vs Koiani	S Fareho
1213pm	Poimo vs Tokarara	T Kuni
0116	Tatana vs St Vincent	P Kunjil
0219	Bogi vs Lealea	S Tarava
0322	Waigani vs Maria	P Laka
0425	Poreporena vs Tauruba	T Kuni

GEREHU NETBALL ASSOCIATION DRAWS (Round 6)

Time	Teams	Grade	Court
Sat 17/12/94			
0900am	Dee Six vs Magani	U/12	2
0900	Swans vs Rabbits	U/12	1
0930	Saints vs O/Bullets	U/12	2
0930	Seasiders vs Country	U/12	1
1000	Swans vs Bears	U/15	2
1000	Seasiders vs Magani	U/15	1
1030	Eels vs Country	U/15	2
1200pm	Rabbits vs Swans	B	1
1200	Dakas vs Eels	B	2
1230	Saints vs Roosters	B	1
1230	Bears vs Dee Six	B	2
1300	Bulldogs vs Seasiders	B	1
1300	Magani vs Country	B	2
1330	Broncos vs O/Bullets	B	1
Sun 18/12/94			
1300pm	Magani vs Sharks	A Res	1
1300	O/Bullets vs Eels	A Res	2
1330	Bears vs Rabbits	A Res	1
1330	Dakas vs Sharks	A Res	2
1400	Saints vs Roosters	A Res	1
1400	Swans vs Bulldogs	A Res	2
1430	Magani vs Country	A Res	1
1430	Dee Six vs Bears	A Res	2
1500	O/Bullets vs Broncos	A Res	1
1500	Seasiders vs Sharks	A Res	2

# PROVINSAL SOKA NIUS

FRENCHBAKEHAUS



• CAKES

Weddings & Birthdays  
Our speciality

25 1266 Pom  
42 5349 Lae

FRENCHBAKEHAUS



• CAKES

Weddings & Birthdays  
Our speciality

25 1266 Pom  
42 5349 Lae

## Spot kos long Mumeng pulim 28 man

YAKAM KELO I raitim

WANPELA kos bilong soka na volibal i bin kamap long Mumeng distrik, Morobe provins long 28 Novemba na pulim moa long 28 man. Dispela ol lain man husat i sindaun long kos ya i bin kisim spot setifiket long pinisim kos ya.

Kos ya i bin kamap insait long wanpela wik olgeta we ol spot opisa long Morobe Provinsal Spot opis, Ludwig Peka na Nathan Kupuaton i bin go pas long en.

Presiden bilong Mumeng Spot Kaunsil, Leo Benny i tok dispela kos i bin kamap gut na pulim samting olsem 28 man insait long Mumeng distrik i go sindaun na lainim ol samting.

Ol lain i kamap long kos ya i kam olsem long Senta Spot Asosiesen, Samsam, Wagau, Midel Watut na Tinze Asosiesen.

Presiden, Leo Benny i tok olgeta lain husat i pinisim kos ya i kisim setifiket pepa bilong ronim wok

bilong volibal na soka insait long Mumeng distrik long neks ya na ol yia bihain. Olsem na Leo i askim ol lain ya long stap klostu wantaim Mumeng Spot Kaunsil long wok wantaim ol long kamapim gutpela spot developmen long neks ya insait long distrik.

Leo i tok kos bilong basketbal i no bin kamap bikos man husat i go pas long holim dispela kos i no bin kamap. Tasol olgeta lain husat i save laikim basketbal i ken wet inap neks ya we Spot Kaunsil bai kamapim gen kos bilong basketbal na kolim basketbal kodineta bilong Morobe Spot opis long go na holim kos ya.

Dispela i bin nambawan taim bilong Mumeng distrik long kamapim kain kos olsem na dispela em nupela rot we i kamap nau long kirapim spot insait long distrik, Leo i tok.

Mumeng Spot Kaunsil tu i bin stat nupela long dispela yia tasol we Morobe Provinsal Spot opis i bin go na kamapim long kirapim wok bilong spot i go insait long ol ples na distrik level.



• Sampela yangpela insait long Mumeng distrik husat i bin sindaun long wanpela spot kos long mum Novemba. Kos i pinis na samting olsem 28 man i bin kisim besik setifiket bilong holim olpilai insait long Mumeng distrik long neks ya na bihain tu. Dispela i bin nambawan taim bilong kos olsem long kamap. Foto LEO BENNY



• Susa no gut bilong PTC i pilai strong tru na rausim bal long antl no gut bilong Hom Afes. Ol meri PTC i win 3-1 long fultaim.

## PNGWTF tok amamas long sponsa

NEVILLE CHOI I raitim

PAPUA Niugini Wol Taekwondo Federesen i salim bikipela tok amamas i go long Pogera Join Vensa na PNG Spots Federesen bihain long ol i kam bek long Taekwondo Sempionsip Sidni, Australia las wiken.

Taekwondo Federesen i salim dispela tok tenkyu long Pogera na Spots Federesen bilong helpim bilong ol long wokim kamap dispela raun.

Long dispela raun, ol paitman bilong PNG i winim tupela gol na tripela brons medel taim ol i pait wantaim ol Australia, Filipino, Vietnam, Fiji, na ol narapela kantri.

Trening skwat bilong PNG husat i bin pait long dispela tonamen i no bin gat inap taim bilong trening tasol ol i bin wokim gut tru long dispela tonamen.

Long dispela samting tasol na PNG Wol Taekwondo Federesen i tok olsem skwat i redi long pait long 10th Saut Pasifik Gems long neks ya long Tahiti.

Federesen (PNGWTF) i tok tu olsem sapos Pogera na PNG Spots Federesen i go het yet long sapatim ol, trening skwat i ken wokim gut long ol bikipela ovasis tonamen long neks ya.

PNG Wol Taekwondo Federesen i tok olsem em i wok hat long kamapim ol gutpela risal long Saut Pasifik Gems neks ya bilong soim olsem PNG em sempion spoting nesen long Saut Pasifik rijen.

## Strong bilong DCA Pablik Sevas tim i lus nating

STRONGPELA gem bilong ol boi DCA na dipatmen bilong Praim Minista i holim tupela tim wantaim long 0-0 skoa long fultaim insait long Mosbi Pablik Sevans soka resis long las wiken.

DCA i kamapim planti gutpela kik na stail tru long go insait long hap bilong Praim Minista tasol sekyuriti gad i strong tru long geit. Olsem na DCA i wok long pinis ol strong tasol long ausait bilong fulbel na go bek.

Ol boi bilong Praim Minista tu i wok long bomim golmak bilong DCA planti taim tasol beklain tu i strong na han bilong golkipa i wok long sevim planti ol strongpela kik we i kam long em.

Gutpela pilai bilong Eric Petrus na Gilbert Kuimari long DCA i winim planti sans long go insait long golmak bilong Praim Minista. Tasol ol gutpela sans bilong DCA i wok long abrus bikos ol fulbek bilong Praim Minista i save kwiktai tumas long stapim DCA long kisim sans bilong skoa.

Yangpela David Geame bilong Praim Minista tu i kamapim planti gutpela sans long setim ol fowet long go skoa tasol

oltaim ol straika i save putim bal antap long golmak. Long dispela as planti gutpela sans gol bilong ol i save abrus.

Long fultaim tupela tim wantaim i dro 0-0 insait long wanpela gutpela na strongpela gem tru long las wiken.

Ol boi Deced/Elcom tu i soim wanpela gutpela stail pilai tru long rausim tiket bilong ol balus boi bilong Air Niugini wantaim 2-0 skoa long fultaim. Dispela i bin wanpela strongpela pilai tru tasol ol boi bilong Elcom i gat bikipela pawa olsem na ol i skorim tupela gol egensim Air Niugini.

Clement Anisana wantaim Paniu, na John Forowa i mekim bikipela bikipela wok tru long strongim Air Niugini balus long ron tasol i no gat inap sapat long fowet lain olsem na sampela sans gol tu i go abrus liklik.

Long sait bilong Elcom, Adam Lema yet i was long enjin rum bilong Elcom na skelim pawa long olgeta seksen bilong Elcom. Olsem na gutpela sapat bilong em wantaim Luke Waldiat i helpim ol straika long skorim tupela gol i go insait we golkipa bilong

Air Niugini, Abe Ilaita i abrusim.


Teachers i wok strong yet long winim ol pilai bilong em i kam na long las wik, em nekim PC F 1-0 long fultaim. Dispela tu i bin wanpela strongpela pilai namel long tupela tim ya.

Tasol ol skul tisa tu i gat strong bilong givim skul long husat i laik lainim save. Pilai bilong Teachers i wok long kamap gut long olgeta wiken na i gat bilip olsem Teachers bai wanpela strongpela tim long kamapim bikipela hevi insait long Mosbi Pablik Sevans soka resis.


Woks i pasim tu pasbuk akaun bilong PNGBC beng wantaim 2-0 skoa long Sande gem. Dispela i bin wanpela gutpela pilai we PNGBC i kamapim planti gutpela salens tru tasol fulbek bilong Woks, Duri Yarawi i no givim sans long ol.

Peter Punau wantaim Wesley Waiwai long fowet i kamapim planti gutpela gem stail tru long kamapim tupela gol ya egens PNGBC long fultaim.

BPNG tu i bin nekim Invesmen Kopresen 1-0 long wanpela strongpela gem bilong tupela long las wik Sande.



• Susa ya i painim poro bilong em long tromol bal tasol i no gat. Birua i kamap klostu pinis long kisim em.




• Lukaut: Em stailbilong pitsa hust i redi long tromoi bal long beta long las wiken gem bilong Mosbi sofbal resis.

• Kas no gut ya i paitim bal na redi long tekov. Em sofbal resis bilong Mosbi long las wiken. Poto JACK AMI



• Bikpela basketbal salens las wiken long Hohola Basketbal Kot. Poto JACK AMI



• Jacklyn Aisi bilong DEC vollbal tim i pilal strong tru long las wiken insait long Mosbi Pablik Sevans vollbal salens. DEC i winim Helt 3-0 long fullaim.  
• (Iepahn) Em Mosbi Pablik Sevans netbal resis long las wiken. Netbal salens bilongol meri i wok long kamap strong olgeta wiken long Mosbi.

# Tim i mas pilai grup futbol na i no kik na ron-stail

## YAKAM KELO I raltim

INSAIT long bikpela tonamen olsem Saut Pasifik Gems, nesanel tim i mas pilai grup futbol na i no kik na ron futbol stail. Wantaim kain stail na tingting bilong pilaia long luk-save long pilai bilong birua tim, het kosa i ken wokim plen bilong tim i yusim long pilai. Het kosa bilong PNGFA, Posman Kisakiu i tokaut long ripot bilong em.

Insait long ripot ya, kosa i ken kamapim kain kain plen olsem 4.4.2, 4.3.3, 4.2.4, 4.5.1 na planti arapela moa sapos kosa i luk-save gut long pilai bilong wanwan pilaia na save bilong pilaia long kamapim plen bilong em yet egensim ol birua tim.

Dispela tim i ken kamapim gutpela pilai

tru sapos ol i pilai insait long grup futbol na yusim wanwan save na stail bilong ol pilaia long kamapim wanpela gem plen.

Posman i ripot olsem i no gat wanpela pilaia inap pilai grup futbol stail aninit long wanpela kain gem plen o stail. Long dispela as ol kosa i save tok wanpela plen o sistem i no save mekim kamap ol pilaia. Ol pilaia i save mekim kamap sistem o plen.

Long dispela as, pilaia i mas gat ol samting bilong mekim em i pilai bihainim plen o sistem we kosa i makim ol long pilai long en. Ol dispela samting pilaia i mas gat em; *level bilong fitness, pilaia husat i save yusim tingting bilong em, pilaia husat i ken hariap*

*long senisim stail bilong em long atek i go long difens na bihain i kam bek gen long posisen bilong em, level bilong pilai na kamap gutpela pilaia, klia long bihainim plen o sistem bilong pilai, bodi bilong em i mas stap strong na gutpela long pilai, em i mas winim sapot bilong arapela pilaia, pasin bilong em taim em i no kisim bal, strong bilong em long pilai insait long tupela o arapela posisen, pilaia ken pilai strong wantaim spit tasol em i kontrolim ol dispela strong na spit na level o mak bilong pilaia long yusim het o save bilong em long pilai.*

Posman i ripot tu olsem long taim bilong makim skwat long mekim kamap nesanel tim, het kosa wanpela yet i mas mekim dispela wok. Na i no ken gat seleksen komiti husat bai makim skwat.

Dispela em bihainim soka pawa insait long arapela kantri long wol.

Long dispela as taim kosa i makim skwat bilong em, em i mas gat gutpela tingting o save bilong glasim ol pilaia na bungim stail na strong bilong ol pilaia wantaim long mekim kamap plen o sistem

kosa yet i gat save long en. Long dispela as kosa i mas gat; *klia tingting long pilai bilong wanwan pilaia,*

*kosa i mas save long kain stail na pilai bilong birua tim na kosa i mas save tu long ol rul na lo we pilai bai kamap bihainim.*

Posman i tokaut long ripot bilong em olsem,

aninit long olgeta samting, makim pilaia long skwat i save kamap bihainim level bilong save na klia tingting long pasin bilong man na wokabout bilong em, pasin bilong pilaia long lainim na klia hariap long samting we het

kosa i gat long kamapim skwat bilong em. Long makim skwat tu, kosa i mas save long ol pilaia, em i mas save tu long arapela birua tim na ol lo bilong bihainim long pilai na olgeta samting em i mekim i mas kamap bihainim plen o mak em i gat long mekim kamap.



• *Lukaut long em:* I no ol liklik sais tasol i save pilai soka. Ol bikpela na fatpela bodi tu i ken soim stail bilong ol long pilai soka. Em midfilda bilong Invesmen Kopresen long Mosbi pablik sevans resis. Foto YAKAM KELO

## PMISA seketeri laikim 9 tim long wanwan divisen

EKSEKYUTIV bung bilong Mosbi Soka Asosiesen (PMISA) bai tokaut 8-pela o 9-pela tim tasol bai pilai insait long wanwan divisen long neks ya. Bikos dispela yia i no gat wanpela namba stret bilong ol tim i stap insait long olgeta divisen.

Seketeri bilong PMISA, Mojeck Selsel i tok dispela yia i gat kain kain namba i stap long wanwan divisen we i mekim na pilai i wok long go longpela taim tumas.

Olsem na em i wokim plen bilong neks ya we olgeta divisen i mas gat 9-pela tim i stap insait. Tasol Presiden bilong PMISA, Posman Kisakiu i toktok long daunim namba i go daun long 8 tim long wanwan divisen.

Mojeck i tok eksekutyutiv bung bai toktok moa long dispela na kamap wantaim namba bilong ol tim insait long wanwan divisen.

Mojeck i tok wantaim 8-pela tim long wanpela divisen, bai ol wanwan

divisen i gat 7-pela gem long olgeta wiken. Na sapos pilai pinis hariap long raun 1 na raun 2, ol i ken pilai i go moa long raun 3.

Wantaim 9-pela tim long wanwan divisen, bai gat 8-pela gem long wanwan divisen long olgeta wiken. Na wanpela tim bai sanap bae long wiken. Bae tu em wanpela gutpela samting bikos sapos wanpela tim i gat hevi, orait tim husat i sanap bae i ken kisim ples bilong tim ya na pilai.

Long dispela yia soka sisen bilong PMISA, sampela divisen i bin gat 8-pela tim na arapela divisen i gat 9, 10 na 11 tim. Long dispela as, dro i no bin sanap gut tumas.

Mojeck i tokaut tu olsem nominesen bilong ol nupela opisel bilong PMISA i op nau. Ol manmeri ken go kisim nominesen fom long PMISA opis na makim ol man ol i ting inap holim wok bilong ronim soka insait long Mosbi long neks ya.

## Pablik sevans soka i soim planti gutpela pilaia

MOSBI Pablik Sevans soka resis i wok long soim aut planti soka man na meri husat i ken pilai gutpela stail bilong soka long Mosbi soka asosiesen resis long neks ya. Sampela bilong ol dispela pilaia tu i ken winim tru ai bilong ol soka opisel na sapota long kamap insait long PNG skwat.

Dispela em wanpela samting we i ken helpim tru soka resis insait long Mosbi long neks ya na arapela yia bihain tu. Planti soka pilaia husat i no save pilai bipo i wok long soim aut stail bilong ol long fil na gem bilong ol i wok long kamap gut tru.

Planti pilaia husat i save kik bipo tasol i bin stopim pilai bikos long wok bilong ol i stat long soim ol yet gen long soka fil.

Na dispela em wanpela rot bilong pulim interes i kam bek gen na tu kirapim interes insait long ol yangpela soka pilaia.


Long stat bilong Pablik Sevans kik long las mun, pilai i wok long ron isi isi i kam inap las tripela wik i go pinis, em nau pilai go

strong moa. Dispela em bihain long nem bilong ol klap i kamaut ples klia long wanem tim i stap antap long poin lata bilong man na meri.

Nau i gat planti pilaia husat i ken pilaim gutpela stail soka tru long bihain. Sampela i save kik bipo tasol i no long dispela kain stail nau ol i pilai long en. Ating bikos ol i join wantaim ol wanwok bilong ol stret olsem na ol i pilai strong tru na soim moa stail tru long soka graun.

I gat planti gutpela pilaia mi ken lukim i wok long kamaut insait long tim bilong ol man olsem, Atoni Jenerel, Elcom, NPF, Home Afeas, NBC, PTC, Edukesen na Teachers. Long tim bilong ol meri, sampela meri i wok long kamautim stail tru long ol tim olsem, PTC, DCA, Atoni Jenerel, Hom Afes, Woks na Trensport.

Sapos Pablik Sevans soka asosiesen i traime long bungim ol pilaia ya na kamapim wanpela tim insait long Mosbi soka resis long neks ya, mi ting dispela tim



bai kamapim planti bel hevi long planti biknem soka tim long Mosbi.

Dispela em wanpela rot bilong kirapim soka i go strong insait long Mosbi. Na dispela i ken helpim stended bilong soka i groa na kamapim planti gutpela pilaia husat i ken makim kantri long ol bikpela pilai long ovasis.

Pasin bilong painim ol gutpela pilaia em long dispela kain rot tasol olsem Pablik Sevans soka i wok long mekim i stap long Mosbi. Planti gutpela pilaia i hait i stap tasol sapos kain pilai olsem i kamap, ol kosa na opisel i ken painim ol na kisim ol hariap.

I mas gat rot bilong ol pilaia i

ken soim ol yet aut long pilai. Na wanpela gutpela piksa em long Pablik Sevans soka na EPC tonamen we ol manmeri bilong Milen Be provins i save holim olgeta yia.

BFC tonamen we ol lain bilong Buang insait long Morobe provins i save holim olgeta yia tu i wanpela gutpela rot bilong soim aut ol gutpela soka pilaia. Tasol nau dispela BFC tonamen i bin pundaun pinis. Tasol sapos em i stap yet, em i wanpela gutpela rot bilong soim aut ol pilaia we ol kosa i ken makim ol long pilai insait long PNG skwat.

Planti taim yumi save harim olsem i gat planti gutpela soka pilaia i hait insait long ol kona bilong Papua Niugini i stap. Dispela tu i wankain long ol arapela spot. Tasol rot bilong painim ol na kisim ol i kam ples klia i hat tru.


Taim yumi tok long painim wanpela man husat i ken pilai straika, dispela man i mas straika stret. Mama bilong em i karim em wantaim bodi bilong werim

namba 10 long straika. Dispela em yumi kolim rait man bilong rait posisen.

Olsem na kain rot we Pablik Sevans, EPC na BFC i save mekim long olgeta yia em wanpela gutpela rot bilong painim ol kain pilaia em yumi save toktok long en.

Long ol provins tu yumi save harim olsem i save gat kantri soka resis olsem Morobe Kantri, Madang Kantri, Wewak na Vanimo Kantri na tu i gat kain kantri resis olsem tu long Sentrel provins long hap bilong Hood Poin eria. Tasol i no gat gutpela sapot tumas long ol olsem na ol dispela tonamen i no save kamap long olgeta yia. Sampela i kamap long narapela krismas na pinis long narapela krismas.

Olsem na taim yu sindaun na lukluk long ol kain pilai olsem Pablik Sevans, EPC, BFC, Kantri soka resis, no ken larim ai na tingting bilong yu i drip i go. Opim ai na glasim gut ol pilaia bikos sampela bilong ol inap wokim nem bilong kantri long bihain.



# WANTOK SPOTS

## PNGFA laik bungim olgeta liklik soka asosiesen

### SOKA RIPOT

#### YAKAM KELO i raitim

WOK painimaut i soim olsem i gat moa long 34 senta olgeta insait long Papua Niugini we ol manmeri i save pilai soka i stap long olgeta wiken. Tasol olgeta i no soim ol yet long afiliet i go long nesenel bodi, Papua Niugini Futbol Asosiesen (PNGFA).

Dispela ripot i bin kamap long bikpela bung bilong ol soka kosa na PNGFA opisel long las wiken.

Ripot i tok olsem planti senta i save pilai soka gut tru long hap bilong ol. Tasol ol i no save laik rejistaim asosiesen bilong ol wantaim PNGFA.

Toktok i kamap olsem PNGFA i mas kamapim strongpela ripot samting na salim i go long olgeta asosiesen ya long i mas rejista wantaim nesenel bodi na bringim ol pilaia bilong ol i go aut.

Wok painimaut i soim olsem i gat soka asosiesen insait long distrik na taun olsem long Kerema, Daru, Buka, Arawa, Milen Be, Rabaul, Kavieng, Wewak na Vanimo. Soka i save kamap gut long olgeta wiken we ol tim i save kamap na mekimsave long pilai.

PNGFA i gat strongpela tingting nau long i mas lukluk gut long dispela samting na kamapim sampela kain rot bilong bungim gut olgeta soka asosiesen ya aninit long nesenel bodi.

#### 5 Yia Dvelopmen Plen

Insait long dispela miting bilong ol kosa, toktok i kamap tu long strongim 5 Yia Dvelopmen Plen we moa wok i mas kamap long strongim junia dvelopmen program.

Dispela em wanpela eria we i no gat stretpela program bilong em long karimaut olgeta yia. Long dispela as, bikpela toktok i kamap pinis long wanpela strongpela rot

bilong dispela program bilong ol junia i mas kamap na i stap redi long wok bilong junia trening program.

Toktok i kamap tu olsem ol toktok we i save go long niuspepa i mas kisim luksave pastaim long nesenel bodi bihain long ol toktok bilong bagarapim o daunim narapela i kamap long niuspepa.

Ol kosa i tokaut olsem planti toktok ol soka pilaia na opisel bilong wanwan asosiesen i save mekim long niuspepa long daunim arapela i no gutpela. Bikos dispela i save kamapim sampela hev tu long dvelopmen bilong soka we sampela kampani i laik givim sponsa tasol ol i pret long lukim ol

riport no gut we i kamap long nius.

Long dispela as wanem kompelen o tok kros i laik kamap long husat man, em i mas salim toktok i go long PNGFA we ol bai sindaun na toktok long en pastaim long ripot ya i go long nius.

Ripot i kamaut olsem afiliesen na rejistresen fi i go long PNGFA long neks yia bai sanap wankain olsem dispela yia. Olgeta soka provins husat i gat pilaia moa long 700 bai baim fi long 4,000.

Soka senta we ol i putim long A Senta bai baim K3,500 na B Senta bai baim K1,000. Dispela em wankain tasol long dispela yia.

## Unagi lig makim 20 pilaia tim long Lord Mayor's Kap resis

### OP SISEN LIG

#### JOE KANEKANE i raitim

OL opisal bilong Unagi lig i tokaut pinis long nem blong ol pilaia husat bai makim maus blong lig long Lord Mayor's Kap resis, we ol bai pilai long krismas wiken, na tu ol i mekim wanpela singaut i go long sampela op sisen resis husat i gat tingting long pilai long dispela taim.

Tripela tim i bin tok klia olsem ol bai stap insait long dispela pilai resis. Man i go pas long dispela resis, Felix Tapie i tok olsem em i laik lukim sampela moa tim i kam pilai.

Tim we ol opisal i bin makim i gat gutpela kankain stail pilaia. Tim i gat ol yangpela pilaia, wantaim sampela husat i save pilai long ol bikpela resis long siti.

Long tingting bilong wanpela bilong ol dispela selekta, Micheal Kiagi, dispela tim bai pilai strong long karim kap i go bek long hap bilong ol.

#### Tim ya em:

1. John Sapan-5 mile
  2. Tevo Wai-5 Mile
  3. Peter Nebare-5 mile
  4. Sumai Dama-5 mile
  5. Irafa Moses-Siane
  6. Belden Tapie-Sary Hawk
  7. Tom Tapie-Sary Hawks
  8. Sam Backo-Saraga
  9. Hurri Hawai-Gordon Ridge
  10. James Bre-Gordon Ridge
  11. John Liba-Gordon Ridge
  12. Richard Solo-6 mile
  13. Ekson-6 mile
  14. Peter Sterlo-Warasua
  15. Blasius Pilak-7 Mile Jets
  16. Ravu Tara-7 Mile Jets
  17. Bronco Rose-Sharks
  18. Timothy Kaupa-Sharks
  19. Wayne Moari-4 mile
  20. Siko Rupa-3 na 4 mile
- Ol opisal bilong tim em:  
Tim menesa-Peter Kaupa  
Trena na kosa-Mattew Kano



• Ragbi tim bilong 5 Mail Nomads husat i gat foapela pilaia i stap long Unagi skwat long pilai insait long Lod Meyas Kap long Krismas. Arapela opsisen lig skwat tu bai salens.

## Het kosa tasol bai makim nesenel tim long 1995

### SOKA RIPOT

SENIS i kamap pinis olsem het kosa bilong Papua Niugini Futbol Asosiesen (PNGFA) wanpela bai makim nesenel skwat bilong makim kantri long ol ovasis na Saut Pasifik Gems long neks yia, na ol arapela yia bihain.

Insait long bung bilong ol soka kosa na PNGFA long las wiken, biknem spot program kodineta bilong Spot Komisin, Scott Vavine i

tokaut olsem nau olgeta kosa i mas lusim tingting long sanap wanwan.

Scott i tok olgeta kosa i mas sanap wantaim na bungim sapot i go long het kosa long makim skwat bilong makim kantri.

Dispela i min olsem het kosa yet bai makim ol pilaia long laik bilong em long mekim kamap nesenel soka tim bilong go pilai long ovais tonamen o long

#### Saut Pasifik Gems.

Long bipo i save gat seleksen komiti we sampela lain kosa i save sindaun na makim ol pilaia long laik bilong ol, na bihain ol i kam bungim na skelim.

Tasol dispela pasin bai senis. Na kosa yet bai makim skwat bilong em. Bikos eksperiens i soim olsem sampela kosa i save plen na rot bilong em long ol pilaia i bihainim, tasol ol pilaia i no save wankain. Sampela pilai i gutpela long pilai tasol ol i no

gutpela long yusim tingting na save bilong ol long ritim gem bilong birua tim. Sampela pilaia i save pilai olsem fulbek tasol i no klia long wok bilong atek bikos ol i ting ol bai sanap tasol olsem difenda.

Rekot i soim tu olsem dispela em rot ol biknem soka kantri insait long wol i save yusim we nesenel kosa wanpela i save makim

skwat bilong em long makim kantri.

Scott Vavine husat tu em asisten junia kosa bilong PNG junia skwat i tok dispela sistem i no min olsem het kosa bai yet muv raun long olgeta hap bilong provins na painim pilaia long makim. Het kosa i ken stap na askim husat kosa long narapela provins long lukluk raun na makim ol pilaia.

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.

### PUBLIC SERVANTS SOCCER ASSOCIATION

Sat 17/12/94 (Bis 1)			
Time	Div 1	Fixtures	
0800am	M	PNGBC vs IRC	IRC
0910	W	PNGBC vs POSF	IRC
1000	M	Educationi vs POSF	POSF
1110	W	Education vs HAY	POSF
1200pm	M	NPF vs HAY	HAY
0110	W	NPF vs A/General	HAY
0200	W	Uni vs A/General	A/General
0250	M	Uni vs A/General	A/General
0400	W	IRC vs Works	IRC
0450	M	IRC vs Works	IRC
Div 2 (Bis 2)			
0800am	M	BPNG vs Transport	Transport
0910	W	BPNG vs Invest. Corp.	Transport
1000	M	PM vs Invest. Corp.	Invest. Corp.
1110	W	PM vs Deced	Invest. Corp.
1200pm	M	NCDC vs Deced	Deced
0110	W	NCDC vs Decad	Decad
0200	M	NBC vs DCA	DCA
0250	W	NBC vs DCA	DCA
0400	W	CMB vs Finance	Finance
0450	M	CMB vs Finance	Finance
BYE:	M	Teachers	Saturday
		A/Niugini	Saturday

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.